



登科記考卷二十一

唐文宗元聖昭獻孝皇帝

大和四年 庚戌



正月德音天下諸色人中有賢良方正能直言極諫及經術優

可為師法詳明吏治達於教化等科委常參官及方牧郡守各舉

所知草澤無人舉者亦聽自舉限來年正月至上都 唐會要

十月中書門下奏應開元禮學究一經二禮三吏明習律令科人

等準大和元年十月二十三日敕散試官及白身人並於禮部考

試其有出身及有官人並吏部科目選者凡是科目本合在吏部

登科記考 卷二十一

試自分兩處考試每處皆別與人數轉多事理非便臣等商量坐

準前吏部收試其諸節目並準大和元年十月十三日敕處分從

之册府 元龜

是年敕進士進士及第不得過二十五人 見下九年 書門下奏

進士二十五人 宋祁 狀元見清熙三山志玉 林簡言 清熙三

福清人終漳州軍事判官 楊發 唐才子傳楊發大和四年禮部

書楊收傳楊遺直生四子發假收嚴發字南觀察推官 令狐

登進士第又以書判拔萃釋褐校書郎胡南觀察推官 魏扶 舊書鄭餘慶傳令狐絢魏扶

絢 舊書令狐楚傳子絢字子 魏扶 舊書鄭餘慶傳令狐絢魏扶 直大和四年登進士第 皆鄭鞞貢舉門生 唐詩紀

事扶登大和四年進士第大和中初知禮闈入貢院題詩云梧桐葉 落滿庭陰鎖閉朱門試院深曾是當年辛苦地不將今日負前心

榜出無名子削爲五言詩以譏之鄭滂因話錄進士鄭滂在名場歲久流輩多已崇達常有後時之歎一夕忽夢及第而與韋周方同年當時韋氏先期舉人無周方之名者益悶問大和元年秋移舉洛中時韋景方居守尚書族弟也赴舉過陝尚書時廉察陝郊詰景方曰我名宏景汝兄宏方汝名景方兄弟各分吾名一名字之殊無義也遂更名周方滂聞之極喜曰吾及第有望矣四年周方果同年焉滂登朝至殿中侍御史

韋周方見上

諸科七人

拔萃科

張正矩

太平廣記引續定命錄祕書監劉禹錫其子咸允久在舉場無成禹錫憤惋宦途又愛咸允甚

切比歸闕以情訴于朝賢大和四年故吏部崔羣與禹錫深于素分見禹錫踴躍如此尤欲推輓咸允其秋羣門首選焉及榜出咸允名甚居下羣怒之戒門人曰張正矩來更不要通正矩兄正矩前河中參軍應書判拔萃其時羣總科目人考官糊名考訖羣讀正矩判心竊推許又謂是工部尚書正甫之弟斷意便與奏及敕

登科記考

卷二十一

二

下正矩與科目人謝主司獨正矩敢敘前致詞某殺身無地以報相公深恩一門之內兄弟二人俱受科名拔擢粉骨齧肉無以上答方位下語未終羣忽悟是正矩之兄弟勃然曰公是張正矩之兄爾賢弟大無良把羣販名豈有如此事與賊何異公之登科命也非某本意更謝何爲

知貢舉

禮部侍郎鄭瀚

見唐語林

五年

辛亥

正月十七日詔以兵戈未息舉人權停

唐會要按卽舊年正月德音所舉者

十二月國子祭酒裴通奏當司所授丞簿及諸館博士助教直講等謹按六典云丞掌判監事凡六學生每歲月業成上手監者以其業與司業祭酒試之明經帖經口試

雜文策時務徵故事注云其試法皆依考功口試明經帖限通八
以上明法明算皆通九以上主簿掌印句檢凡學生有不率師教
者則舉而免之其頻三年下第九年在學無成者亦如之注云假
如違程限及作樂雜戲者同準彈琴習射不禁諸博士助教皆分
經教授學者每授一經必令終講所講未終不得改業諸博士助
教皆計當年講授多少以為考課等級應補當司諸學生等按學
令云諸生先讀經文通熟然後授文講義每旬放一日休假前一
日博士考試其試讀書每千言內試一帖帖三言講義者每二千
言內問大義一條總試三條通二為及第通一及不全通者酌量
登科記考

卷二十一

所奏敕旨宜依

册府元龜
唐會要

進士二十五人

杜陟 狀元 王芝堂談蒼
以李遠為狀元誤

李遠

唐才子傳李遠
字求古大和五

年杜陟榜進士及第蜀人也遠有及第後送家兄游蜀
詩陪新及第赴同年會詩 玉芝堂談蒼遠夔州人

殷羽書

殷侑傳子羽大和
五年登進士第

徐商

李隲徐襄州碑公名商字秋卿始舉進
士文宗五年春考登上第 舊書徐彥

若傳父商字義聲大中十三年及第釋褐祕書省
校書郎按大中十二年商已為襄州刺史本傳誤

李汝儒

唐詩
紀事

汝儒登大和五年進
士第官至翰林學士

苗暉

韓文考異引登科記暉大
和五年進士第蕃之孫也

諸科六人

拔萃科

韓泉

太平廣記引續定命錄昌黎韓泉故晉公混之支
孫博通經史大和五年自大理丞調選平判入等

知貢舉 中書舍人賈餗 舊書本傳大和三年拜中書舍人四年禮部侍郎凡典禮闈三歲所選士七十五人得其名士多至公卿者七年五月轉兵部侍郎

六年壬子

是年賈餗奏復別頭試 新書選舉志

進士二十五人 文苑英華辨證引登科記大和六年試 李珪 狀元

許渾 唐才子傳許渾字仲晦潤州丹陽人圍師之後也大和六年李珪榜進士讀書志作字用晦渾有及第後春情詩

云世閒得意最春風散誕經過觸處通細搖柳臉牽長帶慢撼桃株舞碎紅也從吹幌驚殘夢何處飄香別故叢猶以西都名勾客今年一月 畢誠 舊書本傳誠字存之鄆州須昌人祖凌父下誠

始相逢 能歌詩端慤好古交游不雜大和中進士擢第又以書判拔萃尤東觀奏記畢誠本估官之子連昇甲乙科 永樂大典載蘇州府

登科記考 卷二十一 四

志畢誠大和六年登第 撫言畢誠相公及第年與一二人同行聽響卜夜艾人稀久無所聞俄遇人投骨于地羣犬爭趨又一人

曰後來者必銜得 北夢瑣言唐相畢誠吳鄉人詞學品度冠于此朝士譏其齷賈之子請為誠字相國忻然受而謝 韋澳 舊書

之竟以此名登第致位臺輔前之朝士慚悔交集也 之傳子澳字子斐大和六年擢進士第又以宏詞登科 南都新書韋澳舉進士時日者陳子諒號為陳特快云諸事未敢言惟青

州節度使不求自得後果除拜 按許渾有 杜顓 杜牧故淮南

酬康州韋侍御同年詩而澳未為御史俟考 支使試大理評事兼監察御史杜公墓誌銘君諱顓字勝之年二十四明年當

舉進士始握筆其闕下獻書與裴丞相度書指言時事書成各數千字不半歲遍傳天下進士崔岐有文學峭澀不許可人詣門贈

君詩曰賈馬死來生杜顓中間寥落一千年朝士以進士士二

十六一舉登上第時賈相國餗為禮部之二年朝士以進士士二

公不獲有傑強毀嘲者賈公曰我祇以杜某敵數百輩足矣大中

五年卒年四十五是上第在此年而牧上宰相敵湖州第 侯春

時許渾有與侯春時
同年南池夜話詩

崔口許渾有送同
年崔先輩詩

諸科五人

知貢舉

禮部侍郎賈餗見上

七年癸丑

八月甲申朔册皇太子德音漢代人皆繇儒術故能風俗深厚
教化興行近日苟尚浮華莫脩經藝先聖之道堙鬱不傳況進士
之科尤要釐革雖鄉舉里選不可復行然務實抑華必有良術既
當甚弊思亦改張今寰宇又甯干戈已戢皇太子方從師傅傳授
六經一二年之後當令齒冑國庠以興墜典宜令國子監于諸道

登科記考

卷二十一

五

搜訪名儒置五經博士各一人其公卿士族子弟明年已後不先
入國學習業不在應明經進士之限其進士學宜先試帖經並略
問大義取經義精通者次試議論各一首文理高者便與及第其
所試詩賦並停其試帖經官便以國子監學官充禮部不得別更
奏請舊書本紀册府元龜唐大詔令集按開成元年文宗
謂宰臣所見詩賦似勝去年是大和九年仍用詩賦也則停
試詩賦惟大和
甲寅一年耳

禮部奏進士舉人先試帖經并略問大義取經義精通者次試議
論各一首文理高者便與及第其所試詩賦並停者伏請帖大經
各十帖通五通六爲及格所問大義便於習大經內進各明經例

問十條仍對眾試口義伏惟新制進士略問大義緣初釐革今且以通三通四為格明年以後並依明經例其所試議論請各限五百字以上為式敕旨依奏

冊府元龜 唐會要

九日敕宏文崇文兩館生今後並依式試經畢日仍差都省郎官兩人覆試須責保任不得輒許替代

唐會要

是月國子監起請準今月九日德音節文令監司於諸道搜訪名儒置五經博士一人者伏以勸學專門復古之制博採儒術以備國庠作事之初須有獎進伏請五經博士秩比國子博士今左氏春秋禮記周易尚書毛詩為五經若論語爾雅孝經等編簡既多

登科記考

卷二十一

六

不可特立學官便請依舊附入中經敕旨依奏

冊府元龜 唐會要

十二月敕於國子監講論堂兩廊創立石壁九經并孝經論語爾

雅共一百五十九卷字樣四十卷

冊府元龜 唐會要 按新舊書皆不載此敕此即刊石經之始

其時又勅覆定九經字體見九經字樣蓋是年覆定乃於九年上石也一百五十九卷當作一百六十卷 劉禹錫國學新脩五經壁本記初大厯中名儒張參為國子司業始詳定五經書于論堂東西廂之壁辨齊魯之音取其宜考古今之文取其正繇是諸生之師心曲學偏聽異說咸束之而歸于大同揭揭高懸積六十年歲崩剝汗皸泮然不鮮今天子尚文章尊典籍于苑囿不加尺椽而成均以治國學上言遠賜千萬時祭酒韓實尸之博士公肅買佐之國庠重嚴過者必式遂以羨贏再新壁書懲前如粉澤而潔壽乃析堅木負墉而比之其制如版牘而高廣其平如塗澤而潔滑皆施陰關使眾如一附離之際無迹而尋堂皇靚深兩廡相照申命國子能通法書者分章揆日遜其業而繕寫馬筆削既成豐校既精白黑彬斑瞭然飛動以蒙來求煥若星辰以敬來趨肅如

神明以疑來質決若著蔡由京師而風天下覃及九譯咸知宗師
非止服逢掖者鑽仰而已于是學官陳師正等暨生徒凡四百二
十有八人請金石刻且歌之曰我有學宇既傾而成之我有壁經
既昧而明之孰規矩之孰發揮之祭酒維齊傅士維章俾我學徒
弦歌以時切切祁祁不敖不嬉庶乎移史官宜附于藝文云
石經勒于大和九年故是時國學尚用木
版自大曆十一年至是歲為五十八年

進士二十五人

李餘

王芝堂談薈大和八年狀元李餘成都人
按八年狀元為陳寬則李餘當在此年

李福

舊書李石傳石弟福字能
之大和七年登進士第

魏謩

舊書本傳謩字申之鉅
鹿人五代祖文貞公徵

會祖殷祖明父馮謩大和七年登進士第
任京兆府參軍主試不送魏相公謩深銜之會昌中回為刑部侍郎
謩為御史中丞嘗與次對官三數人候對於閣門謩曰某頃歲
府解蒙明公不送何幸今日同集于此回應聲答曰經如今也不
送謩為之色變益懷憤恚後回謫牧建州謩大拜回有啟狀謩悉
不納既而回怒一衙官決杖勒停建州衙官能庇徭役求隸籍者

登科記考

卷二十一

七

所費不下數十萬其人切恨停廢後因亡命至京師接時相詭
諸相皆不問會亭午憇于槐陰顏色憔悴旁人察其私詰之其人
具述本意于是誨之曰建陽相公素與中書相公有隙子盍詣之
言說魏公導騎自中書而下其人常懷文牒尾敲檐子門令止及
導從問對曰建州百姓訴冤公聞之倒持塵尾敲檐子門令止及
覽狀所論事二十餘件第一件取同姓子女入宅于是為魏相極
力鍛成大獄時李相已量移鄧州刺史行次九江
遇御史鞠御廻建陽竟坐貶撫州司馬終於貶所
胡澥宣室志
澥家於東郡以文學知名大和七年春登進士第時賈餗為禮部
侍郎後二年文宗皇帝擢餗相國是歲冬十一月京師亂餗與宰
臣涯已下俱遜去有詔捕甚急時中貴人仇士良護左禁軍命部
將執兵以窮其跡部將謂士良曰胡澥受賈餗恩今當匿在澥所
願得驍健士五百環其居以取之士良可其請于是部將擁兵至
澥門召澥出厲聲曰賈餗在汝家汝宜立出不然與餗同罪澥度
其勢不可以理辨抗辭拒之部將怒執澥詣士良戮于轅門之外
太平廣記引補錄記傳作胡激又云激前嶺南節度使誕之子誤
明經科 雲麓漫鈔于是年列三傳科三史科蓋誤以為
制科也三傳當入明經下三史當入諸科下

諸科五人

知貢舉 禮部侍郎賈餗見上

八年甲寅

正月禮部奏明經宏文崇文館生太廟郊神齋郎掌坐等共五百

五十二人今六色共請減一百三十八人從之冊府元龜

是月敕明經及第不得過一百一十人見下九年申書門下奏

是月禮部侍郎李漢奏準大和七年八月敕貢舉人不要試詩賦

策且先帖大經小經共二十帖次對正義十道次試議論各一首

訖考覆放及第冊府元龜

登科記考

卷二十一

八

是月中書門下奏進士放榜舊例禮部侍郎皆將及第人名先呈

宰相然後放榜伏以委在有司固宜精慎宰臣先知取捨事匪至

公今年已後請便令放榜不用先呈人名其及第人所試雜文及

鄉貢三代名諱並當日送中書門下便合定例敕旨依奏冊府元龜唐

會要

七月堂帖中書門下御史臺尚書省諸道節度觀察使置令各舉

解周易一人冊府元龜

八月丙申詔罷諸色選舉以歲旱故也舊書本紀冊府元龜

九月敕吏部禮部兵部今年選舉並緣秋末蟲旱相因恐致災荒

權令停罷及歛藏之後物力且任念彼求名之人必懷缺望之念甯違我令以慰其心宜依常例卻置應緣所納文狀及銓試等期限仍準今年格文遞延一月冊府元龜

十月禮部奏進士舉人自國初以來試詩賦帖經時務策五道中

閒或暫改更旋即仍舊蓋以成格可守所取得人故也去年八月

敕節文先試帖經口義論議等以臣商量取其折衷伏請先試帖

經通數依新格處分時務策五道其中三道問經義兩道時務其

餘並請準大和六年以前格處分敕旨依奏冊府元龜

進士二十五人記纂淵海引秦中記唐大和八年放進士多貧士無名子作詩曰乞兒還有大通年六十三人籠仗

登科記考

卷二十一

全薛庶準前騎瘦馬范鄧依舊蓋番瓊按是年進士諸科祇三十六人言六十三人誤是年殷恪劉筠等第罷舉見摭言

陳寬狀元雍陶唐才子傳雍陶字國鈞成都人大和八年陳寬榜進士及第姚合有送雍陶及第歸觀詩云獻親

冬集書比橋復何如此去關山遠相思笑語疏尋丹第歸斷人近白雲居幽石題名處憑君亦記余賈島有送雍陶及第歸成都

甯親詩云不唯詩著籍兼又賦知名議論于題稱春秋對問精半應陰騰與全賴有司平歸去峰巒眾別來松桂生漲江流水品當

道白雲坑勿以攻文捷而將學劍輕製衣新濯錦開醞舊燒畧同日昇科士誰同膝下榮雲溪友議雍陶上第後稍薄于親黨

裴坦新書本傳坦字知進隋營州都督世節裔孫父父福建觀察使坦進士及第北夢瑣言唐相國裴公坦大和八年

李漢侍郎下及第自以舉業未精遠此叨忝未嘗曲謝座主辭歸鄂縣別墅三年肄業不入城歲時恩地唯啟狀而已至于同年鄰

於謝絕掩關勤苦文格乃變然始到京重獻恩門鄭處誨舊書文章詞采典麗舉朝稱之延美於昆仲聞文章鄭處誨舊書

慶傳餘慶孫處誨字延美於昆仲聞文章鄭處誨舊書拔秀早為士友所推大和八年登進士第苗恪韓文考異引登

年進士第
趙璘璘作因話錄云余座主隴西公爲臺丞奏今孔蕃之孫也
西公淹恤在外多年除宗正少卿歸朝而孔徐二公竝時爲丞相每譙集人以爲盛事亦可嘆息于宦途也按隴西公爲李漢是璘于大和八年登第璘于大和六年
應京兆府試入等第亦見因話錄
薛庶見上
范鄼見上

諸科十一人

知貢舉

禮部侍郎李漢

舊書本紀大和七年六月壬申以御史中丞李漢爲禮部侍郎

九年乙卯

十二月中書門下奏今月九日閣內面奉進止令條流進士人數及減下諸色入仕人等進士準大和四年格及第不得過二十五人今請加至四十人明經準大和八年正月敕及第不得過一百一十人今請再減下十人伏以國家取士遠法前代進士之科得人爲盛然于入仕須更指摛必使練達固在經歷起來年進士及第後三年任選委吏部依資盡補州府參軍緊縣簿尉官滿之後來年許選三考後聽諸使府奏用便入協律郎四衛佐未滿三考不在奏改限如任江淮官特與勉其綱使又聞每年貢士嘗僅千人據格所取其數絕少強學待用嘗年不試孤貞介士老而無成甚可惜之臣等商量望付所司精求行藝起來年添滿四十人及第仍委禮部于所試諸色貢舉人元格數內共減一十五人都守每年放出身黃衣人數永爲定制編入常格庶令才人速得自効

登科記考

卷二十一

十一

經於下位以致上達可之冊府元龜容齋續筆引登科記中書門下奏進士元額二十五人請加至四

十八即此年奏也

中書門下又奏奉進止令減下諸色入仕人其宏文館學生見定

十六人今請減下一人敕旨依奏唐會要

進士二十五人 鄭確狀元 確玉芝 堂談薈作瑾 賈駝唐才子傳賈駝大和九年鄭確榜進士

士 何扶摭言何扶大和九年及第明年捷三篇因以一絕寄舊同年曰金榜題名墨上新今年依舊去年春花開每被

紅妝問何事 牛蔚舊書牛僧孺傳僧孺子蔚字大章十重來只一人 五應兩經舉大和九年復登進士第 侯固高熙三山志鄭瓘榜進士侯固字子重 閩縣人累官鄜坊靈武易定節度使

諸科五人 王凝舊書王正雅傳王凝字致平十五兩經擢第再登進士甲科以乾符五年卒年五十八推之十

登科記考

卷二十一

十一

五歲在是年

知貢舉 工部侍郎崔郾舊書本傳大和八年為工部侍郎集賢殿學士權知禮部是于九年知舉也

開成元年丙辰

正月辛丑朔大赦天下改元制曰其有藏器待時隱身巖穴奇節

獨行可激風俗者委常參官及所在長吏各以名聞文武之道合

而兼濟勳臣子弟有能脩詞務學應進士明經及通諸科者委有

司先加獎引冊府元龜 唐大詔令集

二月癸未宰臣奏事于紫宸殿帝曰從來文格非佳昨試進士題

目是朕自出所見詩賦似勝去年宰臣李石曰陛下改詩賦格調

以正頽俗高錯亦能厲精取士仰副聖旨冊府元龜

五月庚申判國子祭酒宰臣鄭覃奏太學新置五經博士各一人

請依王府官例賜以祿粟從之舊書本紀

十月中書門下奏朝廷設文學之科以求髦俊臺閣清選莫不由

茲近緣覈實不在于鄉閭趨名頗雜于非類致有跋扈之地情計

交通將澄化源在舉明憲臣等商量今日以後舉人于禮部納家

狀後望依前五人自相保其衣冠則以親姻故舊久同游處者其

江湖之士則以封壤接近素所諳知者為保如有缺孝弟之行資

朋黨之勢跡由邪徑言涉多端者並不在就試之限如容情故自

登科記考 卷二十一 十一

相隱蔽有人糾舉其同舉人並三年不得赴舉仍委禮部明為戒

厲編入舉格敕依奏唐會要

進士四十八冊府元龜自其年至二年三年並高錯知貢舉每年皆恩賜題目及第並四十八人 陳上美

唐才子傳陳上美開成元年禮部侍郎高錯放榜第二人登科 鄭史永樂大典引宜春志鄭史字惟直宜春人登開成元年進士第 唐詩紀 蔡京唐語林邕州蔡大夫京者故令狐相公楚鎮滑臺之日因道場見于僧中

事鄭史終國子博士 勸學乎師從之乃得陪相國子弟後以進士舉上第尋又學究登

科零陵鄭太守 陸瓌永樂大典引蘇州府志開成元年舍人高錯知舉陸瓌登第 李口鄭

史與京同年 詩引云谷卬歲受同年丈人故川守李史郎教諭又詩云多感京

河李丈人童蒙受教便書紳按谷為鄭史之子鄭史郎蓋與史同

年其名 劉瑑舊書本傳瑑彭城人祖瑒父瑒瑑開成初進士擢第 裴德融太

廣記引盧氏雜說裴德融諱泉值高錯知舉德融入試錯曰伊諱
舉向某下就試與及第困一生事後除屯田員外郎與同除郎官
一人同參右丞盧簡求到宅右丞先屈前一人入從容多時前人
啟云某與新除屯田裴員外同祇候右丞裴員外在門外多時盧
遽使驅使官傳語曰員外是何人下及第偶有事不得奉見裴倉
違失措騎前人馬出門去 按高錯知舉不知第幾榜附載于此
諸科九人

知貢舉

中書舍人高錯

舊書本傳大和七年遷中書舍人九年十月以本官權知禮部貢舉開成元年

春試畢進呈及第人名文宗謂侍臣曰從前文格非佳昨出進士
題目是朕出之所試似勝去年鄭覃曰陛下改詩賦格調以正顏
俗然高錯亦能勵精選士仰副聖旨帝又曰近日諸侯章奏語太
浮華有乖典實宜罰掌書記以誠其流李石曰古人因事爲文今
人以文書事徵弊抑未實在
盛時乃以錯爲禮部侍郎

二年丁巳

登科記考

卷二十一

三

高錯司貢籍詔曰

按此詔在去年秋以係二年貢舉事類載于此夫宗子維城本枝百代

封爵所宜無令廢絕常年宗正寺解送人恐有浮薄以忝科名在

卿精揀藝能勿妨賢路所試賦則準常規詩則依齊梁體格乃試

琴瑟合奏賦霓裳羽衣曲詩任用韻

雲溪友議 唐闕史開成初文宗皇帝耽玩經典好古博

雅嘗欲黜鄭衛之樂復正始之音有太常寺樂官尉遲璋者善習
古樂爲法曲簫磬琴瑟戛擊鏗拊咸得其妙遂成霓裳羽衣曲以
獻詔中書門下及諸司三品以上具常服班坐以聽金奏相顧
曰不知天上也瀛洲也因以曲名宣賜貢院充試進士賦題

高錯先進五人詩奏曰臣錯昨日奉宣進止令將進士所試詩賦

進來者伏以陛下聰明文思天縱聖德今年詩賦題目出自宸衷

體格雅麗意思遐遠諸生捧讀相賀自古未有倍用研精覃思磨

勵緝諸其今年試詩賦比于去年又勝數等臣日夜考較敢不推
公進士李肱霓裳羽衣曲詩一首最爲迥出更無其比詞韻既好
人才俱美臣前後吟詠近三五十遍雖使何遜復生亦不能過兼
是宗枝臣與狀頭第一人以其能次張棠詩一首亦絕好亞次
李肱臣與第二人其次沈黃中琴瑟合奏賦又似文選中雪月賦
體格臣與第三人其次王收賦自立意緒言語不凡臣與第四人
其次柳棠詩賦興思敏速日中便成臣與第五人凡此五卷詩賦
擢其中科實所不愧其餘三十五人或獎舊文別錄人材非止一
途四面搜擇臣並與及第李肱舊文亦好人物絕奇每視其

闕他

登科記考

卷二十一

十四

日必爲卿相宗枝之俊實爲難得况屬籍之中讀書爲文者甚少
伏望聖恩俯留宸覽李肱等五人詩賦若有不堪敢受欺天之罪
如或可採伺候聖心其李肱詩賦伏望陛下聖慈特加獎飭宣示
百僚以勸皇族飭脩之道臣繆忝主司不勝悽悽之誠其詩賦總
爲一卷謹隨狀奉進以聞上披文曰近屬如肱者其不忝乎有劉
安之識可令著書執馬孚之正可以爲傳秦嬴統天下子弟同匹
夫根本之不深固曹鬲不非也

唐詩紀事

覆定石經字體官朝議郎權知沔王友翰林待詔上柱國賜緋魚
袋唐元度撰新加九經字樣序云臣聞秦焚詩書塞人視聽漢興

典籍以廣聰明伏以龜鳥之文去聖彌遠點畫訛變遂失本源今
陛下運契黃虞道崇經籍觀人文以成俗念鳥跡之乖方繇是遂
微臣之上請許以國學創立石經仍令小臣覆定字體謬當刊校
誓盡所知大厯中司業張參掇眾字之謬著爲定體號曰五經文
字專典學者實有賴焉臣今參詳頗有條貫傳寫歲久或失舊規
今刪補穴漏一以正之又于五經文字本部之中採其疑誤舊未
載者撰成新加九經字樣一卷凡七十六部四百廿一文其偏旁
上下本部所無者乃纂爲雜辨部以統之若體畫全虧者則引文
以證解于雅言執禮誠媿大儒而辨體觀文式遵小學其聲韻謹
登科記考

卷二十一

五

依開元文字避以反言但紐四聲定其首旨今條目已舉刊削有
成願竭愚衷以資後學當開成丁巳歲序謹上

石刻拓本

八月十二日中書門下牒新加九經字樣一卷右國子監奏得覆
定石經字體官翰林待詔朝議郎權知沔王友上柱國賜緋魚袋
唐元度狀準大和七年十二月五日敕覆定九經字體者今所詳
覆多依司業張參五經文字爲準其舊字樣歲月將久畫點參差
傳寫相承漸致乖誤今並依字書參詳比就正訖諸經之中別有
疑闕舊字樣未載者古今體異隸變不同如總據說文卽古體驚
俗若依近代文字或傳寫乖訛今與校勘官同商較是非取其適

中纂錄爲新加九經字樣壹卷或經典相承與字義不同者具引
文以注解今刊削有成請附于五經字樣之末用證訛誤者其字
樣謹隨狀進上謹具如前中書門下牒國子監牒奉敕宜依牒至
準敕故牒工部侍郎平章事陳夷行中書侍郎平章事李石門下
侍郎平章事李固言右僕射兼門下侍郎國子祭酒平章事覃檢
校司徒平章事劉使司徒兼中書令使石刻拓本

十月癸卯宰臣判國子祭酒鄭覃進石壁九經一百六十卷時上
好文鄭覃以經義啟導稍折文章之士遂奏置五經博士依後漢
蔡伯喈刊碑立於太學創立石壁九經舊書本紀 鄭覃傳文宗
即位四年覃奏曰經籍訛

登科記考

卷二十一

六

謬博士相沿難爲改正請召宿儒與學校定六籍準後漢故事勒
石於太學永代作則以正其闕從之覃嫉進士浮華開成初奏禮
部貢院宜罷進士科初紫宸對上語及選士覃曰南北朝多用文
華所以不治士以材堪即用何必文詞帝曰進士及第人已曾爲
州縣官者方鎮奏署即可之餘即否覃曰此科率多輕薄不必盡
用帝曰輕薄敦厚色色有之未必獨在進士此科已置二百餘年亦
不可遽改覃曰亦不可過有崇樹時太學勒石經覃奏起居郎周
墀水部員外郎崔球監察御史張次宗禮部員外郎孔溫業等校
定九經文字旋令上石石經在今西安府學凡十二經又附以
五經文字九經字樣共二百二十八石都計六十五萬二千五十
二字其末題云開成二年丁巳歲月次於元日惟丁亥書石學生
前四門館明經臣艾居晦書石學生前四門館明經臣陳玠書石
學生前文學館明經臣鵬瀾書石官將仕郎守潤州句容縣尉臣
段絳校勘兼看書上石官將仕郎守祕書省正字臣稻嵩校勘兼
看書上石官將仕郎守四門助教臣陳莊士覆定字體官翰林待
詔朝議郎權知沔王友上柱國賜緋魚袋臣唐元度校勘官兼專
知都勘定經書檢校刊勒上石朝議郎守國子毛詩博士上柱國
臣章師道朝散大夫守國子司業騎都尉賜緋魚袋臣楊敬之杜

檢校官銀青光祿大夫攝瀾國子祭酒同中書門下平章事太清宮使監脩國史上柱國榮陽郡開國公食邑二千戶臣覃考鄭覃傳及劉禹錫記蓋自大曆十年詔定經本次年張參書五經于論堂之壁大和七年祭酒齊暉司業韋公肅易之以木鄭覃之議勒石實發端于此石經創議于大和四年校刊于大和九年畢工於開成元年九月至十月乃上進

進士四十人

試琴瑟合奏賦霓裳羽衣曲詩任用韻見上

李肱

狀元 雲溪友議李君文章精練行義昭詳策名于睿哲之朝得路于韋蕭之室然止于岳齊二牧未登大任其有命焉

張

崇 見上一

沈黃中 見

王收

或作收非收行古之子進士登第見舊書王徽傳

柳棠

見上 雲溪友議東川處士柳全節習百家之言衣華陽鶴氅或呼爲柳尊師又曰柳百經有子棠應進士舉才思優贍見者奇之麗殿舍人睠眄諸歌姬方戲于堦問墻頭人也曰柳秀才也遽令姬者飾妝召柳秀才對觀之麗公曰恐墻上遠見不得分明故請細觀賜棠深恥之不辭而去時裴諫議休因封事出漢州即棠舊知也聞棠來且喜及晉謁則藍衫木簡而已裴公扣其故對曰

登科記考

卷二十一

七

名場孤寒虛擲光景欲求科粟之養以成子道焉有宴召馮敬胡據柳棠三舉士裴公於棠名下注曰此柳秀才已于鹽鐵承事不用屈私令棠見之蓋惜其舉子也柳棠之欲罷舉者爲麗門有失乃棄藍袍而歸舊服時請見司諫司諫謂曰子方年少篇翰如流不可曠垂長坂蘭謝深林況今急士之秋必能首送兼與薦書開成二年上第後歸東川歷旬但居狎斜舊游之處不謁府主楊尚書汝士楊公謂諸賓曰每見報前柳棠秀才多于妓家飲酒或三更至暮竟來相訪社日必相召焉及召棠至已在醉鄉矣對三器酒內一巨魚標棠不即飲楊公乃請曰文章謾道能吞鳳杯酒何曾解喫魚今日梓州張社會應須遭這老尙書棠答曰未向燕臺逢厚禮幸因社會接餘歡一魚喫了終無恨鵠化成鵬也不難初棠與馮戡爭先棠所頡頏及第後戡與詩曰桃花浪裏成龍去竹葉山頭退鷁飛棠戡爲友甚善焉柳每於東川席上狂縱日甚干忤楊公詩曰莫言名位未相儔風月何曾阻獻酬前輩不須輕後輩靖安今日在衡州靖安李宗閔尙書與楊公柳棠者凶悖器朗陵之分東川益怒爲書讓其座主高錡侍郎曰柳棠者凶悖器豎識者惡之狡過仲容才非夫子且膺門之貴豈宜有此生平小宗伯曰某濫司文柄以副懸旒夙夜兢惶恐遭訕謗是以搜求俊

彥冀輔聰明不敢蔽才與棠及第東川又書曰昔周公踐伯禽以戒成王也昌邑殺王式而怨霍光乎豈不由師傳之情爾興亡之道孔子先推德行然後文學焉吾師垂訓千古不易前書曰亡之蔽才何必一柳棠矣若以篇章取之甯失于古植王條也高公又復書曰唐堯之聖也不致丹朱之賢甯尼之明也不免仲由之害如其可化安有墜典伊祁九子盡可等子黃唐門人三千悉能繼於顏閔若棠者自求瑕玷難以磨滅其所忤贖尊威亦子謬舉之過也棠聞二君交讓不任憂惕又不敢遠申卑謝遂之劍州王使君使君者善畫松竹狗兔以十五侯而四郡守棠至聯夕而飲王君辭曰某以衰朽恐乖去就小男忝趨文場不知許容侍座否老夫暫歸憩歇焉王氏之子泊醉輕易之甚棠呵之曰公稱舉人與棠分有前後畫師之子安得無禮于先輩乎王氏乃自去其道服空戴黃葛巾謂棠曰我大似賢尊尊師幸不喧酗耳棠轉益怒叱咤而散柳生雖登科第始參越檇軍事而天喪且渤海高公三榜累恩門舉主善乎裴公曰人不易知也

登科記考

卷二十一

七

天平汴州從爲巡官歲給資襄令隨計上都開成二年方登進士第商隱上崔華州書愚生二十五年矣五年讀經書七年弄筆硯凡爲進士者五年始爲故賈相國所憎明年病不試又明年復爲今崔宣州所不取居五年間未曾衣袖文章謁人不知按賈相謂賈餗崔宣州謂崔鄴自太和七年賈餗知舉至開成二年凡五歲餗時已誅死故崔顯言之又賈餗進士書僕自大和七年後雖尙應舉除吉凶書及人憑倩作牋敢銘表之外不復作文文尙不復作况復能學人行卷耶時獨令狐補闕最相厚歲歲爲寫出舊文納貢院既得引試會故人夏口主舉人時素重令狐賢明一日見之于朝揖曰入郎之交誰最善綯直進曰李商隱者三道而退亦不爲薦託之詞故夏口與及第然此時實于文章懈退不復細意經營述作乃命合爲夏口門人之一數耳又上令狐相公狀云今月二十四日禮部放榜某微倖成名不任感慶某材非秀異文謝清華幸忝科名皆由獎飾昔馬融立學不聞薦彼門人孔光當權詎肯言其弟子豈若四丈屈於公道申以私恩培樹孤株騫騰短羽自卵而翼皆出于生成碎首糜軀莫知其報效瞻望旌榮無任戴恩隕涕之至按義山成名皆令狐楚所薦故上狀如此又有及第東歸次灞上却寄同年詩曰芳桂當年各一

枝行期未分壓春期江魚朔雁長相憶秦樹嵩雲自不知下苑經
過勞想像東門送餞又差池瀾陵柳色無離恨莫枉長條贈所思

韓瞻唐詩紀事韓偓父瞻李義山同年迎義山有為韓同年
梓潼留別畏之員外同年詩留贈畏之

詩迎寄韓魯州同年詩寄惱韓同年詩
孤雲之 韋潘李商隱有十字水期韋

曹獨孤李四同年 郭植見寶曆 李定言李商隱有與同年李
詩鄭或即鄭憲 潘侍御同年不至詩 鄭憲商隱有寄在朝鄭

詩 牛藜舊書牛僧孺傳孺子藜字表齡開成二年登進士第
南府協律郎皆以交行 鄭茂謔舊書鄭餘慶傳餘慶孫茂謔

第 曹確舊書本傳確字剛中河南人父景伯確開成二年登
登進士第不藉公勢 按李商隱寄四門同年詩曹疑即曹確

楊鴻永樂大典引宜春志開 楊戴一作載 撫言楊敬之拜國
成二年楊鴻登進士第 子司業次子戴進士及第長

登科記者

卷二十一

子三史登科時號楊家三喜 新書楊凝傳文宗向儒術以宰相

鄭覃兼國子祭酒俄以敬之代未幾兼太常少卿是日二子戒戴

登科時號楊家三喜 唐闕史祭酒楊尚書敬之任江西觀察使

載江西應科時成均長年天性尤切時已秋暮忽夢新榜四十進

士慙歷可數寓目及半鍾陵在焉其鄰則文姓高且有聲譽時搜訪

窟大喜訪於詞場則云有濮陽愿者為文甚高且未至京國楊公誠

草澤方急色目雅在選中遂尋其居則曰聞人未至京國楊公誠

其子令聽之俟其到京與其往來以符斯夢一日楊公祖客灞上

客未至聞休于逆旅舍有秣馬伺僕如自遠來者試命詢之乃貢

士偵所自曰聞問其姓曰濮陽審其名曰愿楊公曰吁斯天啟也

安有夢于彼復遇於此哉亟命相見濮陽遂巡不得讓執所業
以進始閱其人眉宇清秀次與之語詞氣安詳終閱其文體理精
奧問其所抵則曰今將就居楊公曰不然盡驅所行置于庠序命
江西寅夕與之同處楊公朝廷舊德為文有凌轍韓柳意是後大
稱濮陽藝學于公卿聞人情翕然謂升第必矣試期有日因食麪
之寒者一夕腹鼓而卒楊公惋痛嗟駭搜囊甚貧鄉路且遠力為
營辦歸骨閩中仍謂江西曰我夢無徵汝之一名亦不可保及第
甲乙則江西中選而同年無氏濮陽者固不可論之夏首將關送

於天官氏時相有言前輩重族望輕官職今則不然竹林七賢曰
陳留阮籍沛國劉伶河間向秀得以言高士矣是歲慈恩寺榜因
以望題題畢楊公開步塔下仰視之則曰宏農楊載漢陽吳當恍
然如夢中所覩 按開成元年至三年皆進士四十人唐闕史言
新榜四十進士事在此三年也鄭覃自大和九年十月判國子祭
酒至開成四年五月始罷相敬之以何年拜祭酒事無可考據石
經未所列諸臣姓名開成二年十月有國子司業楊敬之敬之於
大和九年七月貶爲連州刺史其起爲司業當在開成二年之春
從撫言爲是 又按新書楊凝傳敬之初容僕上見閩人濮陽愿
閱其文大推挹徧語公卿間會愿死敬之爲斂葬唐闕史以爲敬
之任江西觀察使時事 吳當見上

諸科三人 楊戎 三史登科見上

知貢舉 禮部侍郎高鋈

李肱霓裳羽衣曲詩曰開元太平時萬國賀豐歲梨園獻舊曲玉

登科記考

卷二十一

干

座流新製鳳管遞參差霞衣競搖曳醺罷水殿空輦餘春草細蓬

壺事已久仙樂功無替詎肯聽遺音聖明知善繼 文苑英華雲溪友議

三年 戊午

二月兩軍使狀稱請準大和元年五月十七日以前敕文官階至

品便許用蔭與子孫補兩館生出身敕旨神策大將軍用蔭補兩

館生宜準左右金吾大將軍例處分 唐會要

五月丁巳朔敕禮部貢院進士舉人歲限放三十人及第 舊書木

冊府元龜時禮部奏請故有是敕

十二月 南部新書 敕諸道應薦萬言童子等朝廷設科取士門目

至多有官者合詣吏曹未仕者即歸禮部文詞學藝各盡其長此

外更或延引則為冗長起今以後不得更有聞薦俾由正路禁絕

倖門冊府元龜 唐會要 案原注雖有

進士四十人文苑英華辨證引登科記開成三年試霓裳羽衣曲賦任用韻 盧氏雜說是年試太學創置石經詩

前詩題為賦題太學石經詩並辭入貢院日面賜 唐詩紀事文

宗嘗謂左右曰若不甲夜視事乙夜觀書則何以為人君耶每胡

進士多自出題目及所司進所試披覽吟詠終日忘倦 是年胡

澳樊京等第一 裴思謙 狀元 摭言高錯庭誼之一榜裴思謙以仇士

罷舉見摭言 良關節取狀頭錯庭誼之裴謙回顧厲聲

曰明年打脊取狀頭第二年錯知舉誡門下不得受書題思謙自

攜士良一絨入貢院既而易紫衣趨至階下白曰軍容有狀薦裴

思謙秀才錯接之書中與求魏銳錯曰狀元已有人此外可副軍

容意旨思謙曰卑吏奉軍容處分裴秀才非狀元請侍郎不放錯

登科記考 卷二十一 三

俛首良久曰然則略要見裴學士思謙曰卑吏便是也錯不得已

遂從之思謙及第後宿平康里賦詩云銀釵斜背解明璫小語低

聲賀玉郎從此不知蘭麝貴夜來新惹桂枝香 趙璜 唐詩紀事

按此為高錯第三榜摭言以為第二年誤 趙璜 趙璜開成

三年 李滂 永樂大典引閩中記李滂字注善閩縣人開成 蕭

登第 永樂大典引閩中記蕭膺字次元侯官人與滂同年是歲閩中

膺 四人登科朝士詩云幾人天上爭仙桂一歲江南折四枝 按

瀆熙三山志蕭 歸仁晦 永樂大典引蘇州府志

膺終大理司憲 開成三年歸仁晦登第 沈朗 見文苑

陳嘏 見文苑 英華

諸科七人

博學宏詞科 孫穀 因話錄開成三年余忝列第考官刑部員外

相新昌宅小廳中集見座主及為考官之前假居崔相故第亦于

此廳見門生焉是年科目八人敕頭孫河南穀先於雁門公為承

紇于封雁門公 按丁居晦重脩承旨學士壁記云
孫穀會昌三年自左拾遺充翰林學士疑穀當作穀
爲璘所撰是于此年登科惟唐語林引作書
判考官則科目八人合宏詞拔萃言之也

趙璘

按因話錄

知貢舉

禮部侍郎高錯

舊書本紀凡掌貢部三年每歲登第者
四十人三年榜出後敕曰進士每歲四

十人其數過多則乖精選官途填委要室其源宜改每年限放三
十人如不登其數亦聽然錯選擢雖多頗得實才抑豪華擢孤進
至今稱之 按容齋續筆云錯徇凶璫之意以裴思謙爲舉首史
謂頗得才實恐未盡然 據言高煥者錯之子也久舉不第或譏
之曰一百二十個蛻蝦推一個屎塊不上蓋高氏三榜每榜四十
人 舊書本紀五月癸未以吏部侍郎高錯爲鄂岳觀察使吏部
即禮部
之說

沈期霓裳羽衣曲賦曰儒有悅聲教以自助觀至樂於實錄如元

宗之聖代制霓裳之麗曲豈惟象德以飾喜將以變風而易俗原

登科記考

卷二十一

三

夫鼎湖道洽薰絃思深惡繁聲以惑志思雅樂以理心調乎琴瑟

之間無非故曲奏自雲韶之下盡是凡音乃制神仙之妙響是知

鄭衛之難侵與鈞天之潛契冀瑤池之可尋時也廷臣並觀樂器

斯設絃匏由是而居次簫管因之而在列假宮商之具舉成曲度

之妙絕變虛徐之歌態始訝遏雲振飄颻之舞容忽驚迴雪既應

絃而合雅亦投袂而赴節已而樂自宸慮備于太常首瓊殿之法

曲改梨園之樂章配八佾以稱美旌九功而無荒盡文物之全盛

致眾庶之歡康是知和平有因雅正無比既容與而在目復周旋

而盈耳融融然節奏合度傴傴然周旋有旨逸調奏兮既徹嘉名

播兮未已今皇帝奕葉繼代明德是資開元之聖運復啟羽衣之
餘響甯遺觀兩階之舞干既柔殊俗觀三清之仙樂復播明時下
臣就列以貢賦喜聞韶而在茲

文苑
英華

陳嘏霓裳羽衣曲賦曰我元宗心崇至道化叶無爲制神仙之妙
曲作歌舞之新規被以衣裳盡法上清之物序其行綴乃從中禁
而施原夫采金石之清音象蓬壺之勝槩俾樂工以交泰儼彩童
而相對瀉灑合節初聞六律之和搖曳動容宛似羣仙之態爾其
絳節迴互霞袂飄颺或眇盼以不動或輕盈而欲翔八風韻肅清
音思長引洞雲於丹墀之下颯天風於紫殿之旁懿乎樂洽人和

登科記考

卷二十一

三

曲含仙意雜管絃之繁節澹君臣之元思清淒滿聽無非沖漠之
音颯沓盈庭盡是雲霄之事吾君所以凝清慮慕元風無更舊曲
用纂成功既心將道合乃樂與仙同悅康平于有截延聖壽於無
窮美矣哉調則沖虛音惟雅正于以臻道遙之境于以暢恬和之
性遂使俗以廉平人無分競見天地之訢合致朝廷之清淨小臣
拊而歌曰聖功成兮至樂脩大道叶兮皇風流願揣侔于竹帛贊
元化于鴻休

文苑
英華

四年己未

十月敕每年明經及第宜更與十人

冊府元龜
唐會要

進士三十人

是年温岐等第罷舉見摭言

按温庭筠本名岐庭筠開成五年病中書懷呈友人詩注予去秋試京兆

薦名居其副又見感舊陳情五十韻詩注

崔口 狀元 太夫人憂居東都里第時尙清苦儉

齋四方寄遺茶藥而已不納金帛故朝家不異寒素雖名姬愛子

服無輕細崔公卜兆有期居一日宗門士人有謁請于蠡者闈吏

拒之告曰公居喪未嘗見他客乃曰某崔家宗門子弟又知尊夫

人有卜遠之日願一見公公聞之延入與語直云知公居搢紳間

清且約太夫人喪事所須不能無費某以辱孫姪之行又且貲用

稍裕願以錢三百萬濟公大事蠡見其慷慨深奇之但嘉納其意

終御而不受此人調舉久不第亦頗有屈聲蠡未幾服闋拜尙書

右丞知禮部貢舉此人就試蠡第之爲狀元眾頗驚異謂蠡之主

文以公道取士崔之獻藝由善價成名一第則可矣首冠未爲得

以是人有詰于蠡者答曰崔某固是及第人但狀頭是某私恩所

致耳具以前事告之于 曹汾 舊書曹確傳弟汾亦進士登第

是中外始服名益重焉 永樂大典引池州府志汾字子晉

銅陵人開成四年登進士第 古刻叢鈔曹汾開成四年崔蠡下

進士後爲中書舍人戶部侍郎忠武軍節度使實丞相確之弟

登科記者

唐詩紀事汾字道 田章 唐詩紀事田章登 謙開成四年登第 開成四年進士第

諸科二人

博學宏詞科 張不疑 博異記南陽張不疑開成 四年宏詞登科授祕書

知貢舉 中書舍人崔蠡 舊書崔甯傳崔蠡開成初以本官知制 誥明年正拜舍人三年權知禮部貢舉

四年拜禮部侍郎 李商隱爲濮陽公陳許舉人自代狀 崔蠡既還綸閣復掌禮闈人驚吞鳳之才士切登龍之望 五年 庚申

正月四日辛巳文宗崩

舊書本紀 唐語林文宗皇帝試進士 多自出題目及所司試覽之終日忘倦

辛卯武宗卽位

通鑑

進士三十人

唐詩紀事開成五年樂和侍郎下三十一人及第時 在諒闇率皆雅飲趙嘏以詩賀曰天上高高月桂叢

分明三十一枝風滿懷春色向人動遮路亂花迎馬紅鶴馭尚飄雲雨外蘭亭不在管絃中居然自是前賢事何必青樓倚翠空按此詩則是年進士當三十一人

李從實

元 狀 喻 唐才子傳喻 是年蘇俊等第罷舉見摭言

成五年李從實榜進士 唐詩紀事 虜卒于烏程令 永樂大典 引嚴州府新定志 喻 虜 其先南方人 開成中登進士第 僧無可 送喻 虜 及第 歸陽 美詩曰 姓字載科名 無過子 最榮宗 中初及第 江上 艱難 兄月向波濤 沒茶連洞壑 生石橋 高思在 且為看 東坑

李蔚

舊書忠義傳 李景讓 開成四年入為禮部侍郎 五年選貢 士 李蔚 後至宰相 楊知退 為尚書 舊書 李蔚 傳 字 茂 休

隴西人 祖上 公 父 景 素 蔚 開 成 未 進 士 擢 第 釋 褐 襄 陽 從 事

楊知退

見 沈 樞 永 樂 大 典 引 蘇 州 府 志 開

成五年侍郎 李景讓 知舉 沈樞 楊假 登第 元和 姓 纂 沈 既 濟 生

傳師宏 師傳 師 生 樞 詢 樞 進 士 諫 議 大 夫 商 州 防 禦 使 詢 進 士 浙

東觀 察 澤 楊 假 舊 書 楊 收 傳 假 字 薛 耽 卓 異 記 載 座 主 見 門

浴節度 耽 則 耽 為 景 讓 門 生 于 此 年 登 第

登科記考

卷二十一

姜

諸科十八人

知貢舉 禮部侍郎 李景讓

南 部 新 書 李 景 讓 典 貢 年 有 李 復 言 者 納 省 卷 有 纂 異 一 部 十 卷 勝 出 日

事非經濟 動涉虛妄 其所納 仰貢 院 驅 使 官 卻 還 復 言 因 此 罷 舉

南菁書院叢書

登科記考卷二十二

大興徐松

唐武宗至道昭肅孝皇帝

會昌元年

辛酉

正月辛巳有事南郊大赦改元

新書本紀 是年赦文未見考傳 宗南郊赦文云準會昌中勅家有

進士及第方免差役其餘只庇一身楊夔復宮 關後上執政書亦引之疑為此年赦書節文

進士三十人

崔峴

薛逢

唐才子傳薛逢蒲州人會昌元年 崔峴榜第三人進士調萬年尉

舊書文苑傳薛逢字陶臣河東人父倚逢會昌初進士逢文詞俊 拔論議激切自負經畫之略久之不達應進士時與彭城劉瑑尤 相善而瑑詞藝不迨逢逢每侮之至大中末瑑揚厯禁署逢愈不 得意自是相怨俄而瑑知政事或薦逢知制誥瑑奏曰先朝立制 兩省官給事中舍人除拜須先厯州縣逢未嘗治郡宜先試之乃 出為巴州刺史既而沈詢楊收王鐸由學士相繼為將相皆同年

登科記考

卷二十二

一

進士而逢文藝最優楊收作相後逢有詩云須知金印朝天客同 是沙隄避路人威鳳偶時皆瑞聖潛龍無水謾通神收聞大銜之 又出為蓬州刺史收罷相入為太常少卿給事中王鐸作相逢又 有詩云昨日鴻毛萬鈞重今朝山岳一塵輕鐸又怨之按逢有上 崔相公啟云某自開成建號則執藝求知迹忝及門名叨中選或 緣情序美移時而獎導再三或體物達誠一席而稱揚數四遂使 聲華振耀道動輩流桂折高枝名登上第疑崔為鄉賦主也 據 言薛監晚年厄于宦途嘗羸赴朝值新進士榜下綴行而出時 進士團司所由輩數十人見逢行李蕭條前導曰迴避新郎君逢 蹶然即遣一介語之曰報道莫貧相阿婆三五少年時也曾東塗 西抹

沈詢

永樂大典引蘇州府志沈詢會昌元年登第 舊書 來 沈詢 沈傳師傳子樞詢皆登進士第 新書詢字誠之

楊收

永樂大典引蘇州府志楊收會昌元年登第 舊書本傳 收字藏之同州馮翊人父遺直深頤疏眉秀目寡言笑方 室長孫氏生收嚴收長六尺二寸廣額深頤疏眉秀目寡言笑方 親自教授十三略通諸經義善于文詠吳人呼為神童兄發戲令 詠蛙即曰兔邊分玉樹龍底耀銅儀會當同鼓吹不復問官私又

令詠筆仍賦鑽字即日雖非囊中物何堅不可鑽一朝操政事定使冠三端每辰美景吳人造門觀神童請為詩什觀者壓敗其藩收嘲曰爾幸無羸角何用觸吾藩若是升堂者還應自得門收以母奉佛幼不食肉母亦助之曰俟爾登進士第可肉食也收以仲兄假未登第久之不從鄉賦開成未假擢第是冬收之長安明年一舉登第年纔二十六北夢瑣言唐相國楊收江州人祖為本州都押衙父遺直為蘭溪縣主簿生四子發假收嚴皆登進士第收即大拜發以下皆至丞郎發以春為義其房子以祝以乘為名假以夏為義其房子以暝為名收以秋為義其房子以鉅鑄鑄鑑為名嚴以冬為義其房子以注涉洞為名盡有文學登高第號曰修行楊家與靖王鐸舊書王播傳播弟炎炎子李蟻南楚恭諸楊比於華盛王鐸鐸字昭範會昌初進士第李蟻新開李蟻司空初名虬將起舉夢名上添一畫成虱字也瘠曰虱因蟻也乃改名果登科唐語林李蟻王鐸進士同年也玉泉子因話錄又引李蟻永樂大典引蘇州府志談銖會昌元年登與沈詢同年談銖唐詩紀事銖吳人登會昌進士第康口孫樵集唐故倉部郎中康公墓誌銘序公姓康氏會稽人自宣城來長安三舉進士登上第是歲會昌元年也其年冬得

卷二十二

登科記考

博學宏詞授
祕書省正字

謝防 永樂大典引宜春志會昌元年謝防登進士第

諸科十六人

博學宏詞科 康口見上

知貢舉 禮部侍郎柳璟 見唐語林 永樂大典引蘇州府志同

開成二年七月十九日自庫部員外郎知制誥充翰林學士二年四月十四日加庫部郎中知制誥二月九日遷中書舍人五年十月改禮部侍郎出院

二年 王 戊

四月戊寅受冊尊號大赦制曰涉歷吏事蓋崇理本自因近制卻啟倖門大和九年十二月十八日勅進士初合格並令授諸州府

參軍及緊縣簿尉未經兩考不許奏職蓋以科第之人必宏理化黎元之弊欲使諸詳非惟可塞倖門實亦用懲澆俗近者諸州長吏漸不遵承雖注縣僚多糜使職苟從知己不顧蒸人流例寢成侵費不少況去年選格更改新條許本郡奏官便當府充職一人從事兩請料錢虛占吏曹正員不親本任公事其進士宜至合選

年諸道依資奏授州縣官卽不在兼職之限

冊府元龜

進士三十人

是年韓宁等第罷舉見摭言

鄭顥

狀元德祇德子顥登進士第唐舊書鄭綱傳綱子祇

語林鄭顥宰相子狀元及弟有聲名

張潛

第二人及第見寶曆二年注鄭從謙舊書鄭餘慶

讓字正求會昌二年登進士第

鄭畋

舊書本傳畋字台文滎陽人曾祖鄰祖穆父亞畋年十八登進士第釋褐汴宋節度

登科記考

卷二十一

三

推官畋因授官自陳曰臣十八進士及第二十二書判登科又自陳曰臣會昌二年進士及第大中首歲書判登科鄭餘慶傳鄭畋與從謙宗人

同登進士

鄭誠

字申虞閩縣人歷刑部郎中鄂安鄧三州刺史永樂大典引閩中記作誠按

誠乃鄭谷從叔當以三山志爲正

郭京

見寶曆二年注宋震永樂大典引瑞

陽志宋震高安懷舊鄉營村里人會昌二年柳璟下進士又引袁州府圖志宋震齊邱之祖登會昌二年進士第

崔樞

唐語林崔樞應進士客居汴牛歲與海賈同止其人得疾旣篤謂崔曰荷君見顧不以外夷見忽今疾勢不起番人重土殯脫歿君

能始終之否崔許之曰某有一珠價萬緡得之能蹈火赴水實至寶也敢以奉君崔受之曰吾一進士巡州邑以自給奈何忽蓄異

寶伺無人置於柩中瘞於阡陌後一年崔游可亳州問番人也有南來尋故夫并勘珠所在陳於公府且言珠必崔秀才所有也乃

於毫來追捕崔曰儻窳不爲盜所發珠必無他遂剖棺得其珠汴帥王彥謨奇其節欲命爲幕崔不肯明年登第竟主文柄有清

名按王彥謨當卽王彥威之誤參考彥威傳及方鎮表彥威於開成五年代李紳任河南節度使會昌中入爲兵部侍郎則樞登

第當在會昌元二年今載此俟考 宰相世系表清河大房有祕書監崔樞疑卽其人

諸科十三人

酉陽雜俎柳璟知舉年有國子監明經失姓名書夢

經語之其人笑曰君來春及第明經因訪鄰房鄉曲五六人或言得者明經遂邀入長興里畢羅店常所過處店外有犬競驚曰差矣夢覺遽呼鄰房數人語其夢忽見長興店子入門曰郎君與客食畢羅計二斤何不計值而去也明經大駭解衣質之且隨驗所夢相其榻器皆如夢中乃謂店主曰我與客俱夢中至是客豈食乎店主驚曰初怪客前畢羅悉完疑其嫌置蒜也來春明經與鄰房三人夢中所訪者悉上第

知貢舉

禮部侍郎柳璟

舊書柳登傳璟武宗朝轉禮部侍郎再司貢籍時號得人新書會昌二年再主

貢部坐其子招賄貶信州司馬

三年

癸亥

登科記考

卷二十一

四

正月勅禮部所放進士及第人數自今後但據才堪卽與不要限人數每年止于十人五人總得冊府元龜唐會要作每年止于二十五人

是月宰臣李德裕等奏舊例進士未放榜前禮部侍郎遍到宰相

私第先呈及第人名謂之呈榜比間多有改換頗致流言宰相稍

有寄情有司固無畏忌取士之濫莫不繇斯將務責成在于不撓

既無取舍豈必預知臣等商量今年便任有司放榜更不得先呈

臣等仍向後便爲定例如有固違御史糾舉奏者其時有勅重試

進士因栖靈塔災且止冊府元龜

十二月二十二日中書覆奏奉宣旨不欲令及第進士呼有司爲

座主趨附其門兼題名局席等條疏進來者伏以國家設文學之科求真正之士所宜行敦風俗義本君親然後升于朝廷必爲國器豈可懷賞拔之私惠忘教化之根源自謂門生遂成膠固所以時風寢薄臣節何施樹黨背公靡不由此臣等商量今日已後進士及第任一度參見有司向後不得聚集參謁及於有司宅置宴其曲江大會朝官及題名局席並望勒停緣初獲美名實皆少雋既遇春節難阻良游三五人自爲宴樂並無所禁唯不得聚集同

年進士廣爲宴會仍委御史臺察訪聞奏謹具如前奉勅宜依唐詩紀事摭言進士題名自神龍之後過關宴後率皆期集于慈恩塔下會昌三年贊皇公爲上相有此奏于是向之題名各盡削去

登科記考

卷二十二

五

蓋贊皇公不由科第故設法以排之洎公失意悉復舊態玉泉子李德裕以己非由科第恆嫉進士舉者及居相位貴要束手德裕嘗爲藩府從事日同院李評事以詞科進適與德裕官同時有舉子投文軸誤與德裕舉子既誤復請之曰某文軸當與及第李評事非與公也由是德裕志在排斥

進士二十二

是年試風不鳴條詩見文苑英華

盧肇

狀元

典引瑞陽志盧肇字子發望蔡上鄉人會昌三年進士第一摭言言盧吉州肇開成中就江西解試爲試官未送肇有啟謝曰巨鼈負巔首冠蓬山試官謂之曰昨某限以人數擠排雖獲申展深慚名第奉挽焉得翻有首冠蓬山之謂肇曰必知明公垂問大凡頑石處上巨鼈戴之豈非首冠耶一座聞之大笑又曰盧肇初舉先達或問所來肇曰某袁民也或曰袁州出舉人耶肇曰袁州出舉人亦猶沅江出龜甲九肋者蓋稀矣又曰盧肇袁州宜春人與同郡黃頗齊名頗富于產肇幼貧之與頗赴舉同日遵路郡牧於離亭餞頗而已時樂作酒酣肇策蹇郵亭側而過出郭十餘里駐程俟頗爲侶明年肇狀元及第而歸刺史以下接之大慚恚會

延學看競渡於席上賦詩曰向道是龍君不信果然銜得錦標歸
北夢瑣言唐相國李太尉德裕抑退浮薄獎拔孤寒於時朝貴
朋黨掌武破之由是結怨而絕于附會門無賓客唯進士盧肇宜
春人有奇才每謁見許脫衫從容舊例禮部放榜先稟朝廷恐有
親屬言薦會昌三年王相國起知舉先白掌武乃曰某不薦人然
奉賀今年榜中得一狀元也未喻其旨復遣親吏于相門偵問
吏曰相公于舉子中獨有盧肇久接從容起曰果在此也其年盧
肇爲狀頭及第時論曰盧雖受知于掌武無妨主司之公道也
肇上王僕射書云伏以文物之勢業乎將頽聖上一旦惕然思高
祖太宗經天緯地之勤基美于千萬世其術祗在乎人文之中人
文之中則不踰擇士之賢否也故度天下之德莫重于僕射計天
下之學莫深于僕射觀天下文章莫富于僕射若是三美然後詢
于廟堂之上使咨于僕射俯而泄之其實不啻射移太山之重以
鎮之也夫如是則預于貢士者何敢造次而進哉某本孤淺生江
湖閒自知書已來竊有微尚窺奧索幽久而不疲垂二十年以窮
苦自勵伏念當太平之辰不預兵役農桑之務得盡其志則將欲
發其身大其家盡心于明時以竟其歲也乃志望士林之中及來
輦下再試皆黜觀望於時而揆于事至于得之者未必盡賢失之

登科記考

卷二十二

六

者未必盡愚意謂隨天下貢士且進且退可以無咎今乃不意遇
聖君賢相以僕射爲日月照臨多士莫不屏氣攝息人之自咎若
抱罪戾其在王門公族少讀文學尙爲憂惕啟僕射之德振于文
機其心得天下苦心之人而進之然後優游盛明爲臯伊以茂
生植者也不然豈至于是逾二十載復憶之乎是知天啟德于僕
射在此時也某于此時若不得循牆以窺則是終身無竊望之分
也敢布愚拙伏惟特以文之光明而俯燭之幸甚幸甚并獻拙賦
一首塵冒尊嚴無任慙慙之至 盧肇進海潮賦狀臣于會昌三
年應進士舉故山西節度使同中書門下平章事王起擢臣爲進
士狀頭 盧肇有別宜春赴舉詩曰秋天草木正蕭疏西望秦關
別舊居筵上芳樽今日酒篋中黃卷古人書辭鄉且伴銜蘆雁入
海終爲戴角魚長短九霄飛直上不教毛羽落空虛又有成名後
作詩曰桂在蟾宮不可攀功成業熟也何 丁稜 撫言稜字子威
難今朝折得東歸去共與鄉閭年少看 宜陽肇投以文卷由此見知後隨計京師每謁見待以優禮舊例
禮部放榜先呈宰相會昌三年王起知舉問德裕所欲答曰安用
問所欲爲如盧肇丁稜姚鵠豈不可與及第耶起于是依其次而

放 又曰盧肇丁稜之及第也先是放榜訖則須謁宰相其導啟詞語一出榜元者俯仰疾徐尤宜精審時肇首冠有故不至次乃稜也稜口吃又形體小陋迨引見即俛而致詞意本言稜等登科而稜頽然發汗鞠躬移時乃曰稜等登稜等登竟不能發其後語而罷左右皆笑翌日有人笑之曰聞君善箏可得聞稜 黃頰唐曰無之友人曰昨日聞稜等登稜等登非箏聲也耶

林盧肇黃頰同游李衛公門下王起再知貢舉訪二人之能或曰盧有文學黃能詩起遂以盧為狀頭黃第三人 永樂大典引宜春志黃頰字無頰宜春人與盧肇相上下每見肇所為文輒不取會昌三年擢進士科頗自升等第後十三年始中選 姚

鵠唐才子傳鵠字居雲會昌三年禮部尚書王起下進士 高退之 撫言退之字遵聖和周

劣始不敢有叨竊之望策試之後遂歸盤屋山居不 孟球 撫言

期一旦進士團遣人齎榜扣關相報方知忝幸矣 崔軒 撫言軒

廷 劉耕 撫言耕 裴翻 撫言翻 樊驥 撫言驥 崔軒 撫言軒

王 劉耕 撫言耕 裴翻 撫言翻 樊驥 撫言驥 崔軒 撫言軒

刪希逸 撫言希逸 林滋 滄熙三山志會昌三年進士林滋字

後象閩縣人歷金部郎中後王鐸薛

為判官 永樂大典引閩中記作字厚象 按永樂大典又引池

州府志林滋字德潤登會昌三年進士第當別是一人亦非此年

進士 李宣古 唐才子傳李宣古字垂後禮陽人會昌三年盧肇

侯考 榜進士又試中宏詞 雲溪友議李宣古會昌三年

年王起侍 張道符 撫言道符 邱上卿 撫言之上卿 石貫 撫言

郎下上第 李潛 撫言潛 孟亡 撫言亡字處中 南部新書孟亡長慶

總 李潛 撫言潛 孟亡 撫言亡字處中 南部新書孟亡長慶

之 其年太和公主和戎至會昌三年起自左揆再知貢亡 唐思言

以龍鍾就試而成名是歲石雄入塞公主自西蕃還京 唐思言

撫言思言 尤牢 撫言作左牢 王甚夷 撫言甚夷 金厚載 撫言

厚載字 化光 諸科十四人 知貢舉 吏部尚書王起 舊書王播傳王起會昌元年徵拜吏部

登科記考 卷二十二

明年正拜左僕射復知貢舉起前後四典貢部所選皆當代詞藝之士有名於時人賞其精鑿術公也其年秋出爲興元尹據言周墀任華州刺史武宗會昌三年王起僕射再主文柄墀以詩寄賀并序曰僕射十一叔以文學德行當代推高在長慶之間春闈主貢采摭孤進至今稱之近者朝廷以文柄重難將抑浮華詳明典實繇是復爲前務三領貢籍迄今二十二年于茲亦摛紳儒林罕有如此之盛況新榜既至眾口稱公墀忝沐深恩喜陪諸彥因成七言四韻詩一首輒敢寄獻用導下情兼呈新及第進士詩曰文場三化魯儒生二十餘年振重名曾忝木雞誇羽翼又陪金馬入蓬瀛雖欣月桂居先折更羨春蘭最後榮欲到龍門看風水關防不許暫離營起答詩曰貢院離來二十霜誰知更忝主文場揚葉縱能穿舊的桂枝何必愛新香九重每憶同仙禁六義初吟得夜光莫道相知不相見蓮峯之下欲徵黃時王起門生一榜二十二人和周墀詩盧肇詩曰嵩高降德爲時洪筆三題造化名鳳詔佇歸專北極驪珠搜得盡東瀛衰衣已換金章貴禁掖曾隨玉樹榮明日定知同相印青衫新列柳間營丁稜詩曰公心獨立副天心三韞春闈冠古今蘭署門生皆入室蓮峯太守別知音同升翰苑時名重遍歷朝端主意深新有受恩江海客坐聽朝夕繼爲

登科記考

卷二十一

八

霖黃頗詩曰二十二年文教主三千上士滿皇州獨陪宣父蓬瀛奏方接顏生魯衛游多羨龍門齊變化屢看雞樹第名流升堂何處最榮美朱紫環尊幾獻酬姚鵠詩曰三年竭力向春闈塞斷浮華眾路歧盛選棟梁稱昔日平均雨露更時登龍舊高退斜徑折桂新榮盡直枝莫道只陪金馬貴相期更在鳳凰池高退之詩曰昔年桃李已滋榮今日蘭蓀又發生葑菲采時將有道權衡分處且無情叨陪鴛鴦朝天客共作門闌出谷鶯何事感恩偏覺重忽聞金榜叩柴荆孟球詩曰當年門下化龍成今日餘波進後生仙籍共知推麗則禁垣同得薦嘉名桃谿早茂誇新萼菊圃初開耀晚英誰料羽毛方出谷許教齊和九臬鳴劉耕詩曰孔門頻建鑄顏功紫綬青衿感激同一簣勤勞成太華三年恩德重維嵩揚隨前輩穿皆中桂許平人折欲空慚和周郎應見顧感知大造意無窮裴翻詩曰常將公道選羣生猶被春闈屈重名文柄久持殊歲紀恩門三啟動寰瀛雲香幸接鴛鴦盛變化欣同草木榮乍得陽和如細柳參差長近亞夫營樊驥詩曰滿朝簪紱牛門生又見新書甲乙名孤進自今開道路至公依舊振寰瀛雲飛太華清詞著花發長安白屋榮忝受恩光同上客唯將報德是經營崔軒詩曰滿朝朱紫牛門生新榜勞人又得名國器舊知收片玉朝宗轉

覺集登瀛同升翰苑三年美繼入花源九族榮其仰蓮峯聽雪唱
欲廣仙曲意怔營劇希逸詩曰一振飛華入紫微三關秦鏡照春
關龍門舊列金章貴鶯谷新遷碧落飛恩感風雷皆變色龍門錦
繡借光輝誰知散質多榮忝鶯鶯清塵接衣林滋詩曰龍栽一
變荷生成況復二傳不朽美譽早聞喧北闕頽波今見走東瀛
鴛行既接參差影雞樹仍同次第榮從此青衿與朱紫升堂侍宴
更何營李宣古詩曰恩光忽逐曉春生金榜前頭忝姓名三感至
公禪造化重揚文德振寰瀛佇爲霖雨增相賀半在雲霄覺更榮
何處新詩添照灼碧蓮峯下柳開營張道符詩曰三開文鏡繼芳
聲暗指雲霄接去程會歷洪波先得路早升清禁其垂名蓮峯對
處朱輪賁金榜傳時玉韻成更許下才聽白雪一枝今過卻說榮
邱上卿詩曰常將公道選諸生不是鴛鴦不得名天上宴迴聯步
武禁中麻出滿寰瀛簪裾盡過前賢貴門館仍叨後學榮看著鳳
池相繼入都堂那肯滯關營石貫詩曰重德由來爲國柱五朝清
顯冠公卿風波入佇濟川楫羽翼三遷出窮儒忝一名李潛詩曰
春蘭秋菊異時榮孔門弟子皆賢哲誰料窮儒忝一名李潛詩曰
文學宗師心稱平無私三用佐貞明恩波舊是仙丹客德宇新添
月桂名蘭署崇資金印重蓮峯高唱玉音清羽毛方荷生成力難

登科記考

卷二十二

九

繼鸞皇上漢聲孟公詩曰科文又主守初時光顯門生際會期美
擅東堂登甲乙榮同內署待恩私羣鶯共喜新遷木雙鳳皆當卽
入池別有倍深知感文會經兩度得芳枝唐思言詩曰儒雅皆傳
德教行幾敦浮俗贊文明感生時波濤遠禁賢同登渥澤榮虛
散謬當陪杞梓後先甯異感生成時方側席敬賢急况說誥謠近
帝京尤半詩曰聖朝文德最推賢自古儒生少比肩再啟龍門將
二紀兩司鸞谷已三年蓬山皆羨齊榮貴金榜誰知忝後先正是
感恩流涕日但思旌旆碧峯前王甚夷詩曰春闈帝念主生成長
慶公聞兩歲名有詔赤心司雨露無私和氣泱寰瀛龍門乍出難
勝幸鴛侶先行是最榮遙仰高峯看白雪多慚屬和意屏營金厚
載詩曰長慶曾收閒世英早居臺閣冠公卿天書再受恩波遠金
榜三開日月明已見差肩趨翰苑更期聯步掌台衡小僑謬跡雲
霄路心仰蓮
峯望太清

盧肇風不鳴條詩曰習習和風至過條不自鳴暗通青律起遠望
白蘋生拂樹花仍落經林鳥自驚幾牽蘿蔓動潛惹柳絲輕入谷

迷松響開窻失竹聲薰絃方在御萬國仰皇情

文苑英華

黃頗風不鳴條詩曰五緯起祥飈無聲瑞聖朝稍開含露葉纒轉

惹烟條密葉應潛變低枝幾暗搖林閒鷲欲嚙花下蝶微飄初滿

緣隄草因生逐水苗太平無一事天外奏虞韶

文苑英華

姚鵠風不鳴條詩曰吾君理化清上瑞報昇平曉吹何曾息柔條

自不鳴花香知暗度柳色覺潛生只見低垂勢那聞擊觸聲大王

初溥暢少女正輕盈幸遇無私力幽芳願發榮

文苑英華

尤牢風不鳴條詩曰旭日懸清景微風在綠條入松聲不發過柳

影空搖長養應潛變扶疏每暗飄有林時嫋嫋無樹漸蕭蕭誤逐

登科記考

卷二十二

十

青烟散輕和樹色饒豐年知有待歌詠美唐堯

文苑英華

王甚夷風不鳴條詩曰聖日祥風起韶暉助發生蒙蒙遙野色裏

裏細條輕往苒看漸動怡和吹不鳴枝含餘露溼林霽曉烟平縹

緗春光媚悠揚景氣晴康哉帝堯代寰宇共澄清

文苑英華

金厚載風不鳴條詩曰寂寂曙風生遲遲散野輕露華搖有滴林

葉裊無聲暗翦葳芳發空傳谷鳥鳴悠揚韶景靜淡蕩霽烟橫遠

水波瀾息荒郊草樹榮吾君垂至化萬類共澄清

文苑英華

四年甲子

二月中書門下奏伏以朝廷興復古制置五經博士以獎頡門之

學爲訓胄之資必在得人不限官次今定爲五品俸入四方有經術相當而秩卑身賤者不可以超授有官重而通詩達禮者不可以退資從今已後並請勅本色人中選擇據資除授令兼博士其見任博士且仍舊勅旨宜依

唐會要

八月平潞州德音其諸色人內如有文學節行比來藏避劉從諫

隱跡山林者並令搜訪具以名聞

冊府元龜

十月中書門下奏朝廷設文學之科以求髦俊臺閣清選莫不繇

茲近緣覈實不在于鄉閭趨名頗雜於非類致有跋扈之地情計

交通將澄化源在舉明憲臣等商量今日以後舉人于禮部納家

登科記考

卷二十一

七

狀後望依前三人自相保其衣冠則以姻親故舊久同游處其有

江湖之士則以封壤接近素所諳知者爲保如有缺孝弟之行資

朋黨之勢跡繇邪徑言涉多端者並不在就試之限如容情故自

相隱蔽有人糾舉其同保人並三年不得赴舉仍委禮部明爲戒

勵編入舉格從之

冊府元龜

進士二十五人

是年魏錄孫璵等第罷舉見摭言

鄭言狀

元

項斯

唐才子傳項斯字子遷江

東人會昌四年王起下第二人進士

人始未爲聞人因以卷謁楊敬之楊苦愛之贈詩云幾度見詩詩盡好及觀標格過于詩平生不解藏人善到處逢人說項斯未幾

詩達長安明年擢上第

項斯有春夜焚川竹亭陪諸同年讌詩唐才子傳

趙嘏

唐才子傳嘏字承祐山陽人會昌四年鄭言榜進士

言趙嘏嘗家于浙西有美姬嘏甚溺賦泊計偕以其母所

阻遂不攜去會中元為鶴林之游浙帥窺見悅之遂為其人奄有
明年報及第因以一絕箴之曰寂寞堂前日又曛陽臺去作不歸
雲當時聞說沙吒利今日青娥屬使君浙帥不自安遣一介歸之
于報故時方出關途次橫水驛見兜昇人馬甚盛偶訊其左右對
曰浙西尚書差送新及第趙先輩娘子入京姬在昇中亦認報
下馬揭簾視之姬抱報慟哭而卒遂葬于橫水之陽 趙報有成
名年獻座主僕射兼呈同年詩曰拂烟披月羽毛新千里初辭九
陌塵會失元珠求象罔不將雙耳負伶倫賈嵩詞賦相如手楊乘
歌篇李白身除卻今年仙侶外堂堂又見兩三春按報有贈解頭
賈嵩詩曰顧我先鳴還自笑空沾一第是何人蓋嵩與報同舉而
未第楊乘時亦未第詩謂堂堂兩三 楊知溫 舊書楊虞卿傳子
春殆期二人於兩三年中及第也

撫言楊汝士鎮東川其子知溫及第命妓張宴人與紅綾一疋詩
曰郎君得意又青春蜀國將軍又不貧一曲高歌紅一疋兩頭娘
子謝夫人按舊書楊虞卿傳楊汝士於開成元年十二月鎮東
川四年九月入為吏部侍郎是年蓋知至落下知溫及第也
孫玉汝 永樂大典載信安志引登科記孫玉汝登會昌四年進士
第 容齋續筆云唐登科記會昌四年及第進士有孫玉

登科記考

卷二十二

五

汝李景讓為御史大夫劾罷侍御史孫玉汝會稽大慶寺碑咸通
十一年所立云衢州刺史孫玉汝記榮王宗綽書目有南北史選
練十八卷云孫玉 陳納 永樂大典引閩中記陳納字廣裕胡之
汝撰蓋其人也 子會昌四年及第占籍衢縣 清熙三

山志納終大同軍副使 顧陶 書錄解題顧陶 馬戴 唐才子傳
按廣裕三山志作廣譽 會昌四年進士 戴字虞臣

華州人會昌四年左僕射王起下進士與項斯 張昶 舊書本傳
趙嘏同榜俱有盛名 按新書藝文志作馬載 昶字公表

河間人父君卿昶會昌四年進士擢第釋褐壽州防禦判官 北
夢瑣言張昶尚書恃才直道外仍有至性及第後歸東都一日衍

佛見其亡親謂曰去得也 李景述 是年景述以同州解頭 鄭
遂裝辦入京果登朝籍 及第見元微之詩注

祥 趙嘏送同年鄭祥先輩歸漢南詩曰年來驚喜兩心知高處同
攀次第枝人倚繡屏閒賞夜馬嘶花徑醉歸時聲名本是文章

得藩閩曾勞筆硯隨家去恩門四千里只應從此夢旌旗注云時
恩門相公鎮山南按王起以會昌四年秋出為興元尹兼同平章

事充山南西

道節度使

續放一人

楊巖

據言會昌四年二月權知貢舉左僕射太常卿王起下及第二十五人續奏五人堪放及第刑

部尚書楊汝士之子知至故相牛僧孺之甥源重河東節度使崔元式女婿鄭樸監察御史楊發之弟巖故相實易直之子緘恩旨令送所試雜文付翰林重考覆續奉進止楊巖一人宜與及第源重四人落下時楊知至因以長句呈同年曰由來梁鷲與冥鴻不合翩翹向碧空寒谷謾勞鄒氏律長天獨遇宋都風此時泣玉情雖異他日銜環事亦同三月春光正搖蕩無因得醉杏園中書本紀時左僕射王起頻年知貢舉每貢院考試訖上榜後更呈宰相取可否復人數不多宰相延英論旨主司試藝不合取宰相與奪比來貢舉艱難放人絕少恐非引誘之主司試藝不合取宰相意不放手弟即太過無論子弟寒門但取實藝帝李德裕對曰鄭肅封敖有好好子弟不敢應舉帝曰我比聞楊虞卿兄弟朋比貴勢妨平人道路昨楊知至鄭樸之徒並合落下抑其太甚耳德裕曰臣無名第不合言進士之非然臣祖天寶末以仕進無地政勉強隨計一舉登第自後不於私家置文選蓋惡其祖尚浮華不根藝實然朝廷顯官須是公卿子弟何者自小便習舉業目熟朝廷閒事臺閣儀範班行準則不教而自成寒士縱有出人之才登第之

登科記考

卷二十二

七

後始得一班一級固不能習熟也則子弟成名不可輕矣又楊收傳嚴字凜之會昌四年進士擢第是歲僕射王起典貢部選士三十人巖與楊知至竇緘源重鄭樸五人試文合格物議以子弟非之起覆奏武宗勅曰楊巖一人可及第餘四人落下諸科七人

知貢舉

左僕射王起

據言會昌三年十一月十九日勅諫議大夫陳商守本官權知貢舉後以延英對見

詞不稱旨十二月十七日宰臣遂奏依前命左僕射兼太常卿王起主文又云王起於會昌中放第二榜內道場詩僧廣宣以詩寄賀曰從辭鳳閣掌絲綸便向青雲領貢賓再闢文場無枉路兩開金榜絕冤人眼看龍化門前水手放鶯飛谷口春明日定歸台席去鶴鴒原上共陶鈞起答曰延英面奉入春闈亦選功夫亦選奇在治只求金不耗用心空學秤無私龍門變化人皆望鶯谷飛鳴自有時獨喜向公誰是證彌天上土與新詩劉禹錫和王侍郎酬宣上人詩云禮闈新榜動長安九陌人人走馬看一日聲名徧天下滿城桃李屬春官自吟白雪銓辭賦指示青雲借羽翰借問至公誰印可支郎天眼定中觀元稹和王侍郎酬宣上人詩云渥注

徒自有權奇伯樂書名世始知競走牆前希得馬高懸日下表無私都中紙貴流傳後海外金填姓字時珍重劉繇因首薦爲君送雲詩

五年乙丑

正月受尊號辛亥有事於郊廟禮畢大赦制曰武功旣暢經術是修宜闡儒風以宏教化應公卿百寮子弟及京畿內士人寄客外州府舉士人等修明經進士業者並隸名太學每一季一度據名籍分番於國子監試帖三度帖經全通者卽是經藝已熟向後更不用帖試如三度全不通及三度託事故不就試者便落下名籍至貢舉時不在送省之限其外寄居及士著人修進士明經業者登科記考

卷二十二

古

並隸名所在官學仍委長吏於見任官及本土著學行人中選一人充試官亦委每季一試餘並準前處分如無經藝雖有文章不在送省之限宗子每因恩澤皆賜出身自幼授官多不求學未詳典法頗有愆違委宗正寺收補明經每年許參三十人出身同兩館例與補各搜圖籍精驗源流明爲保舉不得容有踰濫仍一季一度試帖經餘並同進士明經條例處分所送人數其國子監明經舊格每年送三百五十人今請送二百人進士依舊格送三十人其隸名明經亦請送二百人其宗正寺進士送二十人其東監同華河中所送進士不得過三十人明經不得過五十人其鳳翔

山南西道東道荆南鄂岳湖南鄭滑浙西浙東鄜坊宣商涇邠江
南江西淮南西川東川陝虢等道所送進士不得過一十五人明

經不得過二十八其河東陳許汴徐泗易定齊德魏博澤潞幽孟

按孟字
疑誤

靈夏淄青鄆曹兗海鎮冀麟勝等道所送進士不得過一

十人明經不得過十五人金汝鹽豐福建黔府桂府嶺南安南邕

容等道所送進士不得過七人明經不得過十人其諸支郡所送

人數請申觀察使爲解都送不得諸州各自申解諸州府所試進

士雜文據元格並合封送省準開成三年五月三日勅落下者今

緣自不送所試以來舉人公然拔解今諸州府所試各須封送省

登科記考

卷二十二

五

司檢勘如病敗不近詞理州府妄給解者試官停見任用闕

舊書本紀

冊府元龜

據言按宣商之宣疑衍文商當在金汝之下通鑑是年注云鎮州凡五十六州四十一道此詔所列當有脫佚

二月諫議大夫權知禮部貢舉陳商選士三十七人中第物論以

爲請託令翰林學士白敏中覆試

冊府元龜以覆試爲三月事翰林學士上有戶部侍郎四字

落張瀆

據言張瀆會昌五年陳商下狀元及第翰林覆落瀆等八人趙嘏先有喜張瀆及第詩曰九轉丹成最上仙青天暖

日踏雲軒春風賀喜無言語排比花枝滿杏園又貽瀆詩曰莫向春風訴酒杯謫仙真個是仙才猶堪與世爲祥瑞會到蓬山頂上來

按瀆

即瀆之訛李玕薛忱張覲崔凜王諶劉伯芻等七人

舊書本紀冊府元龜敏

中覆試落下
議者以爲公

三月中書門下奏貢舉人並不許於兩府取解仰於兩都國子監

就試冊府
元龜

進士二十七人覆試落下八人按本紀作三十七人當以登科記二十七為正落下八人八當從本

紀作 **易重** 永樂大典引瑞州府志易重字鼎臣上高人延慶之祖又載宜春志引登科記云會昌五年張瀆作狀

元易重第二其年翰林重考張瀆黜落以重為狀元 唐詩紀事易重居榜首有詩寄宜陽兄弟云六年雁序恨分離詔下今朝遇

已知上國皇風初喜日御階恩渥屬身時內庭再考稱文 孟遲異聖主宣名獎藝奇故里仙才若相問一春攀得兩重枝

唐才子傳孟遲字遲之平昌人會昌五年易重榜進士 盧嗣立與顧非熊甚相得且同年按讀書志青陽人盧嗣立字敏紹秋浦

永樂大典引池州府志孟遲字須仲青陽人盧嗣立字敏紹秋浦人杜牧守池州同舉於朝同登進士第又引秋浦新志云會昌五

年高元裕以詩簡知舉陳商云中丞為國拔英才寒暄欣逢藻鑑開九朵蓮花秋浦隔兩枝丹桂一時開為江東佳話 魯

受 永樂大典引宜春志魯 顧非熊 北夢瑣言唐著作郎顧況字受會昌五年登進士第 逋翁好輕侮朝士貶在江外

登科記考 卷二十二 夫

多與僧道交游時居茅山暮年有一子即非熊前身也一旦暴亡况追悼哀切所不忍言乃吟曰老人喪愛子日暮泣成血老人年

七十不得多時別非熊在冥間聞之甚悲憶遂以情告冥官皆憫之遂商量卻令生於况家三歲能言冥間聞父苦吟卻求再生之

事歷歷然長成應舉擢進士第 據言顧非熊况之子滑稽好辯凌轢氣傲子弟為眾多怒非熊既為所排在舉場垂三十年屈聲

聒人耳會昌中陳商放榜上怪無非熊名詔有司追榜放及第時天下寒進皆知勸矣詩人劉得仁賀詩曰愚為童稚時已解念君

詩及得高科晚須逢聖主知花前翻有淚鬢上卻無絲從此東歸去休為墜葉期又云願况全家隱居茅山竟莫知所止其子非熊

及第歸慶既莫知况甯否亦隱于舊山或聞有所遇長生之祕術也 唐才子傳非熊及第授盱眙主簿 項斯送顧非熊及第歸

茅山詩曰吟詩三十載成此一名難自有恩門入全無帝里歡湖光愁裏碧巖景夢中寒到後松杉月何人其曉看厲元送顧非熊

及第歸茅山詩曰故山登第去不似舊歸難帆卷江初夜梅生洞少寒採薇留客飲折竹掃仙壇名在儀曹籍何人肯挂冠顧非熊

酬陳標評事喜及第與段何其貽詩曰至公平得意自喜不因媒榜入金門去名從玉案來歡情聽鳥語笑眼對花開若擬華筵賀

當期醉百杯又非熊闕試後嘉會里聞蟬感懷呈主司詩曰昔聞
驚節換常抱異鄉愁今聽當名遂方歡上國游吟纔依樹午風已
報庭秋併覺聲聲好懷恩忽淚流

諸科五人

知貢舉 左諫議大夫陳商 冊府元龜 唐大詔令集會昌五年正月十五日權知禮部侍郎陳商等

有皇帝為義安皇太后制服重輕事狀

六年 丙寅

三月二十三日 新書作甲子 宣遺詔以皇太叔光王卽位是日上崩 舊書

本 紀 丁卯宣宗卽位 通鑑

登科記考

卷二十一

七

進士十六人 按十六人疑 狄慎思 狀元 玉芝堂談薈作思慎

林慎思 唐才子傳薛能字大拙汾州人會昌六年狄慎思

致訛 薛能 思榜登第大中末書判入等中選補整屋尉

張黯 永樂大典引蘇州府志 張黯會昌六年登第 顏口 按顏蕘作顏上入集序云蕘

書薛公字大拙是蕘之父為此年進士

諸科五人 拔萃科 鄭畋 舊書本傳言畋大中首歲書判登科以年二十一

故卽謂大中也

知貢舉 禮部侍郎陳商 永樂大典引蘇州府志於會昌五年稱

侍郎陳商知舉當是真拜也今從之 陳商華嶽題名云會昌元年七月二十五日商祇召赴闕商題後六年自禮部侍郎出鎮分

唐宣宗元聖至明成武獻文睿智章仁神聰懿道大孝皇帝

大中元年丁卯

正月甲寅赦天下改元通鑑

是月舊書本紀作三月丁酉朔按下文二十五日奉勅是三禮部月二十五日始放榜似為過遲今從冊府元龜唐會要禮部

侍郎魏扶奏臣今年所放進士二十三人舊書本紀作三十三人按登科記與唐會要同

作二十三續奏堪放及第三人封彥卿崔瑑鄭延休等實有詞藝人當從之

為時所稱皆以父兄見居重位不敢令中選取其所以詩賦封進

奏進止詔翰林學士承旨戶部侍郎知制誥韋琮等重考覆盡合

登科記考

卷二十二

文

程度其月二十五一作三日勅曰彥卿等所試文字並合度程可放

及第有司考試祇在至公如涉請私自朝典從今已後但依常

例取舍不得別有奏聞舊書本紀冊府元龜唐會要舊書本紀帝雅好儒士留心貢舉有時微行人

間採聽輿論以觀選士之得失唐語林宣宗愛羨進士每對朝臣問登第否有以科名對者必有喜便問所賦詩賦題並主司姓名或有物優而不中第者必歎息

久之嘗於禁中題鄉貢進士李道龍

勅自今放進士榜後杏園任依舊宴集所司不得禁制先是武宗

好遊巡曲江亭禁人宴聚故也冊府元龜唐會要舊書本紀載在三月今不取

六月中書門下奏貢舉人取解宜準舊例於京兆府河南府集試

從之冊府元龜唐會要

進士二十三人

顧標

狀元 王芝堂談蒼作會昌七年

陳鏞

永樂大典引閩中記陳鏞字

楊乘

舊書楊收傳發子乘登進士

州府志楊乘大中元年及第

唐詩紀

劉瞻 舊書本傳瞻字幾

景瞻大中初

李義叟

唐詩紀事義叟義山弟也義山集有喜舍

進士擢第 重公仍內署才風標森太華星象逼中台朝滿遷鶯侶門多吐鳳

來甯同魯司寇只鑄一顏回又有為弟作謝座主魏相公啟義叟

啟伏奉前月二十八日勅旨授河南府參軍依前充職者郎知宗正表疏續奉

今月五日勅改授河南府參軍依前充職者郎知宗正表疏續奉

搜揚大宗正之薦賢又蒙抽擢未淹旬日再授班資任重本枝職

齊載筆方殊王逸惟楚辭有異郝隆但攻蠻語此皆相公事均

議於酬恩楊雀銜環徒聞于報惠感忭之至罔知所裁謹啟

崔

舊書崔珙傳璩子滔 大中初登進士第

登科記考

卷二十二

五

續放三人 封彥卿 舊書本傳

鄭延

休 按宰相世系表延休休子合敬之弟

諸科二十人

雲麓漫鈔載大中元元有童子明經童

王凝

司空

公行狀公諱凝字成庶太原人年十五舉孝廉上第其為文根六

經必先勸誡著都邑六岡銘益振時譽魏相國扶主貢籍選中甲

知貢舉

禮部侍郎魏扶

唐詩紀事大中初扶知禮闈入貢院題

深曾是當年辛苦地不將今日負前心榜出無名子削為五言詩

以讖之 李義山集有獻侍郎鉅鹿公啟云今月某日舍弟新及

第進士義叟處伏見侍郎所制春闈放榜後寄呈

在朝同年兼簡新及第諸先輩五言四韻詩一首

二年 戊辰

正月中書門下奏從貞元元年大和九年秋冬前皆是及第便從諸侯府奏試官充從事兼史館集賢宏文諸司諸使奏官充職以此取人常多得士由是長不乏材用大和會昌末中選後四選諸道方得奏充州縣官職如未合選並不在申奏限臣等昨已奏論面奉進止自今已後及第後第三年卽任奏請勅旨依奏

唐會要

進士二十三人

盧深 狀元見玉芝堂談薈

崔蕘

舊書崔甯傳崔蕘字野夫大中二年擢進士第

按蕘爲蠡之子

楊牢

新書李甘傳始河南人楊牢字松年有至行甘方未顯以書薦於尹曰執事之部孝童楊牢父

茂卿從田氏府趨軍反殺田氏茂卿死牢之兄蜀三往索父喪慮死不果至牢自洛陽走常山二千里號伏叛壘委髮羸骨有可憐狀警意感解以尸還之單縗冬月往來太行間凍膚皸痲銜哀雨血行路稠人爲牢泣歸責其子以牢勉之牢爲兒踐操如此未聞

登科記考

卷二十二

三

執事門暗而書顯之豈樹風扶教意耶牢後擢進士第 唐詩紀事牢登大中二年進士第又云牢宏農人少孤年六歲母俾入雜學誤入人家乃父友也方彈碁戲以局爲題俾牢賦之應 李彥

聲曰魁形下方天須亞二十四寸窗中月年十八中第 昇 陳黯華心篇云大中初年大梁連帥范陽公得大食國人李彥昇薦於闕下天子詔春司考其才二年以進士第名顯然常所

賓貢者 鄧徹 玉泉子鄧徹封敖之子初進士第名顯然常所不得擬 牛蔚兄弟僧孺之子有勢力且富於財謂徹曰吾

有女弟未出門子能婚乎當爲君展力甯新一第乎時徹已婚李氏矣其父嘗爲福建從事官至評事有女二人皆善書徹之所行

卷多二女筆迹徹顧已寒賤必不能致騰蹕私利其言許之既登第就牛氏親不日挈牛氏而歸將及家給牛氏曰吾久不到家請

先往俟卿可乎牛氏許之泊到家不敢泄其事明日牛氏之奴駝其輜橐直入卽出居常牛氏所玩用供帳帷幙雜物列於庭廡之

間李氏驚曰此何爲奴曰夫人將到令具陳之李氏曰吾卽妻也又何夫人爲卽撫膺大哭頃之牛氏至知其賣已也請見李氏曰

吾父爲宰相兄弟皆在卽省縱嫌不能富貴豈無一嫁處耶其不幸豈唯夫人乎今願一切與夫人同之夫人縱憾于鄧卽甯忍不

爲二女計耶時李氏將列于官二女力牽挽其袖而止後倣以秘書少監分司慳吝尤甚按觚贖言此事卽琵琶記傳奇所由本也牛丞相 卽僧孺 韓藩 崔瑄金華子韓藩端公大中二年封僕射教門生也與崔瑄大夫同年而相善瑄廉 問宛陵請 裴口李商隱爲興元裴從事賀封尚書加官啟注云裴卽封之門生蓋於是年及第也 藩爲副使 諸科十七人

知貢舉

禮部侍郎封敖舊書本傳宣宗卽位遷禮部侍郎大中二年典貢部多擢文士 唐語林封侍

郎知舉首訪能賦人盧駢詣羅邵輿問之羅曰會昌五年駢再 主司安邑任邵輿居宣平彼處愛賦無由得知

三年已

進士三十人

試堯仁如天 于珪大中三年狀元及第見廣卓異賦見唐語林 按珪爲休烈第

二子見舊書 高瓌舊書高元裕傳子瓌登進士第新書瓌字瑩于休烈傳 張祐孟才人歎序云武宗皇帝疾篤遷

登科記考

卷二十二

三

便殿孟才人以歌笙獲寵者密侍其右上目之曰吾當不諱爾何爲哉指笙囊泣曰請以此就絃上憫然復曰妾嘗藝歌願口上歌一曲以泄其憤上許之乃歌一聲何滿子氣亟立隕上令醫候之曰脈尚溫而腸已絕矣及上崩將徙其柩舉之愈重議者曰古之才人乎爰命其櫬觀至乃舉嗟夫才人以誠死上以誠明雖古之義激無以過也進士高瓌登第年宴傳於禁伶明年秋貢士文多以爲之目大中三年遇高於由拳話於余聊爲與歎按此瓌似於元年登第考孫樵故倉部郎中康公墓誌銘序會昌五年調再授秘書省校書郎大中二年復調授京兆府參軍其年冬爲進士試官故中書侍郎高公瓌尚書倉部郎中崔亞前左拾遺陳晝泊樵十輩皆出其等列瓌益於大中二年入等三年 崔安潛舊書崔登第也 蕭鄴高元裕碑子曰瓌進士擢第 慎由傳 慎由弟安潛字進之大中三年登進士第 唐詩紀事何澤韶陽曲江人也父鼎容管經略有文稱澤乾甯中隨計至三峯行在永樂崔公安潛卽澤之同年丈人也聞澤來乃以一絕報之曰四十九年前及第同年唯有老夫存今日殷勤訪吾子穩將鬻鬻上龍門按此安潛蓋與澤之父鼎同年自大中三年至 何鼎見 趙乾甯四年爲四十九年澤於梁太祖時及第也

隱 舊書本傳隱字大隱京兆奉天人大中三年

應進士登第 按新書作會昌中擢第誤 崔彥昭 舊書本

字思文清河人大中三年進士擢第釋褐諸侯府宰相世系表彥

昭父玘 中朝故事咸通中輔相崔彥昭兵部侍郎王凝乃外表

兄弟也凝大中元年進士及第來年彥昭猶下第因訪凝疑袂衣

見之甚甚疑又戲之曰君卻好應明經舉也彥昭忿怒而出三

年乃登第懿皇朝多自夏官侍郎判鹽鐵即秉鈞軸一旦凝拜是

官決意入相彥昭陷之後數月之間鹽鐵中有墮壞疑褫職朝廷

以彥昭為之半載而入相彥昭母乃命多製鞋履謂侍婢曰王氏

妹必與王侍郎同竄逐吾要件小妹同行也彥昭聞之泣拜其母

謝曰必無此事王凝竟免其責也 按 王傳 唐詩紀事傳登大

彥昭傳言趙隱高璩與彥昭同年進士 中三年進士第初

貧囊於中條山萬 固寺入院讀書

諸科十八

知貢舉 禮部侍郎李袞 唐語林大中三年李袞侍郎知舉試堯

仁如天賦宿州弟使君弟瀆不識題訊

登科記考 卷二十二 三

同鋪或曰止於堯之如天耳瀆不悟乃為句曰雲攢八彩之眉電

閃重瞳之目賦成將寫以字數不足憂甚同輩給之曰但一聯下

添一者也當足 矣衰覽之大笑

四年 庚午 張温琪 狀 曹鄴 唐才子傳曹鄴字業之桂林人

進士三十人 時為舍人韋瓘所知力薦於禮部侍郎裴休大中四年張温琪榜

中第 披業之新書藝文志作鄴之 唐詩紀事曹鄴杏園即席

上同年云歧路不在天十年行不至一旦公道開青雲在平地枕

上數聲鼓衡門已如市白日探得珠不待驪龍睡念念出九衢僮

僕顏色異故衣未及換尚有去年淚晴陽照花影落絮浮野翠對

酒時忽驚猶疑夢中事自憐孤飛鳥得接鸞鳳翅永懷其濟心莫

起胡越意 桂林風土記遷鶯坊本名阜財因曹鄴中丞進士及

第前政令狐大夫改為遷鶯坊 曹鄴有成名後獻恩門詩曰為

物稍有心遭蠹蟲噬平人登太行萬萬車輪折一辭桂嶺援九

泣東門月年年孟春時看花不如雪僻居城南隅顏子須泣血沈

埋若九泉誰肯開口說辛勤學機杼坐對秋燈滅織錦花不常見
之盡云拙自憐孤生竹出土便有節每聽浮鏡言喉中似無舌忽
然風雷至驚起池中物拔上青雲巔輕如一毫髮瓊瓏金鎖甲稍
稍城烏絕名字如鳥飛數日便到越幽蘭生雖晚幽香亦難歇何
以保此身終

林簡言

永樂人典引闈中記林簡言字

馮涓

唐大中四年進士馮涓登第榜中文譽最高是歲新羅國起樓厚
齎金帛奏請撰記時人榮之

唐名士雄才與學登進士第

劉蛻

北夢瑣言荊州衣冠藪澤每歲解送舉人多
不成名號曰天荒解劉蛻舍人以荆府解及第時崔魏

號為破天荒 撫言大中四年劉蛻舍人以荆府解及第時崔魏
公作鎮以破天荒錢七十萬資蛻蛻謝書略曰五十年來自是人
廢一千里外豈曰天荒 蛻上禮部裴侍郎書曰臨其事不能苟
有待而先自請者閣下以為難乎贊功論美近乎諂飾詞言已近
乎私低陋擢伏近乎鼠竊廣博張引近乎不敬鉤深簡尚則畏不
能動乎人偕儻相比又畏取笑乎後情志激切謂之燥詞語連綿

登科記考

卷二十二

三

謂之黷夫臨其事而自言者其難如此也然不有聽者之明言者
無病則固當背惶踏踈俟乎知者而自知也用者而自用也安得
持一言於已難之時者哉然或不得已而言之者亦將自有而已
矣又豈敢因其時而遽言大體哉蛻少時不知小人通生有自可
之事樹之為梔茜種之為穀粟賈於市鈞於江亦以老也無何羅
絡舊簡附會時律懷筆敢於搢紳家十二年矣謂卯而習之菟
而成基壯而歷級乘時無難梗寒苦之疲今者欲三十歲矣所望
不過抱關輸力求粟養親而已何者家在九曲之南去長安近四
千里膝下無怡怡之助四海無強大之親日行六十里用半歲為
往來程歲須三月侍親左右又留二月為乞假衣食於道路是一
歲之中獨留一月在長安王侯聽尊媒妁聲深況有疾病寒暑風
雨之不可期者雜處一歲之中哉是風雨生白髮田園變荒蕪求
抱關養親亦不可期也及今年冬見乙酉詔書用閣下以古道正
時文以平律校羣士懷才負藝者踴躍至公蛻也不度已入春明
門請與八百之列負階待試嗚呼蛻也材不良命甚奇時來而功
不成事修而名不副將三十年矣今而後閣下進之蛻亦得以至
公進閣下退之蛻亦得以至公退進退者由閣下也未可知也干
瀆尊嚴敢忘僂辱情或須露豈曰圖私不然則蛻也豈敢蛻再拜

釋齊已送劉晚秀才赴舉詩曰百發百中識五年丹枝如計分一箭的無偏文物兵銷國關河雪霽天都人看春榜韓宇在誰前
崔涓 舊書崔琪傳子涓大
中四年進士擢第

諸科十三人

博學宏詞科 劉瞻 舊書本傳瞻大中四年登博學宏詞科

知貢舉 禮部侍郎裴休 見上 按唐闕史云丞相河東公得古

徒有以益寶為請者裴公設食會門生器出乎庭獨劉舍人蛻以為非是裴休以禮部侍郎知舉矣 曹鄴登岳陽樓有懷寄座主

相公即謂休也又有翠孤至洛宮寄座主相公詩

五年 辛未

進士二十七人又三人 李邵 狀元 郭岫 唐才子傳郭岫字賓光

登科記考

卷二十二

音

柳珪 舊書柳公綽傳仲郢子珪字鎮方大中五年登進士第南都新書柳珪是韋愨門生嘗云三十人淮柳先輩便進

燈燭下本 按珪及第後應白敏中之辟樊南集為河東公謝相國京兆公啟云某第二子前鄉貢進士珪充攝劍南西川安撫巡

官又有為柳珪謝京兆公啟

諸科二十二人 林勛 永樂大典引闈中記林勛字公懋閬縣人

大中五年開元禮登科 按清熙三山志

林勛終吉 州刺史 制科 莫宣卿 白鴻儒莫孝肅公詩集序唐宣宗大中五年龍集

辛未設科求賢合天下士對策於大庭臚傳以莫公宣卿為第一公字仲節廣南封州人也 柳珪有送莫仲節狀

元歸省詩曰青驄聚送謫仙人南國榮親不及君椰子味從今日近鷓鴣聲向舊山聞孤猿夜叫三湘月匹馬時侵五嶺雲想到故鄉應臘過藥欄猶有異花薰 按是年設科無考制科第一據此

亦得稱 狀元

知貢舉 禮部侍郎韋戩 舊書韋保衡傳父戩大中四年拜禮部侍郎五年選士頗得名人沈詢授韋戩鄂岳節度使制云職司誥命參貳春官業彌振於訓詞道愈光於得士

六年 王申

進士三十八人 劉駕 唐才子傳劉駕字司南大中六年禮部侍郎崔璵下進士初與曹鄴為友深相結鄴

既擢第不忍先歸待長安中駕成名乃同歸 曹鄴有滄川寄進士劉駕詩 許道敏 唐闕史貢 隨鄉薦之初獲知於時相是冬主文者將蒞事於貢院謁於相門 承相大稱其文學精臻宜在公選主文加簡揖額而去許潛知其 旨則磨礪以須屈指試期大掛人口俄有張希復員外結婚於丞 相奇章公之門親迎之夕辟道敏為價贊道敏乘其喜氣縱酒飛 章搖珮高譚極歡而罷居無何時相敷奏不稱旨移秩他郡人情 恐駭主文不敢第於甲乙爾後晦昧坎壈不復聞達繼丁家故垂 二十載至大中六年崔璵知舉年方擢於上科時有同年張侍郎 讀一舉成事年才十九乃道敏敗于垂成之冬價導外郎鵠橋之

登科記考

卷二十二

三

夕牛夫人所出也 按許道敏堯 舊書儒學傳 苗台符 撫言苗台符六歲能 佐之子登進士第見舊書儒學傳 屬文聰悟無比十餘 歲博覽羣籍著皇心三十卷年十六及第張讀亦幼擅詞賦年十 八及第同年進士同佐鄭薰少師宣州幕二人常列題于西明寺 之東廡或竊注之曰一雙前進士兩箇阿孩兒台符十七不祿張 讀位至禮部侍郎 韓文考異引登科記苗台符蕃之曾孫楮之 于大中八年進士第 張讀 舊書張薦傳張讀登進士第有俊 疑八為六字之訛 按讀為薦之孫希復之子

趙騰 舊書趙隱傳弟騰亦以進士登第 廣卓 異記大中六年崔璵知舉放趙騰及第

諸科九人

知貢舉 禮部侍郎崔璵 舊書崔璵傳崔璵大中五年以中書舍 人遷禮部侍郎六年選士時謂得才七

年權知戶部侍郎 杜牧崔璵除兵部侍郎制前權知尚書戶部 侍郎崔璵上知自得不器難名既擅高文兼通古學掌言綸閣典 貢春闈詞同三代之 風土掇一時之秀

七年 癸酉

進士三十人 子璵 廣卓異記引登科記于珪大中三年狀元及第弟璵大中七年狀元及第 崔瓌

玉泉子崔殷夢瓌宗人璵門生也夷門節度使龜從之子同年首冠于瓌瓌白璵曰夫一名男子筋身世以為美也不可以等埒也

近歲關試內多以假為名求適他處甚無謂也今乞侍郎不可循其舊轍璵大以為然一日瓌等率集同年詣璵起居既坐璵笑謂璵等曰昨得大梁相公書且欲先輩一到駿馬健僕往復當不至稽滯幸諸先輩留意瓌以座主之命無如之何 撫言作殷夢名澹

李詹 玉泉子唐李詹大中七年崔璵下擢進士第平生廣求烹之鼈方醉已熟矣復取驢繫於庭中圍之以火驢渴即飲以水而水蕩其腸胃然後取酒調以諸辛味復飲之驢未絕而為火所逼燂外已熟矣詹一日方巾首失力仆地而卒頃之詹膳夫亦卒一夕膳夫復蘇曰某見詹為地下責其過害物命詹對以某所為某即以詹命不可違答之詹又曰某素不知皆狄慎思所傳故得以迴無何慎思復卒慎思亦登進士第時為小諫 按慎思會昌六

登科記考 卷二十一 三

元狀 韋蟾 唐詩紀事蟾字隱桂下杜人大中七年進士登第初為徐商掌書記終尚書左丞 按蟾表微之子見舊

學傳

諸科十一人

知貢舉 中書舍人崔瑤 舊書崔邠傳邠子瑤出佐藩方入升朝禮部侍郎 唐語林崔瑤知貢舉以貴列累至中書舍人大中六年知舉旋拜要自恃不畏外議勝出率皆權豪子弟

八年 甲戌

九月七日御札墨制除賈島遂州長江主簿勅曰比者禮部奏卿

風狂遂且令關外將息今既卻攜卷軸潛至京城遇朕微行聞卿

高詠觀其至業可謂屈人是用顯我特恩賜爾墨制宜從短簿別

侯殊科可守劍南道遂州長江縣主簿仍便齋勅乘驛赴官所管

藩侯放上聞奏

鑿戒錄賈島初赴名場日常輕於先輩以八百舉子所業悉不如已又吟病蟬之句以刺公卿公卿

惡之與禮闈議之奏島與平曾等風狂撓擾貢院是時逐出關外號爲十惡議者以浪仙自認病蟬是無搏風之分詩曰病蟬飛不得向我掌中行折翼猶能薄酸吟尚極清露華疑在腹塵點任侵晴黃雀并烏鳥俱懷害爾情島後爲僧改名鍾本入京投蜀僧悟達國師知元院中或去法乾寺返初爲潛於鐘鼓安下與師覺輝無可上人姚殿中合表私唱和盧鄭相所聞專俟宣宗微行欲見帝希特恩非時及第及宣宗微行值元不在上聆鐘樓上有秀才吟詠之聲遂登樓於島案上取吟次詩欲看島不識帝攘臂睨帝遽於帝手奪之曰郎君何會耶帝慚赧下樓元公尋亦歸院島撫膺追悔欲投鐘樓帝惜其才急詔釋罪謂島曰方知卿薄命矣遂下墨制島因授此官永離貢籍 據言賈島不善程試每試自疊一幅巡鋪告人曰原夫之輩乞一聯乞一聯

是年韋澳爲京兆尹榜曰朝廷將裨教化廣設科場當開元天寶

登科記考

卷二十二

七

之閒始專重明經進士及貞元元和之際又益以薦送相高當時唯務切磋不分黨甲絕僥倖請託之路有推賢讓能之風等列標名僅同科第旣爲盛事固可公行近日已來前規頓改互爭強弱多務奔馳定高卑於下第之初決可否于差官之日曾非考覈盡繫經營與學雄文例舍於貞方寒素增年矯貌盡取于朋比羣強雖中選者曾不足云而爭名者益熾其事澳叨司畿甸合貢英髦非無藻鑑之心懼有愛憎之謗且李膺以不察孝廉去任胡廣以輕舉茂才免官況在窺管實難裁處況禮部格文本無等第府庭解送不合區分今年所合送省進士明經等並以納策試前後爲

定不在更分等第之限 東觀奏記先是京兆府進士明經解送設

衰止于奔競至解送之日威勢撓敗如市道焉至是澳榜云云

撫言載於七年考舊本紀八年五月以中書舍人翰林學士韋澳

為京兆尹

上書拜官一人 李羣玉 唐才子傳李羣玉字文山禮州人清才

曠逸不樂仕進赴舉一上即止裴相公

依觀察湖南厚禮延致之郡中大中八年以草澤臣來京詣闕上

表自進詩三百篇休適入相復論薦上悅之勅授宏文館校書郎

李羣玉有始忝四座奏狀聞薦蒙恩授官旋進歌

詩延英宣賜言懷紀事呈同館諸公二十四韻

進士三十人 李頻有省試振振驚

顏標 狀元 撫言鄭侍郎薰

後時徐寇作亂薰志在激勸忠烈即以標為狀元謝恩日從容問

及廟院標曰標寒進也未嘗有廟院薰始大悟塞嘿而已尋為無

名子所嘲曰主司頭腦太

冬烘錯認顏標作魯公

李頻 唐才子傳頻字德新睦州壽昌

人給事中姚合愛其標格以女

登科記考 卷二十二

妻之大中八年顏標榜擢進士調校書郎為南陵主簿試判入等

憲武功令 撫言李頻師方干頻及第詩僧清越贈干詩云弟子

已得桂先生猶灌園 鄭谷有故少師從翁隱巖別業詩云理論

知清越生徒得李頻 鄭薰號所居為隱巖 李頻梨岳集有及第

後歸詩曰家臨浙水傍岸對買臣鄉縱棹隨歸鳥乘潮向夕陽苦

吟身得雪甘意養成霜況此年猶小酬知足自強又有及第後還

家過峴 劉滄 唐才子傳滄字蘊靈魯國人大中八年禮部侍郎

嶺詩 鄭薰下進士榜後晉謁謝薰曰初謂劉君銳志一

第不足取故人別來三十載不相聞誰謂今日白頭劉君銳志一

第頻同年 劉滄看榜日詩曰禁漏初停蘭省開列仙名目上清

來飛鳴曉日鶯聲遠變化春風鶴影同廣陌萬人生喜色曲江干

樹發寒梅青雲已是酬恩處莫惜芳時謝酒杯又及第後宴曲江

詩曰及第新春選勝游杏園初宴曲江頭紫毫粉筆題仙籍柳色

簫聲拂御樓 霽景露光明遠岸晚空山翠墜芳洲歸時不省花間

醉綺陌香 畢紹顏 舊書畢誠傳子紹顏登進士第 永樂大典

車似水流 引蘇州府志大中年侍郎鄭薰知舉畢紹

顏登 舊書文苑傳李巨川父

崔口 李頻漢上逢同年崔

八詩云去歲曾游帝

第 循大中八年登進士第

崔口 八詩云去歲曾游帝

第 八詩云去歲曾游帝

里春杏花間過各離秦是

許口

李頻有春日南游寄浙東許同年詩名俟考

李口

同進士及第其名俟考
按李頻有賀同年翰林從叔舍人知制誥詩未知其名俟考

諸科十五人

知貢舉

禮部侍郎鄭薰

鄭處誨授鄭薰禮部侍郎制曰勅儀曹劇任中臺慎擇總百郡之俊造考五禮

之異同必求上才以允眾屬中散大夫尚書工部侍郎鄭薰高陽茂族通德盛門秉莊氏之遺風蘊名卿之品業文諧騷雅鼓吹前言譽洽措紳領袖時輩操守必修其謙柄進退常踐于德藩疊克詞科亟升清貫持橐列金華之侍揮毫擅紫闥之工貳職冬官克揚休問是用俾司貢籍以振儒風朕以化天下者莫尚於人文序多士者以備乎時選育材之本惟善是從擧拔既尚於幽貞聳勸勿遺於曹緒無求冠玉無採雕蟲當思取實之方必有酌中之道爾其盡慮以率至公可守禮部侍郎 舊書本傳薰端勁再知禮部舉引寒俊士類多之 按薰惟此年知舉舊書謂再知禮部誤 太平廣記引盧氏雜說鄭薰知舉放榜日唯舍人畢誠到宅謝

登科記考

卷二十二

完

恩蓋誠以子紹顏登第而謝也劉滄有罷華原尉上座主尚書詩蓋即薰也 李頻亦有奉和鄭薰相公詩

李頻振振鷺詩曰有鳥生江浦霜華作羽翰君臣相比潔朝野用

為歡月影林梢下冰光水際殘飛翻時共樂飲啄道皆安迴翥宜

高詠羣棲入靜看由來鷺鷥侶濟濟列千官

文苑英華 按振振鷺梨岳集作振鷺

九年乙亥

正月十九日制曰朝議郎守尚書刑部郎中柱國賜緋魚袋唐扶

將仕郎守尚書職方員外郎裴紳早以科名薦由臺閣聲猷素履

亦有可嘉昨者吏部以爾秉心精專請委考覈而臨事或乖于公

當物議遂至於沸騰豈可尚列彌綸是宜竝分符竹善綬凋瘵以

補梅允扶可虔州刺史散官勳封如故裴可申州刺史散官如故

時試宏詞舉人漏泄題目爲御史臺所劾扶爲考試官也

吏部侍郎兼判尙書銓事裴諗左授

國子祭酒吏部郎中周敬復罰一月俸監察御史馮顥左授祕書

省著作佐郎

舊書本紀作馮顥罰一月俸料

考院所送博學宏辭科趙柎等十八

並宜覆落不在施行之限初裴諗兼上銓主試宏拔兩科其年爭

名者眾應宏詞選前進士苗台符楊嚴薛訢李詢古敬翊已下

十五人就試諗寬豫仁厚有賦題不密之說前進士柳翰京兆尹

柳憲之子也故事宏詞科只三人翰在選中不中者言翰于諗處

先得賦託詞人溫庭筠爲之翰既中選其聲聒不止事徹宸聽杜

登科記考

卷二十一

三

德公

按杜審權諡曰德

時爲中書舍人言于執政曰某兩爲考官未試宏

詞先鑱考官然後考文書若自先得賦題者必佳糊名考文書得

佳者考官乃公當罪止

按下文疑有闕文

諗爲考官不合坐宏詞趙柎丞相

令狐綯故人子也同列將以此事嫁患于令狐丞相丞相逐之盡

覆去

東觀奏記唐會要載此事於二月舊書本紀載于三月按裴紳卽庭裕之父記共家事較爲有據故從東觀奏記

御史臺據正月八日禮部貢院捉到明經黃續之趙宏成全質等

三人僞造堂印堂帖兼黃續之僞著緋衫將僞帖入貢院令與舉

人虞蒸胡簡党贊等三人及第許得錢一千六百貫文據勘黃續

之等罪欸具招造僞所許錢未曾入手便事敗奉勅並準法處死

主司以自獲姦人並放舊書本紀按本紀載于三月試宏詞之後今有正月八日之文當與試宏詞同爲

正月

進士三十人 孫樵 讀書志孫樵字隱之大中九年進士新書藝文志作樵字可之孫可之文集自序云幼

而工文得之真訣提筆入貢士列於時以文學見稱大中九年叨

獻詞考大中無十八年蓋十字衍文 盧攜 舊書本傳攜父子升

樵於九年登第故八年猶稱鄉貢 北夢瑣言唐大中初盧攜舉

大中九年進士擢第授集賢校理 進士風貌不揚語亦不正呼攜為慧蓋短舌也韋氏昆弟皆輕侮

之獨韋岫尚書加敬謂其昆弟曰盧雖人物甚陋觀其文章有首

尾斯人也以是卜之他日必為大用乎爾後盧果策名竟登廊廟

獎拔京兆至福建觀察使向時輕薄諸弟 柳璧 舊書柳公綽傳

卒不展分所謂以貌夫人者其韋諸季乎 仲郢子璧大中

九年登進士第 楊授 舊書楊嗣復傳嗣復子授字

新書璧字賓玉 得符大中九年進士擢第 陸肱 唐詩

肱大中九年登進士第咸通六年自前振武從事試平判入等牧

南康郡辟許棠為郡從事鄭谷寄詩云江山多勝境賓主是貧交

賦以春 李彬 玉泉子大中九年沈詢侍郎以中書舍人知舉其

倉部李郎中蟻時在坐因戲諸進士曰今日極盛蟻與賢座主同

年時右司李郎中從晦又在座戲蟻曰殊未耳小生與賢座主同

年如何謂郴州柳侍郎也眾皆以為異是日數公皆詣賓客馮尙

書審則又柳公座右楊相國之同年舉座異之 按楊相國謂嗣

復 沈儋 雲溪友議潞州沈尙書宣宗九載主春闈將欲放榜其

無一家之謗汝叻此事家門之幸也於諸葉中擬放誰耶詢曰莫

先沈光也太夫人曰沈光早有聲價沈擢次之二子科名不必在
汝自有他人與之吾以沈儋孤單鮮有知者汝其不愍孰能見哀
詢不敢違慈母之命遂放儋第焉光後果升上第擢奏芸閣從事
三湘太夫人之朗 羅洙 南部新書韓洙與沈詢尙書中表詢憐
悟儋亦感激焉 洙許與成事如是歷四五年太夫人又
念之復累付于詢詢知舉大中九年也自第二人遷迤改爲第
七人方定及放榜誤爲羅洙後詢見韓詢未嘗不深嗟其命

登科記考

卷二十二

諸科六人出谷而派御書華無效殊鳳出而閱賦史策不書

博學宏詞科 趙稭等皆落下

見上

知貢舉 中書舍人沈詢

南部新書大中九年日官李景亮奏云文昌暗科場當有事沈詢為禮部甚懼

馬至是三科盡覆試宏詞趙稭等皆

落下 按三科謂進士明經宏詞

十年

丙子

三月中書門下奏據禮部貢院見置科目內開元禮三禮三傳三

史學究道舉明算法童子等九科近年取人頗濫曾無實藝可

採徒添入仕之門須議條流俾精事業臣等已於延英面論伏奉

聖旨將文字來者其前件九科臣等商量望起大中十年權停三

登科記考

卷二十二

三

年滿後至時赴試者令有司據所舉人先進名令中書舍人重覆

問過如有本業精通堪備朝廷顧問即作等第進名候勅處分如

事業荒蕪不合送名數者考官當議朝責其童子近日諸道所薦

送者多年齒已過偽稱童子考其所業又是常流起今已後望令

天下州府薦送童子並須實年十一十二以下仍須精熟一經問

皆全通兼自能書寫者如違制條本道長吏亦議懲罰從之

舊書本紀

冊府元龜唐會要皆作五月今從本紀

四月禮部侍郎鄭顥進諸家科日記十三卷表曰自武德以後便

有進士諸科出鶯谷而飛鳴聲華雖茂經鳳池而閱視史策不書

所傳前代姓名皆是私家記錄虔承聖旨敢不討論臣尋委當行

祠部員外郎趙璘採訪諸家科目記撰成十三卷自武德元年至

於聖朝謹專上進方俟無疆勅宜付翰林自今放榜後仰寫及第

人姓名及所試詩賦題目進人內仍仰所司逐年編次冊府元龜唐會要

唐語林 東觀奏記上雅尚文學聽政之暇常賦詩

尤重科名大中十年鄭顥知貢後宣索科名記顥表上

進士三十人 崔鏞狀元 舊書崔元略傳元受 伍愿永樂大典引臨

汀志伍愿大中十年進士及第愿又 徐渙永樂大典引宜春志

改名正己字公謹甯化人調臨川尉 第 李郢唐才子傳李郢字楚望大中十年崔鏞榜進士及第

有容求娶之遇有爭娶者女家無以為詞乃曰備錢百萬先至者

許之兩家具錢同日皆至女家無以為詞復曰請各賦一詩以為

登科記者 卷二十二 三

優劣郢乃得之登第回江南駐蘇州遇故人守湖州邀同行郢辭

以決意春歸為妻作生日故人不放與之胡琴焦桐方物等令且

寄歸代意郢為寄內詩曰謝家生日好風烟柳暖花春二月天金

鳳對翹雙翡翠蜀琴新上七絲絃鴛鴦交頸期千歲琴瑟偕和欲

百年應恨客程歸未 崔瑾舊書崔郢傳郢子瑾

得綠窗紅淚冷涓涓 諸科五人

知貢舉 黃門侍郎鄭顥摭言大中中都尉鄭尚書放榜上以紅

顯 又曰鄭顥都尉第一榜託崔維員外為榜雍甚然諾顯從之

雍第推延至榜除日顥待榜不至隕穫且至會雍遺小僮壽兒者

傳云來早陳賀顥問有何文字壽兒曰無然日勢既暮壽兒且寄

院中止宿顥亦懷疑因命搜壽兒懷袖一無所得顥不得已遂躬

自操觚夜艾壽兒以一蠟彈丸進顥即榜也顥得之大喜狼忙札

之一無更易 又曰大中十年鄭顥都尉放榜請假往東洛觀省

生徒餞於長樂驛俄有記于屋壁曰三十驪騮一烘塵

來時不鎖杏園春楊花滿地如飛雪應有偷游曲水人

十一年 丑

進士三十人 歸仁翰

永樂大典引蘇州府志杜審權知舉歸仁翰登第

王徽

舊書本傳徽字

昭文京兆杜陵人曾祖擇從祖察父自立徽大中十一年進士擢第釋褐秘書省校書郎又曰徽登第時年踰四十

盧

處權

南部新書杜審權大中十一年知舉放盧處權有戲之曰座主審權門生處權可謂權不失權

諸科三人

知貢舉

中書舍人杜審權

舊書本紀大中十年九月以中書舍人杜審權權知禮部貢舉本傳審權

正拜中書舍人大中十年權知禮部貢舉十一年選士三十人後多至達官正拜禮部侍郎

十二年 戊寅

三月中書舍人李藩知舉博學宏詞放陳琬

雲溪友議作琬太

登科記考

卷二十一

高

三人及進詩賦論等召謂藩曰所賦詩中重用字何如藩曰錢起

湘靈鼓瑟詩有重用字乃是庶幾上曰此詩似不及起乃落下

元龜 唐會要 雲溪友議宣宗十二年前進士陳玩等五人應博學宏詞選所司考定名第及詩賦論進訖上于延英殿詔中書

舍人李藩等對上曰凡考試之中重用字如何藩對曰賦忌偏枯叢雜論失褒貶是非詩則緣題落韻只如白雲起封中詩云封中

白雲起是也其閒重用文字乃是庶幾亦非有常例也又曰款詩重用字對曰錢起湘靈鼓瑟詩有二不字上曰錢起雖重用字他

詩似不及起其宏詞詩重用字者登科更明年考校起詩便付史選

勅鄉貢進士温庭筠早隨計吏夙著雄名徒負不羈之才罕有適

時之用放騷人於湘浦移賈誼于長沙尙有前席之期未爽抽毫

之思可隨州隋縣尉

東觀奏記 撫言開成中温庭筠才名籍甚然罕拘細行以文爲貨識者鄙之無何執政

閒復有惡奏庭筠攬擾場屋黜隨州隋縣尉時中書舍人裴坦當制性昵含毫久之時有老吏在側因訊之升黜對曰舍人合爲責辭何者入策進士與望州長馬一齊貪坦釋然故有澤畔長沙之比庭筠之任文士詩人爭爲辭送唯紀唐夫得其尤詩曰何事明時泣玉頻長安不見杏園春鳳皇詔下雖霽命鸚鵡才高卻累身且飲絲醪銷積恨莫辭黃綬拂行塵方城若比長沙遠猶隔千山與萬津 玉泉子溫庭筠有詞賦盛名初從鄉里舉客游江淮開楊子留後姚勛厚遺之庭筠少年其所得錢帛多爲狎邪所費勛大怒笞且逐之以故庭筠不中第其姊趙頡之妻也每以庭筠下第輒切齒于勛一日聽有客溫氏偶問誰氏左右以勛對之溫氏遽出廳亭執勛袖大哭勛殊驚異且持袖牢固不可脫不知所爲移時溫氏方曰我弟年少宴游人之常情奈何答之迄今遂無有成安得不由汝致之遂大哭久之方得解脫歸憤詞竟因此得疾而卒 唐才子傳溫庭筠字飛卿舊名岐并州人宰相彥博之孫也少敏悟天才能走筆成萬言尤工律賦每押官韻燭下未會起草但籠袖凭几每一韻一吟而已場中曰溫八吟又八吟手成八韻名溫八叉又多爲隣鋪假手然薄行無檢幅與貴胄裴誠令狐滈等飲博後夜嘗醉詭俠邪間爲邏卒折齒詎不得理舉進士

登科記考

卷二十二

蓋

數上又不第大中末山北沈侍郎主文特詔庭筠試于簾下恐其潛救是日不樂逼暮先請出仍獻啟千餘言詢之已占授入人矣執政鄙其爲留長安中待除宣宗微行遇于傳舍庭筠不識傲然詰之曰公非司馬長史流乎又曰得非文參簿尉之類帝曰非也後謫方城尉 按此勅中書舍人裴坦之詞舊書本紀十一年四月以職方郎中裴坦爲中書舍人明年冬裴坦知舉故附此年

進士三十人

李億 狀元見玉芝堂談薈

宋言

雲溪友議宋言近十舉而名未播大中十一年將取

府解言本名嶽因晝寢似有人報云宋二即秀才若頭上戴山無因成名但去其山自當通泰覺來便思去之不可名獄遂去二犬乃改爲言及就府試馮涯侍郎作搽而爲試官以解首送也時京兆尹張毅夫以馮參軍解送舉人有私奏譴禮州司戶再試退解頭宋言爲第六十五人知聞來唁宋曰來春之事甘已參差及李藩舍人放榜言第四人及第 新書藝文志宋言字表文 按太平廣記引感定錄載進士李嶽更名李言疑卽此事之訛 崔沆 舊書崔元略傳鉉子沆登進士 嶽錄事同年盧象俯近關譙堅請假往洛下拜慶既而淹緩久之及同年讎于曲江亭子豕以雕幘載妓微服鞞鞞縱觀于側遽

爲團司所發沉判之略曰深攬席帽密曠羶車紫 盧象上見 徐

陌尋春便隔同年之面青雲得路可知異日之心 彦若 舊書本傳彦若天后朝大理卿有功之裔曾祖宰祖陶父商

子琮同年及第至咸通六年商自御史大夫拜相七年琮自兵部

侍郎拜相 按舊書本傳作咸通十二年進士擢第咸通即大中

之 侯岳 永樂大典引閩中記侯岳固之姪大中十二年登進士

第 淳熙三山志侯嶽字公祝未仕終是岳當作嶽

李質 唐詩紀事引科名分定錄李質登第後廉察豫 于琮 舊

章時大中十二年也又曰質字公幹襄陽人 于休烈傳于敖四子球珪瓌琮皆登進士第琮落託有大志駙馬

都尉鄭顥奇之會李藩知貢舉顥登之登第 舊書本紀大中十

二年三月以前鄉貢進士于琮爲秘書省校 吳畦 唐語林令狐

書郎尋尙皇女廣德公主蓋于放榜後尙主 薦畦于鄭公遂先高一年及第 按高于大中十三年

國學避之遇廣文生吳畦從容久之畦袖卷呈高由是出入高家

及第則畦及第在此年惟此知舉爲李藩言鄭侍郎誤

登科記考 卷二十二 三

明經科 過訥 杜去疾故過少府墓誌銘公諱訥字含章澤州高

擢第當守選時潛修拔萃虛窗弄筆研幾自愧于雕蟲子

奪在心可否詎由于甲乙於咸通四年授棣州蒲臺縣尉

諸科四人 博學宏詞科 見

知貢舉 中書舍人李藩 舊書本紀大中十一年十月以中書舍

朝議郎守中書舍人權知禮部貢舉李藩爲尙書戶部侍郎蓋

於放榜後遷戶部侍郎也 唐語林李侍郎藩知舉落人極多

十三年 卯 已 五月上不豫八月崩於大明宮 舊書 本紀

丙申懿宗卽位 通 鑑

入手持貫珠閉目以誦佛經非寢食未嘗輟也坦主文柄入貢院
子勛質日議勝于私室僧多處其間二子不之虞也其擬議名氏
迨與奪進退僧悉熟之矣歸寺而彥樞訪焉僧問彥樞將來得失
之耗彥樞具對以無有成遂狀僧曰公成名須第幾人彥樞謂僧
戲曰答曰第八人足矣即復往裴氏之家二子所議如初僧忽張
目謂之曰侍郎知舉耶郎君知舉耶夫科第國家重事朝廷委之
侍郎意者欲侍郎剗革前弊孤平得路今之與奪率由郎君士議
甯偶人耶且郎君所與者不過權豪子弟未賞以一平人藝士議
之郎君可乎即屈其指自首至末不差一人其豪族私讎曲折畢
中二子所諱助等大懼即問僧所欲且以金帛賂之僧曰貧僧老
矣何用金帛爲有鄉人翁彥樞者徒要及第耳助等曰即列在丙
科僧曰非第八人不可也助不得已許之僧曰與貧僧一文書來
彥樞其年及 劉虛白 撫言劉虛白與裴坦早同硯席坦主文虛
第竟如其言 白猶是舉子試雜文日簾前獻一絕句云
二十年前此夜中一般燈燭一般風不知歲月能多少猶著麻衣
待至公 北夢瑣言竟陵人劉虛白擢進士第嗜酒有詩云知道
醉鄉無戶稅任 令狐澆 舊書令狐楚傳楚子綯綯子澆少舉進
他荒卻下丹田 士以父在內職而止綯罷權軸既至河

登科記考

卷二十二

美

中上言曰臣男澆爰自孩提便從師訓至于詞藝頗及流輩會昌
二年臣任戶部員外郎時已令應舉至大中二年猶未成官澤
湖州刺史蒙先帝擢授考功郎中知制誥尋充學士繼叨渥澤遂
忝樞衡事體有妨因令罷舉自當廢絕一十九年每遣退藏更令
勤勵臣以祿位逾分齒髮已衰男澆年過長成未霑一第犬馬私
愛實切憫傷臣二三年來頻乞罷免每年取得文解意待纔離中
書便令赴舉昨蒙恩制寵以近藩伏緣已逼禮部試期便令就試
至于與奪出自主司臣固不敢撓其衡柄臣初離機務合具上聞
昨延英奉辭本擬面奏伏以戀恩方切陳誠至難伏冀宸慈察臣
丹懇詔令就試是歲中書舍人裴坦權知貢舉登第者三十人有
鄭羲者故戶部尚書澣之孫表宏餘故相休之子魏嘗故相扶之
子及澆皆名臣子弟言無實才諫議大夫崔瑄上疏曰伏見新及
第進士令狐澆是河中節度使檢校司空中書門下平章事令
狐綯男舊名壽改名澆竊聞頃年暫曾罷舉自父當重位而權在
一門求請者詭黨風趨妄動者耶朋雲集每歲春闈登第在朝清
列除官事望雖出於綯取捨悉由于澆喧然如市傍若無人威振
寰中勢傾天下及綯去年罷相出鎮其日令狐澆於禮部納卷伏
以舉人文卷皆須十月已前送納豈可父身尚居樞務男私拔其

解名干撓主司海弄文法若宰相子弟總合應舉卽不合繼絕數
年如宰相子弟不合應舉卽何預有文解公然輕易隱蔽聖聰將
陛下朝廷爲綯瀉家事伏恐奸欺得路孤直杜門非唯取笑士流
抑亦大傷風教伏請下御史臺子細推勘納卷及取解月日聞奏
臣職當諫署分合上聞疏留中不出 北夢瑣言時張雲劉蛻崔
瑄疊上疏宣宗優容 冊府元龜大中十三年十二月河中節度
使令狐綯以其子瀉求應進士舉勅曰令狐瀉多時舉人極有文
學流輩所許合得科名比以父綯職在樞衡避嫌不赴今因出鎮
卻就舉場沉譜通規合試至藝宣令主司準大中六年勅考試只
在至公如涉徇情自有刑典從今已後但依常例放榜本司舉士
貴在得人去留之間惟理所在按此爲十四年貢舉故類入此年
北夢瑣言綯上表訴子之寃其略云一從先帝久次中書得臣
恩者謂臣奸不得臣恩者謂臣弱臣非美瀉美肉安能啖眾人之
口時以執己之短取誦于人按先帝謂宣宗表蓋上懿宗也 十
國春秋令狐瀉登進士羅隱賀以短章瀉
父綯曰吾不喜兒得第喜得羅公一篇耳 鄭羲 裴宏餘 唐語
坦爲職方郎中知制誥裴相休以坦非才不稱力拒之不能得命
旣行坦至政事堂謁謝丞相故事謝畢便于本院上專宰臣送之

登科記考

卷二十一

弄

施一榻壓角而坐坦巡謁執政至休聽多輸感激休曰此乃首台
謬選非休力也立命肩輿便出不與之坐兩閣老吏云自有中書
未有此事人爲坦恥之至坦知貢舉擢休子宏餘上第 魏甯 皆
時人稱欲益彌彰 按宏餘宰相世系表作宏字裕志 魏甯 見
令狐 崔瀆 舊書崔珙傳球子瀆 陳河 冊府元龜時舉子尤盛
綯傳 大中末進士登第 進士過千人然中第者
皆衣冠之子惟陳河一人孤貧負藝第于榜末 按新
書藝文志陳汀字用濟大中進士第疑汀卽河之誤

諸科三人

博學宏詞科

冊府元龜大中十四年考試官庫部
員外郎崔芻言放宏詞登科一人

知貢舉

中書舍人裴坦

舊書本紀大中十三年十月以
中書舍人裴坦權知禮部貢舉

登科記考卷二十三

大興徐松

唐懿宗昭聖恭惠孝皇帝

咸通二年 辛巳

進士三十人 裴延魯 狀元 于濟 唐才子傳于濟字子濟咸通二年裴延魯榜進士 唐詩紀事

瀆終泗 牛徵 唐詩紀事徵登咸通二年 李藹 太平廣記引盧氏 雜說李藹應舉功

勤敏妙絕倫人謂之東 孔絢 孔綸 闕里文獻考咸通二年進 翅鶴子咸通二年及第 士有孔絢孔綸未知所據

附此 俟考

諸科十二人

博學宏詞科 舊書本紀八月以兵部員外郎楊知遠 司勳員外郎穆仁裕試吏部宏詞選人

登科記考 卷二十三

知貢舉 中書舍人薛旻 舊書本紀咸通元年十一月 以中書舍人薛旻權知貢舉

三年 壬午

進士三十人 試倒載于戈賦以聖功克彰兵器斯 薛邁 狀元見 賦為韻天驥呈才詩見王郎中傳 黃璞王郎中傳王

談 蕭廩 舊書蕭俛傳倣子廩咸通二年 王肇 肇字輔之福唐人 年進士擢第新書廩字富侯 肇字輔之福唐人

也咸通三年鄭侍郎從讜下進士及第試倒載于戈賦天驥呈材 詩成名歸觀廉使杜公宣 歛請署團練巡官景慕意深將有瑤席

之選公辭以舊與同年陳郎中翬有要約就陳氏婚好時益以誠 信奇之初就府薦馮滙為試官三箭定天山賦當意為滙所知欲

顯滙遺明設科第以宋言為解頭公為第二時毅夫中丞尹京兆 怒滙不取旨搗命收榜拔破名第甲省其年等第雖破公道益彰

凡曾受品題數年之間及第殆盡前今輿論莫不美馮公之善得 其材榮公之獲任其選從事本府乞假入關尋又首捷玉不去身

賦春水綠波詩古公去邠論李公隲時擅盛名自內翰林出為江 西觀察使辟為團練判官自使下監察赴調復平判人等授大理

司直未幾除太常博士入省爲水部郎中公初上第鄉人李顏累舉進士鬱有聲芳贈公歌詩云蓬瀛上客顏如玉手探月窟如夜燭笑顧姮娥玉兔言謂折一枝情未足時謂顏狀得其美若有前知公十九年內三捷其於盛美蓋七閩未之有也又云福清啟福院界北止王郎中墓後山有薛承裕者生長此地王郎中榮同年進士及第先德口官入閩承裕生長此地遂寓桑梓焉時以詞賦著稱成名後又平判入等尋授雲陽尉後除國子四門博士病終大略相同蓋七閩之地自歐陽詹王榮爲之倡首相繼登上第遂盛於時云 陳黯送王榮序黯去歲自袁中還輦下輔文出新試相示其間有江南春賦篇末云今日併爲天下春無江南兮江北某卽賀其登選於時矣何者以輔文家於江南其詞意有是非前朕耶今春果擢上第夏六月告歸省於閩命序送行某辭以未第言不爲時重輔文曰吾所知者惟道與義豈以己第未第爲重輕哉愚竊是不得讓鱗羣之眾也必聖其龍羽族之多也必瑞其鳳鳳非四翼龍非二首所以異于鱗羽者惟其稀出耳嚮使日百時千盈川溢陸則虵虺鳩雀無非龍鳳矣其誰曰聖且瑞哉進士科由漢迄唐爲擢賢之首也寰瀛之大億兆之眾歲貢其籍者數纔于千有司升其名者復止于三十其不爲貴而且稀乎輔文早歲

登科記考

卷二十三

業儒而深于詞賦其體物諷調與相如揚雄之流異代而同工也故角于文陣而聲光振起今之中選是榮其歸想靈慶之晨爲鄉里改觀孰不謂人之龍鳳乎 薛承裕 見上 永樂大典引閩中懿哉輔文是行也足以自重 與王榮同年 洎熙三山志 薛承裕終國子四門博士 徐仁嗣 見文苑 英華 盧征 見文苑 英華 鄭賁 見文苑 英華 陳翬 見上

諸科十一人

博學宏詞科

舊書本紀十一月以吏部侍郎鄭處誨蕭倣吏部員外郎楊儼戶部員外郎崔彥昭等試宏詞選人

知貢舉

中書舍人鄭從讜

舊書鄭餘慶傳鄭從讜歷拾遺補闕尚書郎知制誥故相令狐綯魏扶皆

父貢舉門生爲之延譽尋遷中書舍人咸通三年知貢舉拜禮部侍郎

王棨倒載干戈賦曰欲廓文德先韜武功倒干戈而是載鑄劍戟

以欣同千里還師迴刃于戎車之上一朝偃伯垂仁於王道之中
皇上以心宅八紘威加四極有罪必伐無征不克旌旗西嚮競納
欵於中原鞶鼓東臨咸獻俘於上國然後軫宸慮惻皇情萬姓苟
宜于子視三邊可俟其塵清由是罷師旅休甲兵干櫓勢傾壓雙
輪而委積戈鋌色寢滿十乘以縱橫蓋以戰乃危事兵惟凶器欲
令永脫于禍機必先離于死地所以前鑄俄觀迴轅繼至虞舜
舞而曾用比此寧同魯陽揮以員來于斯則異既不收其豹略乃
長苞于虎皮諒橐弓而若此詎反旆以如斯徵彼禮經折軸曾聞
于山立考諸易象盈車徒見其離爲豈慮自焚誠同載戢五兵從

登科記考

卷二十三

三

此以皆弭七德于焉而復立遂使頑兇之子無日可尋更憐忠烈
之臣徒云能執故得殺氣潛息嘉猷孔彰以此懷柔而何人不至
以此亭育而何俗不康罷刃銷金道無慚于齊帝放牛歸馬德寧
愧於周王大矣哉因爾仁天用藏兵柄得東征西怨之體見師出
凱旋之盛小臣伏觀乎橐韃敢不歌揚於明聖

麟角集

王榮天驥呈才詩曰馬知因聖出才本自天生駟駿何煩隱權奇
願盡呈電從雙眼落雲向四蹄輕過去王良喜嘶來伯樂驚絕塵

慚逸步曳練議能名唯待金鞭下春風紫陌情

麟角集

徐仁嗣天驥呈才詩曰至德符天道龍媒應聖明追風奇質異噴

玉彩毫輕蹀躞形難狀連蜷勢乍呈効才矜逸態絕影表殊名岐

路寧辭遠關山豈憚行鹽車雖不駕今日亦長鳴

文苑英華

盧征天驥呈才詩曰異產應堯年龍媒順制牽權奇初得地蹀躞

欲行天詎假調金埒寧須動玉鞭嘶風深有戀逐日定無前周滿

誇常馭燕昭恨不傳應知流赭汗來自海西偏

文苑英華

鄭蕢天驥呈才詩曰毛骨合天經權奇步驟輕曾邀于闐駕新出

貳師營噴勒金鈴響追風汗血生酒亭留去跡吳坂認嘶聲力可

通衢試材堪聖代呈王良如顧盼垂耳欲長鳴

文苑英華

四年

癸未

登科記考

卷二十三

四

二月進士皮日休上疏曰臣聞聖人之道不過乎經經之降者不
過乎史史之降者不過乎子子不遺乎道者孟子也捨是而子者
必戾乎經史爲聖人之賊也夫孟子之文粲若經傳天惜其道不
燼於秦自漢氏得其書常置博士以專其學故其文繼乎六藝光
乎百氏真聖人之微旨也若然者何其道奕奕于前而其書沒沒
於後得非道拘乎正文極乎奧有好耶者憚正而不舉嗜淺者鄙
奧而無稱耶蓋仲尼愛文王嗜昌歎以取味後之人將愛仲尼者
其嗜在孟子矣夫古之士以湯武爲取逆者其不讀孟子乎以楊
墨爲達智者其不讀孟子乎由是觀之孟子之功利於人亦不輕

矣今有司除茂才明經外其次有業莊周列子書者亦登于科其誘善也雖深而懸科也未正夫莊列之文荒唐之文也讀之可以爲方外之士習之可以爲鴻荒之民安有能汲汲以救時補教爲志哉伏請命有司去莊列之書以孟子爲主有能精通其義者其科選視明經苟若是也不謝漢之博士矣疏奏不答冊府元龜唐會要皮

進士三十五人五百家韓注引任注咸通四年右常侍蕭倣知舉試謙光賦澄心如水詩中第者二十五人按二十五三十五未知孰是孫龍光狀元見玉柳告是年柳告第三人及第未益子厚之子縮卽退韓文考異縮登咸通四年進士第武瓘唐詩之孫見五百家韓注

登科記考

卷二十三

紀事權登咸通進士第有感事詩云花開蝶滿枝花謝蝶還稀惟有舊巢燕主人貧亦歸權初投卷于知舉蕭倣見是詩賞其有侍故之志遂李昌符唐才子傳李昌符字若夢咸通四年禮部侍郎蕭倣下進士北夢瑣言唐咸通中前進

士李昌符有詩名久不登第常歲卷軸忘于裝修因出一奇乃作婢僕詩五十首於公卿間行之有詩云春娘愛上酒家樓不怕歸遲總不留推道那家娘子臥且留教住待梳頭又云不論秋菊與春花箇箇能唾空肚茶無事莫教頻入庫一名閑物要些些諸篇皆中婢僕之諱洩句京城盛傳其詩篇爲嫺嫺輩怪罵騰沸盡要擷其面是年登第與夫桃杖虎靴事雖不同用奇卽無異也

伊播永樂大典引宜春志咸通四年伊播登進士第唐詩紀事作伊璠伊璠有及第後寄梁燭處士詩日繡轂尋芳許史家獨將羈事達江沙十年辛苦一枝桂二月豔陽千樹花鵬化四溟歸碧落鶴棲三島接青霞同袍不得同游甌今對春風日又斜

薛扶見下

孔振見下

蘇鷄見下

諸科十一人

知貢舉

左散騎常侍蕭倣

舊書本紀咸通三年十二月以吏部侍郎蕭倣權知禮部貢舉唐語林

言皆作常侍蕭倣考蕭倣傳云倣咸通初遷左散騎常侍四年本

官權知貢舉則本紀誤也據言咸通四年蕭倣權知禮部貢舉上

有故放榜後發覺二月十三日貶蘄州刺史中書舍人知制誥宇

文瓚制敕朕體至公以御極推至理以臨人舉必任才黜皆由過

二者之命吾何敢私中散大夫守左散騎常侍權知禮部貢舉上

柱國賜紫金魚袋蕭倣早以藝文薦升華顯清貞不磷介潔無徒

居多正直之容動有休嘉之稱近者擢司貢籍期盡精研既紊官

常頗興物論經詢大義去留或致其紛拏榜挂先場進退備問其

差互且昧泉魚之察徒懷冰蘖之憂豈可尙列貂蟬復延騎省俾

分郡牧用示朝章勿謂非恩深宜自勵可尙列貂蟬復延騎省俾

如故仍馳驛赴任倣至蘄州謝上兼貢舉闕表臣某言臣謬

掌貢闈果茲敗失上負聖獎下乖人情實省己以兢慚每自咎而

煌灼猶賴陛下猥矜拙直特貸刑書不奪金章仍付符竹荷恩宥

而感戀奉嚴譴以奔馳不駐羸驂繼持舟楫臣二月十三日當日

于宣政門外謝訖便辭進發今月一日到任上訖臣誠惶誠懼頓
首頓首臣性秉樸愚材昧機變皆爲叨據果竊顯榮一心唯知效

登科記考

卷二十三

六

忠萬慮未嘗念失是以頃升諫列已因論事去官後忝瑣闥亦緣

舉職統膺身流嶺外望絕中朝甘於此生不到上國伏遇陛下臨

御大寶恭行孝思詢以舊臣徧霑厚渥臣遠從海嶠首還闕廷才

拜丹墀俄捧紫詔任掄才于九品位超冠于三曹家與國而同歸

官與職而俱盛常思惕厲免悔尤已塵銓衡復忝貢務昨雖有

過今合俱陳臣伏以朝廷所大者莫過于文柄士林所重者無先

於辭科推公過即怨讎竝生行應奉即語言皆息爲日雖久近歲

轉難如臣孤微豈合操專徒以副陛下振用明時至公是以不聽
囑論堅收沈滯請託既絕求瑕者多臣昨選擇實不屈人雜文之
中偶失詳究扇眾口以騰毀致朝典以指名緘深懇而未得敷陳
奉詔命而須乘郵傳罷遠潘赴闕還鄉國而只及一年自近侍謫
官歷江山而又三千里泣別骨肉愁涉險艱今則已達孤城唯勤
郡政綏輯郭邑訓整里閭必使獄絕冤人巷無橫事峻法鈐轄于
狡吏寬宏撫育于疲農靡立微勞用贖前過伏乞陛下特開睿鑒
俯察愚衷臣前後黜責多因奉公秉持直誠常逢黨與分使如此
時亦自嗟寫肝膽而上告明君希衰殘而得還帝里豈望復升榮
級更被寵光願受代于蕘春遂閑散于輦下臣官爲牧守不同藩
鎮謝上之後他表無因達天聽而知在何時備繁辭而併陳今日

馳魂統筆流血拜章形神雖處於遐陬夢寐尚馳於班列臣無任
感恩惶恐涕泣望闕屏營之至謹差軍事押衙某奉表陳謝以聞
傲又與浙東鄭裔綽大夫雪門生薛扶狀某昨者出官之由伏
計盡得于邸吏久不奉榮問惶懼實深某自守孤直蒙大夫眷獎
最深輒欲披陳其事略言首尾冀當克副虛襟鑿雪幽抱伏以近
年貢務皆自閣下權知某叨列清榮不掌綸誥去冬遽因銓衡叨
主文柄珥貂載筆忝幸實多遂將匪石之心冀伸藻鏡之用壅遏
未俗蕩滌訛風刈楚丁庭得人之舉而騰口易唱長舌莫箝吹毛
豈惜其一指頰何啻于十手既速官謗皆由拙直皆以長年主
司親屬盡得就試某救下後榜示南院外內親族具有約勒並請
不下文書歛怨之語口已盈庭復禮部舊吏云常年例得明經一
人某面責其事卽嚴釐革然皆陰蓄狡恨求肆蠹言致雜文之差
互悉羣吏之構成失于考議敢不引過又常年榜帖並他人主張
凡是舊知先當垂翅靈蛇在握棄而不收璞鼠韜懷疑而或取致
使主司脅制於一時遺恨遂流于他日今春此輩亦有數人皆朝
夕相門月旦自任共相犄角直索文書某堅守不聽唯運獨見見
在子弟無三舉門生舊知纔數人推公擢引且既在門館日夕卽
與子弟門生關爲輕小之徒望風傳說曰筆削重事閨門得專某

登科記考

卷二十三

但不欺知白之誠豈畏如簧之巧頃年赴廣州日外生薛廷望薦
一李仲將外生薛扶秀才云負文業窮寄嶺嶠到鎮日相見之後
果有辭藻久與宴處端厚日新成名後人傳是蕃夷外親嶺南巨
富發身財賂委質科名扶卽薛謂近從兄弟班行內外親族絕多
嶺表之時寒苦可憫曾與月給虛說蕃商據此謗言豈羸相近況
孔振是宣父胄緒韓箱卽文公令孫蘇鷄故奉常之後鴈序雙高
而風埃久處柳告是柳行之子鳳毛殊有而具某字陸沈其餘四面
搜羅皆有久居藝行之士繁于簡牘不敢具載某裁斷自公實無
愧懷敦朝廷厚風去士林態此志惶撓豈憚悔尤今則公忠道
銷奸邪計勝眾情猶有惋歎深分卻無憫嗟何直道而遽不相容
豈正德而亦同浮議久猜疑罔莫喻尊崇幸無大故之嫌勿信小
人之論羸陳本末希存舊知臨紙寫誠含毫增歎特垂鑒宥無輕
棄遺幸甚 據言又云房翊河南人太尉之孫咸通四年垂成而
敗先是名第定矣無何寫錄之際仰泥土落擊翻硯瓦汗試紙翊
以中表重地祇薦翊一人主司不獲已須應之翊既臨曙更請印
副試主司不諾遂罷按此亦蕭傲不聽囑諭之一端也附此備考

五年甲申

進士二十五人

章保衡

舊書本傳字蘊用京兆人祖元貞父愨保衡咸通五年登進士第保衡恃恩權

素所不悅者必加排斥王鐸貢舉之師

蕭邁

舊書本傳邁蘭陵人開元宰相高之

五代孫祖湛父寘邁咸通五年登進士第釋褐祕書省校書郎邁與章保衡同年登進士第保衡以幸進無藝同年門生曰薄之邁

形神秀偉志操不羣自貶為播州司馬又云咸通中王鐸掌貢籍及保衡作相倚邁之失貶為播州司馬

邁與保衡俱以進士中選而保衡暴貴與鐸同在中書及僖宗在蜀邁又與鐸並居相位帝嘗召宰臣鐸年高昇階足跌踏句陳中

邁旁曳起帝目之喜曰輔弼之臣和子之幸也謂邁曰適見卿扶王鐸子喜卿善事長矣邁對曰臣扶王鐸不獨司長臣應舉歲鐸

為主司以臣中選門生也上笑曰王鐸選進士朕選宰相于卿無負矣邁謝之而退

盧隱

李峭

唐語林盧隱李

峭皆王

裴偃

通鑑蘄州刺史裴偃王鐸知舉時所擢進士也

諸科九人

登科記考

卷二十三

八

知貢舉

中書舍人王鐸

舊書本紀咸通四年十一月以中書舍人王鐸權知禮部貢舉五年四月以中

書舍人王鐸為禮部侍郎又王播傳王鐸咸通初拜中書舍人五年轉禮部侍郎典貢士兩歲時稱得人

按鐸惟此年知舉云典

貢士兩歲誤

六年乙酉

進士二十五人

劉崇龜

舊書劉崇望傳劉崇龜咸通六年進士擢第新書崇龜字子長

袁皓

永樂大典引宜春志袁皓字退山宜春人咸通六年擢進士第唐詩紀事皓咸通進士龍紀集賢殿圖書使自稱碧池處士初登

第過岳陽悅妓葉珠以詩寄嚴使君曰得意東歸過岳陽桂枝香惹葉珠香也知暮雨生巫峽爭奈朝雲屬楚王萬恨只憑期剋手

寸心雅繫別離腸南亭宴罷笙歌散回首煙波路渺茫嚴君以妓贈之皓及第後作云金榜高懸姓字真分明折得一枝春蓬瀛乍

接神仙侶江海迴思耕釣人九萬搏扶排羽翼十年辛苦涉風塵昇平時節逢公道不覺龍門是險津

常修

南楚新聞

關圖有一妹甚聰惠文學書札固不動人圖常語同僚曰某家有一進士所恨不櫛耳後寓居江陵有燧賈常某者囊蓄千金三峽人也亦家于江陵深結託圖圖亦以長者待之數載常公祖有一子狀貌頗有儒雅之風紀而略曉文墨圖竟以其妹妻之則常修也關氏乃與修讀書習二十餘年才學優博越絕流輩咸通六年登科座主司空李公蔚也初江東羅隱下第東歸有詩別修云六載辛勤九陌中卻尋歧路五湖東名慚桂苑一枝綴深憶松江滿棹紅浮事到頭須適性男兒何必盡成功性應鮑叔深知我他日蒲帆百尺風又廣陵秋夜讀修所賦三篇復吟奇修云入蜀還吳三首詩藏於篋笥重于師劍關夜讀相如聽瓜步秋吟場帝悲物景也知輪健筆時情誰不許高枝明年二月東風裏江島聞人慰所思修名望若此關氏亦有助焉後修卒關氏自爲文祭之時人競相傳寫翁綬唐才子傳翁綬咸通六年

諸科十八人

博學宏詞科

舊書本紀二月以吏部尚書崔慎繇吏部侍郎鄭從謙吏部侍郎王鐸兵部員外郎崔瑾張彥遠等考宏

登科記考

卷二十三

九

詞選

拔萃科

舊書本紀二月金部員外郎張又愚大理少卿董廣試拔萃選人

知貢舉

中書舍人李蔚

舊書本紀咸通五年十月丙辰以中書舍人李蔚權知禮部貢舉又李蔚傳正

拜中書舍人咸通五年權知禮部貢舉六年拜禮部侍郎

七年

丙戌

進士二十五人

是年試被袞以象天賦見撫言岳珂竇真齋法

賦帖

韓袞

狀元韓文考異袞登咸通七年進士第昶之次子撫言韓袞咸通七年趙騭下狀元及第性好嗜酒謝恩

之際趙公與之首宴公屢賞歐陽珣文學袞昶之曰明公何勞再三稱一複姓漢公聘然爲之徹席自是從容不過三爵及杏園開宴時河中蔣相以故相守兵部尚書其年子泳及第相國欣然來突眾皆榮之袞厲聲曰賢郎在座兩頭著子女相公來此得否相

公錯聘而去及詠歸公庭責之曰席內有顛酒同年不報我豈人子耶自是同年莫敢與之歡醉矣 困學紀聞韓文公于昶雖有金根車之譏而昶子綰袞皆擢 蔣泳 撫言咸通中進士及第過第袞爲狀元君子之澤遠矣 堂後便以驟從車服侈靡

之極稍不中式則重加罰金蔣泳以故相之子少年擢第時家君任大常卿語泳曰兩門緒孤微不宜從世祿所爲可先納罰錢慎勿以驟從也 按泳字越 歐陽琳 永樂大典引閩中記歐陽琳

字瑞卿袞之子咸通七年及第又中宏詞科弟珙亦登進士 唐語林歐陽琳與弟珙同在场屋苦其貧匱每詣先達刺輒同幅時人稱之 攄熙三山志歐陽

琳再中宏詞授祕書 杜裔休 唐語林杜邠公在岐下歐陽琳以省正字累遷侍御史 子裔休同年謁之是裔休亦此年進士矣 雲溪友議故荊州杜司空琮自忠武軍節度使出澧陽

宏詞李宣古者數陪游謙每戲謔於其座或以鉛粉傅其面或以輕綃爲其衣侮慢既深杜公不能容忍使臥宣古于泥中欲辱之

擯楚也長林公主聞之不待穿履奔出而救之曰尙書不念諸子學文擬陪李秀才硯席豈在飲筵而舉人細過待士如此異時那得平陽之譽乎遂遣人扶起李秀才于東院以香水沐浴更以新

登科記考 卷二十三 十

衣後二子裔休儒休皆以進士登 沈光 唐才子傳沈光吳興人科人謂之曰非其賢母不成其子 咸通七年禮部侍郎趙

騰下進士 撫言沈光始貢于有司嘗夢一海船自夢後咸郎趙垂成際登第年亦如是皆謂失之夢而特第不測無何謝恩之際升階忽爾迴颺吹一海圖拂光之面正當一巨舶即夢中所觀之物 北夢瑣言前進士沈光有洞庭樂賦韋八座岫謂朝賢曰

此賦乃一片宮商也後辟爲閩從事 羅隱送沈光及第後東歸兼赴嘉禮詩曰青青月桂觸人香白苧衫輕稱沈郎好繼馬卿歸

故里況聞山簡在襄陽孟傾別岸應須醉花傍征 汪遵 唐才子車漸欲芳擬把金錢贈嘉禮不堪栖屑困名場 汪遵 傳汪遵

宣州涇縣人幼爲小吏晝夜讀書良苦人皆不覺咸通七年韓袞榜進士初遵與鄉人許棠友善棠應二十餘年舉遵猶在胥徒工爲絕句詩而深自晦密以家貧難得書必借于人徹夜強記棠實不知一旦辭役就貢棠時先在京師偶送客至灞滻間忽遇遵于途行李索然棠訊之曰汪都何事來遵曰此來就貢棠怒曰小吏

不忖而欲與棠同筆硯乎甚侮慢之後遵成名五年棠始及第 崔璐 唐詩紀事璐登咸通七年進士第 永樂大典引蘇州府志作崔珞 崔璐有覽皮先輩盛製因作十韻以奇用仲

欵仰詩陸龜蒙有和皮襲美
酬前進士崔璐盛製見寄詩
孔昺 闕里文獻考咸通七年進士
有孔昺未知所據附此俟考

諸科十七人 幸軒 永樂大典引瑞陽志幸南容之孫名
軒咸通七年中三史科知舉趙騰

拔萃科 舊書本紀十一月以禮部郎中李景
溫吏部員外郎高湘試拔萃選人

知貢舉 禮部侍郎趙騰 舊書本紀咸通六年九月以中書舍人
趙騰權知禮部貢舉又趙隱傳隱弟騰

以進士登第咸通初正拜中書舍人六年權知貢舉七年選士多
得名流拜禮部侍郎 摭言趙騰試被袞以象天賦更放韓袞為

狀元或為中貴語之曰侍郎既試王者被袞以象天賦更放韓袞
狀元得無意乎騰由是求出華州 廣卓異記大中六年崔璵知

舉放趙騰及第至咸通七年騰自翰林學士出拜禮部侍郎知舉
璵為禮部尚書騰放榜後攜門生詣相國里謁璵集於崇化坊龍

輿觀前進士韓袞已下題云集此從座主侍郎起居大座主尚書
按丁居晦承旨學士壁記云趙騰咸通三年二月二十日自右

拾遺遷起居舍人四年八月七日改兵部員外郎五年七月八日
加駕部郎中九月十七日加朝散大夫戶部侍郎其月三十日改

登科記考 卷二十三 十一

禮部侍郎是騰以禮部侍郎知
舉紀傳以為中書舍人誤也

八年丁亥

進士三十人 鄭洪業 狀元 唐詩紀事洪業咸通 牛徽 舊書
牛僧孺傳僧孺子蔚蔚子徽 八年鄭愚下第一人擢第

擢 章承貽 唐詩紀事承貽字貽之咸通八年登第 摭言章承
貽咸通中策試夜潛紀長句于都堂西南隅曰衰衣

博帶滿塵埃獨上都堂納試迴蓬巷幾時聞吉語棘籬何日免重
來三條燭盡鐘初動九轉丸成鼎未開殘月漸低人擾擾不知誰

是謫仙才又白蓮千朵照廊明一片升平雅頌聲纔唱第三
條燭盡南宮風景畫難成 皮日休有寄同年章校書詩 崔

昭符 見 皮日休 讀書志皮日休字襲美一字逸少襄陽人咸通
八年登進士第 唐語林皮日休榜末及第禮

部侍郎鄭愚以其貌不揚戲之曰子之才學甚富如一日何皮對
曰侍郎不可以一日廢二日謂不以人廢言也 皮子文藪序云

曰侍郎不可以一日廢二日謂不以人廢言也 皮子文藪序云

咸通丙戌中日休射策不上第退歸州來別墅丙戌爲七年
玉泉子皮日休南海鄭愚門生春關內嘗宴於曲江醉寢于別榻衣
囊書笥羅列旁側率皆新飾同年崔昭符鐔之子固蔑視之亦醉
更衣見日休謂其素所熟狎者即固問且欲戲之日休童僕劇前
呼之昭符知日休也日勿呼之渠方宗會 宋口皮日休有江南
矣以其橐笥皆皮時人傳之以爲口實 書情二十韻寄
祕閣章校書貽之商洛宋先輩垂文二同年詩又有登第後
寒食杏園有宴因寄錄事宋垂文同年詩垂文一作垂丈

諸科二十八

博學宏詞科 舊書本紀十月以禮部侍郎盧匡吏部侍郎李蔚兵
部員外郎薛崇司勳員外郎崔殷夢考吏部宏詞選

人 孫緯 唐詩紀事緯咸通八年宏詞登科

知貢舉 禮部侍郎鄭愚 見上

九年 戊子

登科記考 卷二十三

進士三十人 是年試天下爲 趙峻 狀元見瀋 羊昭業 永樂大典引蘇州府志侍郎劉允章知舉 連總 永樂大典引閩中記連總字會

羊昭業登第昭業字振文 熙三山志 連總 永樂大典引閩中記連總字會 熙三山志 連總 永樂大典引閩中記連總字會

總終嶧陽尉 孔紆 鄭仁表左拾遺孔府君墓誌銘仁表與拾遺 偕宴于東堂宴之日博陵崔公蕘出紫微直觀風甘棠下表爲支

使校芸閣書拾遺始及第乞假拜慶新進士得意歸去多不伏拘 束假限往往關試不悉集貢曹久未畢公事故地遠迨二千里例

不給告時僕射太常公節制天平軍以是勤不得請拾遺日人之 多言必以我爲宴安訖春不宴年少乘喜氣亦春頭竟不對狎客

持一杯酒人以爲難關試日都堂中揖別同年徑出青門公諱紆 字持卿魯司 鄭仁表 唐語林鄭仁表劉允章門生仁表與李都

寇四十代孫 善初允章知舉即訪都而謂之日儀之某 爲朝廷委任何以見禪少塞責乎都欲薦其所知者允章迎謂之

曰請不言牛孔安得歲歲須人先是牛孔數家憑勢力每歲主司 爲其所制故允章亦云適中都所欲言都曰蘊中錯也欲其闕以

與都雅熟允章納焉即孔紆也復示允章以文一軸發之且大半

曰此可以與否允章佳賞比及卷首乃仁表也允章鄙其輕薄而辭之都曰公是遭權者奈何復聽讒言乎于是皆許之按仁表謂之孫洎之子舊書本傳仁表擢第後從杜審權趙隲爲華州河中掌書記入爲起居郎仁表文章尤稱俊拔然恃才傲物人士薄之自謂門地人物文章具美嘗曰顏口顏萱送羊振文歸觀桂天瑞有五色雲人瑞有鄭仁表父同年

諸科十一人

博學宏詞科 舊書本記正月以兵部員外郎焦

知貢舉 禮部侍郎劉允章 舊書本紀咸通八年十月以中書舍

允章登進士第累官至翰林學士承旨禮部侍郎咸通九年知貢舉 據言劉允章侍郎主文年榜南院曰進士納卷不得過三軸劉子振聞之故納四十軸又曰劉允章試天下爲家賦爲拾遺杜裔休駁奏允章辭窮乃謂與裔休對時允章出江夏裔休尋亦改

登科記考

卷二十三

三

官 南部新書咸通九年劉允章放榜後奏新進士春關前擇日謁謝先師皆服青襟介幘有洙泗之風焉 唐語林劉允章祖伯芻父寬夫皆有重名允章少孤自立以臧否爲己任及掌貢舉尤惡朋黨初進士有十哲之號皆通連中官郭薰羅虬皆其徒也每歲有司無不爲其干撓根蒂牢固堅不可破都尉于琮方以恩澤主鹽鐵爲薰極力允章不應薰竟不就試比考帖虬居其間允章誦其詩有簾外桃花曬熟紅不知熟紅何用虬已具在去留中對曰詩云關關雎鳩在河之洲窈窕淑女君子好逑侍郎得不思之頃之唱落眾莫不失色及出榜惑于浮說予奪不能寒時望允章自鄂渚分司東都其制中書舍人孔晦之詞晦弟紆爲諫官乃允章門生率同年送于坡下紆猶欲前行允章正色曰請違公不去故事門生無答拜者允章于是答拜同行皆愕然 按摭言載十哲有沈雲翔林繕鄭玘劉業唐珣吳商叟秦韜玉郭薰八人語林又有羅虬一人 按丁居晦承旨學士壁記劉允章咸通五年十一月二十七日自倉部員外郎再入翰林六年正月九日加戶部郎中知制誥八年十一月四日遷工部侍郎其年十一月十六日改禮部侍郎出院是允章以禮部侍郎知舉並未爲中書舍人也本紀誤

十年己丑

進士三十人

歸仁紹

狀元

永樂大典引

蘇州府志

咸通十年

登進士第

登傳作

司空圖

王凝於進士中尤奇之

唐才子傳

司空圖字

仁召

表聖河中也父輿大中時為商州刺史圖咸通十年歸仁紹榜

訪親知關吏遽申司空秀才出郭矣或曰司空一捷列第四人登科

同年訝其名姓甚暗成事太速有浮薄者號之為司徒空耶耶知

有此說因召一榜門生開筵宣言于眾曰某叨承文柄今年榜帖

全為司空先輩一人而已由是聲采益振唐詩紀事圖河中史

鄉人少有文采未為鄉里所稱會王凝自尚書郎出為絳州刺史

圖以文謁之大為凝知入知制誥遷中書舍人知貢舉擢圖上第

頃之凝出為宣州觀察使辟圖為從事既渡江御史府奏圖監察

下詔追之圖感凝知己之恩不忍輕離幕府滿百日不赴闕為臺

司所劾遂以本官分司久之召拜禮部員外郎俄知制誥故集中

登科記考

卷二十三

齒

有文曰戀恩稽命黜繫洛師于今十年方忝綸閣

空圖有記恩門王凝故事云愚嘗襄跡門下受知特異

瀋熙三山志玳裘之子字口

林慎思

子家傳云仲蒙子姓林氏

中終書記按玳為琳之弟

歐陽玳

諱慎思字虔中福州長樂人少倜儻有大志力學好修與昆弟

人築室讀書稠巖山中咸通五年首薦擢不第退居槐里咸通

十年王凝侍郎歸仁紹榜中進士第按

瀋熙三山志林慎思終水部郎中萬年令

公虞姓諱鼎字少微會

稽人登咸通十年進士

劉鄴

撫言永靈劉相鄴字漢藩咸通中

及第中外賀絨極眾唯鄆州李尚書種一章最著乃福建章尚書

岫之辭也于是韋佐鄆幕略曰用敕代榜由官入名仰温樹之煙

何人折桂泝甘泉之水獨我登龍禁門而便是龍門聖主而永為

座主又曰三十浮名每年皆有九重知已曠代所無相國深所嫌

鬱蓋指斥太中的也按新舊書本傳咸通初劉瞻高璩居要職

以故人子薦為左拾遺召充翰林學士賜進士第宰相表十年六

月劉瞻同平章

事故附于此

諸科十人

博學宏詞科

舊書本紀十一月以吏部侍郎楊知温吏部侍郎于德孫李元考官司封員外郎盧蕘刑部侍郎楊戴考

試宏詞

林慎思

永樂大典引長樂縣志林慎思咸通十年以宏詞登第按林承作家傳云咸通十一年高實侍

郎下再試中宏詞拔萃魁敷考高實疑高湜之訛高湜于十二年知舉無試宏詞事當從長樂縣志

拔萃科

舊書本紀十一月以虞部郎中宋震前昭應主簿胡德融考科目舉人按科目舉人疑即拔萃科

知貢舉

禮部侍郎王凝

舊書王正雅傳王凝暮年移疾華州踰年以禮部侍郎徵凝性堅正貢闈取士

拔其寒俊而權豪請託不行爲其所怒出爲商州刺史司空圖王凝行狀中外之議謂公不可文柄爲朝廷闕政竟拜禮部侍郎韋澄邁在內廷懸入相之勢其弟保殷干進自謂殊等不疑黨附者又方據權亦多請託攘臂傲視人爲寒心公顯言拒絕及榜出沸騰以爲近朝難事

登科記考

卷二十三

五

十一年

庚寅

正月甲寅朔羣臣上尊號赦天下

通鑑按舊書在十二年正月新書在十一年十一月皆非

唐語林咸通十年停貢舉前一年日者言己丑年無文柄值至仁必當重振明年上加尊號內有至仁兩字韓衮爲補闕上疏請復之夏侯孜謂楊元翼云李九丈行不得事我行之九丈即衛公也

四月戊子敕去年屬以用軍之際權停貢舉一年今旣偃戈卻宜

仍舊來年宜別許三十人及第進士十人明經二十人已後不得

援例

舊書本紀 冊府元龜 唐會要

停舉

太平廣記引年號記咸通十一年以龐勛盜據徐州久屯戎卒連年飛輓物力方虛因詔權停貢舉一年是歲進士盧尙

卿自遠至闕聞詔而迴乃賦東歸詩曰九重丹詔下塵埃深堞文闈罷選才桂樹放教遮月長杏園終待隔年開自從王帳論兵後

不許金門諫獵來今日灞陵橋上過關人應笑臘前回 羅隱讓
書重序云隱次讓書之明年以所試不如人有司用公道落去其
夏調膳于江東不隨歲貢又一年朝廷以彭門就辟刀机猶溼詔
吾輩不宜求試按讓書作于丁亥其明年為咸通九年又一年為
十年己丑詔吾輩不宜求試謂停舉之詔下于十年也隱又作陳
黯集後序云黯字希孺曩者與于聲跡相接於京師各獲譽于進
取咸通庚寅歲膠其道於蒲津
秋試之場亦謂是年停舉也

博學宏詞科 舊書本紀正月以吏部尚書蕭鄴吏部尚書于德孫
吏部侍郎楊知溫考官司勳員外郎李耀禮部員外

郎崔澹等考試
應宏詞選人

十二年 辛卯

進士四十人 李筠 狀元 裴樞 舊書裴遵慶傳遵慶于向子寅
寅子樞字紀聖咸通十二年登進

士第 按與大歷 許棠 唐才子傳許棠字文化宣州涇人也咸
元年登第者同名 通十二年李筠榜進士及第時及知命

登科記考 卷二十三 去

嘗曰自得一第稍覺筋骨輕健愈於少年則知一名乃孤進之還
丹也調涇縣尉 唐語林許棠初試進士與薛能陸肱齊名薛擢
第尉盤屋肱下第游太原棠并以詩送之棠登第薛已自京尹出
鎮徐州陸亦出守南康招棠為倅初高侍郎湜知舉棠納卷覽其
詩云退鷁已經三十載登龍僅見一千人乃曰世復有屈於許棠
者乎承宣劉相以其子希同年留為淮南館驛官 撫言許棠久
困名場咸通末馬戴佐大將軍幕棠往謁之一見如舊相識留連
數月但詩酒而已未嘗問所欲一旦大會賓客命使者以棠家書
授之棠驚聘莫知其來敗緘即知戴潛遣一介郵其家矣 承樂
大典引池州府志張喬字伯遷時李頻以參軍主試喬及許棠張
贛周繇皆華人時號九華四俊試以月中桂為題喬詩擅場人皆
推為首選喬曰許君場屋舊游喬何敢居上遂推棠為首 張喬
送許棠及第歸宣州詩曰雅調一生吟誰為晚遠心傍人賀及第
獨自卻霑襟宴別喧天樂家歸礙日岑青門許攀送故里接雲林
又李頻送許棠及第歸宣州詩曰高科終自致志業信如神待得
逢公道由來合貴身秋歸方覺好舊夢始知真更想青山宅誰為
後主人又貫休聞許棠及第因寄桂雍詩曰時清道合出塵埃清
苦為詩不仗媒今日桂枝平折得幾年春色併將來勢扶九萬風

初極名到三山花正開更有平
人居蟄屋還應爲作一聲雷

劉希 希字至顏鄴之子
見宰相世系表

李拯

舊書文苑傳李拯字昌時隴

公乘億 唐才子傳公乘億字壽山
咸通十二年進士按壽山

西人咸通十二年登進士第

新舊書高鉞傳作壽仙 據言公乘億魏人也以詞賦著名咸通

十二年垂三十舉矣嘗大病鄉人誤傳已死其妻自河北來迎喪

會億送客至坡下遇其妻始夫妻闊別積十餘歲億時在馬上見

一婦羸縷跨驢依稀與妻類因睨之不已妻亦如是乃令人詰之

果億內子與之相持而泣路 唐才子傳聶夷中字坦之

人歎異之後旬日億登第矣 聶夷中 河南人也咸通十二年禮

部侍郎高湜下進士 北夢瑣言咸通十二年禮部侍郎高湜知

舉榜內孤平者公乘億有賦三百首人多書於壁許棠有洞庭詩

尤工時人謂之許洞庭最奇者有聶夷中河南中都人少貧苦精

於古體有公子家詩云種花滿西園花發青樓道花下一禾生去

之爲惡草又詠田家詩云父耕原上田子劦山下荒六月禾未秀

官家已修倉又云勸田當日午汗滴禾下土誰念盤中餐粒粒皆

辛苦又云二月賣新絲五月糶新穀醫得眼前瘡剜卻心頭肉我

願君王心化爲光明燭不照綺羅筵只照逃亡屋所謂言近意遠

登科記考

卷二十三

七

合三百篇之旨也咸得

曾繇 永樂大典引宜春志咸通
十二年曾繇登進士第

韋保

三人見湜之公道也

又 舊書韋保衡傳弟保父進士登第 據言韋保父咸通中以兄

在相位應舉不得特敕賜及第擢入內庭 按韋保衡於咸通

十一年四月同平章事十三

年十一月拜司空應附此年

諸科九人

博學宏詞科

舊書本紀三月以吏部尚書蕭鄴吏部侍郎歸仁晦
李當考官司封郎中鄭紹業兵部員外郎陸勳等試

宏詞
選人

知貢舉

中書舍人高湜

舊書本紀咸通十一年十月以中書舍
人高湜權知禮部貢舉 按高鉞傳子

湜咸通十二年爲禮部侍郎或知舉後正拜也 新書時士多由

權要干請湜不能裁既而抵帽于地曰吾決以至公取之得譴固

五分乃取公乘億許棠聶夷中等 玉泉子高湜雅與路巖相善

湜既知舉問巖所欲言時巖以去年停舉已潛奏恐有遺滯請加

十八矣卽託湜以五人湜喜其數寡形于顏色不累日十八制下湜未之知也嚴執詔笑謂湜曰前者五人侍郎所惠也今之十八某自致也湜竟依其數放焉

十三年 壬辰

進士三十人

鄭昌圖

狀元玉芝堂談薈作鄭昌符 玉堂閒話廣明年中鳳翔副使鄭侍郎昌圖未及第

前嘗自任以廣度宏襟不拘小節出入游處悉恣情焉泊至輿論喧然且欲罷舉其時同里有親表家僕自宋毫莊上至告其主人云昨過洛京於穀水店邊逢見二黃衣使人西來某遂與同行至華嶽廟前二黃衣使與某告別相揖於店後面謂某曰君家郎君應進士舉無僕曰我郎王官已高詣郎君見修學次又問曰莫親戚家兒郎應無曰有使人曰吾二人乃是今年送榜之使也自泰山來到金天處印署其榜子幸相遇僕遂請竊窺其榜使者曰不可汝但記之遂畫其地曰此年狀頭姓偏傍有下名兩字下一字在口中榜尾之人姓偏傍亦有此下名兩字下一字亦在口中記之記之遂去鄭公親表頗異其事遂訪岐副具話之且勉以就試

登科記考

卷二十三

太

昌圖其年狀頭及第榜尾鄭希回也姓名畫點皆同 撫言咸通末執政病舉子車服僭差不許乘馬時場中不減千人雖勢可熱手亦皆騎驢或嘲之曰今年敕下盡騎驢短轡長鞦滿九衢清瘦兒郎尤自可就中愁殺鄭昌圖昌圖魁偉甚故有此句按執政盧氏雜說作楊元翼 又曰鄭光業中表間有同人試者于時舉子率皆以白紙糊案子面昌圖潛紀之曰新糊案子其白如銀入試出試千春萬春光業弟共有一巨皮箱凡同人投獻辭有可嗜者卽投其中號曰苦海昆季或從容用資諧戲卽命二僕昇苦海子前人閱一編靡不極歡而罷光業常用資諧戲卽命二僕昇苦海同人突入試鋪爲吳語謂光業曰必先必光業曰必先必光業爲人輟半鋪之地其人復曰必先必光業欣然與之烹煎居二日光業狀再曰使干託煎一椀茶得否光業欣然與之烹煎居二日光業狀元及第其人首貢一啟頗敘一宵之素略曰既取水更煎茶 周當時之不識貴人凡夫肉眼今日之俄爲後進窮相骨頭 周 唐才子傳周繇江南人咸通十三年鄭昌圖榜進士調福昌縣 繇 承樂大典引池州府志周繇字允元 唐詩紀事繇字爲 憲池州人及咸通進士第以明皇夢鍾馗賦知名調池之建德令 李昭象以詩送曰投文得士而今少佩印還家古所榮後以御史

中丞與段成式韋蟾温庭

韋庠 見廣卓異記

裴贇 舊書裴坦傳族子贇字敬臣及

皓同游襄陽徐商幕府 進士 鄭延昌 新書鄭延昌字光遠

趙崇 廣卓異記咸通十三年禮部侍郎崔殷夢

下三十人及第其後鄭昌圖趙崇

鄒希回 撫言咸通十三年三月新進士集于月燈

裴贇鄭延昌等四人相次拜相 閣為蹙鞠之會擊拂既罷痛飲于佛閣之上四面看棚櫺比悉皆 襄去帷箔而縱觀焉先是飲席未合同年相與循檻肆覽鄒希回 年七十餘榜末及第時同年將欲即席希回堅 請更一巡歷眾皆笑或諠之曰彼亦何敢望回

諸科十一人

博學宏詞科 冊府元龜三月以禮部尚書蕭鄴吏部侍郎獨孤雲 考官職方郎中趙蒙駕部員外郎李超考試宏詞選

人試日蕭慟替差右丞孔温裕權判 按文苑英華 載公乘億春風扇微和詩注云咸通宏詞疑在是年

知貢舉 中書舍人崔瑾 舊書崔鄴傳子瑾歷尚書郎知制誥咸 通十三年知貢舉選拔頗為得人尋拜

登科記考

卷二十三

九

禮部侍郎 廣卓異記引登科記元和二年崔邠連放二榜大和 二年邠之弟邠連放二榜大和九年邠之弟邠放一榜大中七年 邠之子瑤又放一榜崔氏六榜皆刻石于長樂街泰寧寺時人謂 之曰榜院瑤後為陝州長史其詞曰唯爾諸父自元和代敝一於 爾躬五十年間四主文柄上下六載輝燿一時充于庭臣皆汝門 生天下以為盛咸通十三年邠之子瑾又放一榜乃命門生韋庠 刻石將 飾七榜

十四年 癸巳

七月十八日懿宗崩 舊書本紀

僖宗即位 通鑑

進士三十人 唐語林大中咸通之後每歲試禮部者千餘人其間 有名聲如何植李玫皇甫松李鶯犀梁望毛滂具麻

來鵠賈隨以文章稱温庭筠鄭澣何涓周鈴宋軫沈駕周繫以詞 翰顯賈島平會李洵淘劉得仁喻坦之張喬劇燕許琳陳覺以律

詩傳張維皇甫川郭鄆劉廷

孔纁 廣卓異記引登科記孔纁大

輝以古風著雖然皆不中科

唐彥謙

唐才子傳彥謙字茂業并州人咸通二年狀元及第

唐儉裔孫歷慈絳澧三州刺史自號鹿門先生陶穀之祖也穀避晉祖諱改姓陶後遂不易識者非之又曰彥謙學義山為詩

杜讓能

舊書杜審權傳子讓能咸通十四年登進士第釋褐咸陽尉新書讓能字羣懿唐語林杜讓能丞相審權之子

堂相保衡審權之甥保衡少不為讓能所禮保衡為相讓能久不中第及登第審權憤其沈厄以一子出身奏監察御史

李渥

舊書李蔚傳子渥咸通末進士及第釋褐太原從事曹希幹唐詩紀事希幹汾之子咸

鎮許下其子希幹及第用錢二十萬榜至鎮張宴置榜于側時進士胡筠有啟賀略曰桂枝折處著萊子之絳衣楊葉穿時用魯連

之舊箭又曰一千里外觀上國之風光十萬軍前展長安之春色

之徒也咸通十四年韋昭範先輩登第昭範乃度支侍郎楊嚴懿親宴席間布幕器皿之類皆假於計司楊公復遣以使庫供借其

登科記考

卷二十三

辛

年

年三月中宴于曲江亭供帳之盛罕有倫擬時飲輿方酣俄觀一少年跨驢而至驕悖之狀旁若無人於是俯逼筵席長耳引頸及肩復以巨筆振築佐酒譁浪之詞所不忍聆諸君子駭愕之際忽有于眾中批其頰者隨手而墜於是連加毆擊復奪所執筆筆之百餘眾皆致怒友礮亂下殆將斃矣當此之際紫雲閣門軋開有紫衣從人數輩馳之曰莫打莫打傳呼之聲相續又一中貴驅殿甚盛馳馬來救門子乃操筆迎擊中者無不面仆于地救使亦為所箠既而奔馬而返左右從而俱入門亦隨閉而已座內甚欣愧然不測其來仍慮事連宮禁禍不旋踵乃以緡錢束素召行殿者訊之曰爾使人與諸郎君誰素而能相為如此對曰某是宣慈寺門子亦與諸郎君無素第不平其下人無禮耳眾皆嘉歎悉以錢帛遺之復相謂曰此人必須亡去不則當為擒矣後旬朔座中賓客多有假途宣慈寺門者門子皆能識之靡不加敬竟不聞有追問之者

諸科十人

知貢舉

按唐語林咸通十三年盧莊為閩長都尉韋保衡欲以知禮部莊七月卒是年知舉未知何人考唐才子傳載高蟾

事有於馬侍郎下下第明年李昭知貢雖其言不無舛誤而李昭知舉自必實有是事北夢瑣言載樂朋龜舉進士亦云李昭侍郎似為可據唐中葉數十年中知舉姓名按年可考惟此年不詳疑其為李昭也馬侍郎疑為高侍郎之誤謂前年高湜知舉

唐僖宗惠聖恭定孝皇帝

咸通十五年

甲午

十一月庚寅大赦改元為乾符

舊書本紀

進士三十人

歸仁澤

永樂大典引蘇州府志侍郎裴瓚知舉歸仁澤狀元

劉崇望

舊書本傳

崇望字希徒符之子崇望咸通十五年登進士科金華子光德劉相崇望舉進士因朔望起居鄭太師從讜聞者已呈刺適遇裴侍郎瓚後至先入從容公乃命劉秀才以入相國以主司在前不敢升進座隅拜于副階上鄭公降而揖焉亟乃趨出鄭公伉立于階所目送之候其掩映門屏方回步謂瓚曰夏侯澤舊書夏侯大好及第舉人瓚唯唯明年列于門生矣

登科記考

卷二十三

三

登進士第北里志故峽州夏侯表中澤相國少子及第中甲科皆流品知間者宴集尤盛而表中性疏猛不拘言語為牙娘批頰傷其面頗甚翌日期集于師門同年多竊視之表中因厲聲曰昨日子女牙娘抓破澤額同年皆駭然裴公俛首而晒注云裴公瓚其年崔致遠東國通鑑崔致遠少梁部人十八登第致遠柱主司際亡父誠之曰十年不第進士則勿謂吾兒吾亦不謂有兒往矣勤哉無繇乃力臣佩服嚴訓不敢弭忘懸刺無違冀諸養志實得入百之已干之觀光六年金名榜尾後調授宣州溧水縣尉致遠又狀奏云前湖南觀察巡官裴瓚是某座主侍郎再從弟某去乾符三年冬到湖南起居座主侍郎願雲永樂大典引池州府志之時見於諸院弟兄中偏所記念願雲願雲字垂象一字士龍貴池人咸通十五年進士第唐詩紀事雲初下第鄭谷有詩勉之云鳳策聯華是國華春來偶未上仙槎鄉連南渡思菰米淚滴東風避杏花吟晷暮歸廟院睡銷遲日寄僧家一般情緒應相信門靜莎深樹影斜唐語林願雲受知于相國合狐公雖離商子而風韻詳整願賦為時所稱切于成名嘗有啟事蔣曙新書陳于所知只望丙科盡處竟列名于尾科之前也蔣曙新書

傳父子係係子曙字耀之咸通
末由進士第署鄂岳團練判官

諸科十一人

知貢舉

禮部侍郎裴瓚

舊書本紀七月以禮部侍郎裴瓚爲潭州刺史

二年

乙未

正月辛卯有事于南郊大赦制曰詞科出身士林所重本貴踐歷
漸至顯榮近者惟扇澆風皆務躁進麻衣纔脫結綬王畿是能十
年宦途今來半歲遷授頗爲譎弊須舉重明自今以後進士及第
並許滿二周年後諸道藩鎮及戶部度支鹽鐵及在京諸司方得
奏請如未及奏官限內有攝職處一任隨牒攝其宏文館集賢院
登科記考

卷二十三

三

奏請直館校理並依此月限如出身後諸道奏已請初銜未得兩
考者輒便奏畿內尉充在職兩考方得依資除官改轉其授使下
官先自有月限資序一一須守舊規不得超越比擬

新書本紀文苑英華

是月敕進士策名向來所重由此從官第一出身誠宜行止端莊
宴游儉約事務率醞動合兢修保他日之令名成在此之慎靜豈
宜縱逸唯切追歡近年以來澆風大扇一春所費萬餘貫錢況在
麻衣從何而出力足者樂于書罰家貧者苦於成名將革弊訛實
在中道宜令禮部切加戒約每年有名宴會一春罰錢及鋪地等
相許每人不得過一百千其勾當分手不得過五十人其開試開

宴並須在四月內稍有違起必舉朝章仍委御史臺當加糾察

詔令集

進士三十人 鄭合敬 狀元見王芝堂談蒼 唐詩紀事合敬乾

年之訛 按宰相世系表合敬當為延休之兄 摭言鄭合敬先

輩及第後宿平康里詩曰春來無處不間行楚潤相看別有情好

是五更殘酒醒時聞喚狀 張文蔚 舊書張弼傳子文蔚乾符

頭聲楚娘字潤娘妓之尤者 舊書張弼傳子文蔚乾符

史張文蔚傳唐乾符初登進士第時丞相裴坦兼判鹽鐵解褐署

巡官按新書宰相裴坦以乾符元年二月同平章事其年五月

卒文蔚登第在二年不得 崔允 舊書崔慎由傳子允字昌選乾

符之誤 舊書張弼傳崔允擅 崔濯 唐語林崔沈知貢舉得崔

朝政與文蔚同年進士尤相善 崔濯 唐語林崔沈知貢舉得崔

知談者稱座主 楊涉 永樂大典引蘇州府志侍郎崔沈知舉楊

門生沈濯一氣 楊涉 永樂大典引蘇州府志侍郎崔沈知舉楊

登科記考 卷二十三 重

二年登 林嵩 唐才子傳林嵩字降臣長樂人也乾符二年禮部

進士第 侍郎崔沉下進士 涪熙三山志林嵩長溪人終

金州 孟繁 摭言孟繁年長于小魏公放榜日榮出行曲謝沉泣

刺史 孟繁 曰先輩吾師也沉泣榮亦泣榮出入場籍三十餘年

鄭隱 摭言鄭隱者其先閩人徙居循陽因而耕焉少為律賦辭

格固尋常咸通末小魏公沈自是日與之游隱年久懶

稀可與言者隱贊謁之沈一見甚慰意自是日與之游隱年久懶

于事因傲循官寮由是犯眾怒故責其連租繫之非所沈聞大怒

以錢代隱輸官復延之上席未幾沈以普恩還京命隱偕行隱稟

性趨起沈之門吏家僕靡不惡之往往呼為乞索兒沈待之如一

行次江陵隱狎遊多不館宿左右爭告沈沈召隱微辨隱以實對

沈又資以財帛左右尤不測也行至商顏詔沈知貢舉時在京骨

月聞沈攜隱皆以書止之沈不能捨遂令就策試然與諸規約止

于此耳暨榜除之夕沈巡廊自呼隱者三四矍然頓氣而言曰鄭

隱崔沈不與了卻更有何人肯與之一舉及第然隱遠人素無關

外名足不跡先達之門既及第而益孤上過關讎策蹇出京榮桓

淮浙間中和末鄭續鎮南海辟為從事諸同舍皆以無素知聞隱

自謂有科第志無復答既赴辟同舍皆不陸續不得已致隱于外

邑居歲餘又不為宰君所禮會積欲貢士以幕內無名人迎隱尸之其宰君謂隱恨且久仇之必矣遂于餞送筵置鴆隱大醉吐血而卒 清熙三山志 陳謙 清熙三山志鄭合敬勝進士陳鄭隱字伯超福清人 陳謙 謙字昌言侯官人終詔州刺史

諸科九人

博學宏詞科 韋昭範 據言引咸通十四年韋昭範登第事太平廣記引作乾符二年韋昭範登宏詞科當

由一事兩載也

知貢舉 中書舍人崔沆 按舊書本紀乾符元年十月以中書舍人崔沆為中書侍郎二年五月又云中書

侍郎係權知貢舉之誤也 唐語林自興元元年癸亥德宗幸梁洋二年中子鮑防侍郎知舉至乾符二年乙未崔沆侍郎知舉計

九十二年而二年停舉九十年中登進士第者一百一十六人諸科在外惟范陽盧氏不出座主

登科記考

卷二十三

書

三年 丙申

進士三十人 試王者之道如龍首賦以龍之視聽有符君德為韻 一一吹竽詩又試漲曲江池詩以春字為韻見黃御

史集 按黃御史集作乾符二年文苑英華於漲曲江池詩下注云乾符丙申歲春是黃御史集之二年為三年之誤也今改正

是年韋硯沈駕羅隱周 孔緘 狀 高蟾 唐才子傳高蟾河朔間繁等第罷舉見摭言 元 人乾符三年孔緘榜及

第初累舉不上題省牆間曰水柱數條指白日天門幾扇鎖明時陽春發處無根蒂憑仗東風次第吹怨而切是年人論不公又下

第上馬侍郎云天上碧桃和露種日邊紅杏倚雲栽芙蓉生在秋江上莫向春風怨未開意指亦直馬憐之又有顏色如花命如花之句自況時運蹇室馬因力薦明年李 鄭谷 唐才子傳鄭谷字

昭知貢遂擢第按馬侍郎李昭皆誤 鄭谷 守愚袁州宜春人光啟三年進士永樂大典引宜春志亦云鄭谷史之子光啟三年

登進士第按文苑英華載鄭谷張曲江池詩注云乾符丙申歲春則鄭谷當于乾符三年及第光啟為乾符之訛今改正 薛廷珪授鄭谷右拾遺制谷二雅馳聲甲科得雋 谷擢第後入蜀題海

棠詩云手中已有新春
桂多謝煙香更入衣
苗延 延乾符三年登進士第見韓文考
異引登科記按世系表輝生廷又
延蓋廷 李嶼 鄭谷有荆渚八月十五
父之訛 夜值雨寄同年李嶼詩 趙口 鄭谷有寄同年禮
春夕伴同年禮部 趙員外省直詩

諸科十一人

博學宏詞科

舊書本紀三月以吏部尚書歸仁晦吏部侍郎孔晦
吏部侍郎崔崑試宏詞選人考功郎中崔庾考功員

外郎周仁
舉爲考官

知貢舉

禮部侍郎崔沆

據才子傳是年當李昭知舉按舊書崔
沆傳乾符初拜舍人尋遷禮部侍郎典

貢舉選名士十數人多至卿相是爲禮部侍郎時仍知舉矣本紀
三年九月禮部侍郎崔沆爲尚書右丞則此年沆知舉也 黃御
史集有代陳蠲謝崔侍郎啟云某詞學疏蕪進取乖拙一切貢士
累黜名場足問之別處縱橫額上之點痕重疊今春伏遇侍郎精
登科記考 卷二十三 姜

求俊彥歷選滯遺某又名礙龍頭跡乖豹變都由薄命翻負至公
以此怔忡莫寧惶惑無已在良時而自失於異日以何歸謂一生
而便可甘心歎二紀而徒勞苦節豈料侍郎堅垂記錄確賜憫傷
令後人而副取前心指陋質而說爲遺恨將使蔡經之骨終繫仙
家士變之魂卻還人世蓋施陰德豈止陽功喜極翻驚感深惟
泣明年春色致身雖出于他門今日恩光碎首須歸于舊地

鄭谷漲曲江池詩曰王澤尚通津恩波此日新深宜一夜雨遠似

五湖春泛濫翹振鷺澄清躍紫鱗翠低孤嶼柳香失半汀蘋鳳輦

尋佳境龍舟命近臣桂華如入手願作從游人

文苑
英華

四年
西丁

進士三十人

撫言乾符四年新進士曲江春醺甲于常年有温定
者久困場籍坦率自恣尤憤時之浮薄因設奇以侮

之至其日蒙衣肩輿金翠之飾篋出于眾侍婢皆稱是徘徊于柳
陰之下俄頃諸公自露棚移樂登鶴首旣而謂是豪貴其中姝麗

必矣因遣促舟而進莫不注視于此或肆調諠不已羣與方酣定乃于簾前垂足定膝脛極偉而長彘取忽覩之皆掩袂亟命迴舟避之或曰此

劉覃

鄴第三子覃及第時鄴以故相鎮淮南敕邸

吏日以銀一錠資覃贖罰而覃所費往往數倍邸吏以聞鄴命取

足而已會時及薦新狀元已下方議釀率覃潛遣人厚以金帛預

購數十石矣於是獨置是宴大會公卿時京國櫻桃初出雖貴遠

未及適口而覃山積鋪席復和以糖酪者人享蠻榼一小盞亦不

畜數升以至參御軍靡不霑足又云乾符四年諸先輩月燈閣

打毬之會時同年悉集無何為兩軍打毬軍將數輩私較于是新

人排比既盛勉強遲留用抑其銳劉覃謂同年曰僕能為羣公小

挫彼驕必令解去如何狀元已下應聲請之覃因跨馬執杖躍而

揖之曰新進士劉覃擬陪奉可乎諸輩皆喜覃馳驟擊拂風驅電

逝彼皆睍眄俄策得毬子向空磔之莫知所在數輩慚沮俛倪而

去時閣下數千人因之大呼笑久而方止北里志劉覃登第年

十六七永寧相國鄴之愛子自廣陵入舉輜重數十車名馬數十

馴時同年鄭 **鄭寶** 北里志鄭寶本吳人或薦裴瓚為東牀因與

寶先輩扇之 **名士** 相接素無操守粗有詞學乾符四年裴

卷二十三

美

登科記考

公致其捷與鄭覃同年因詣事覃以求雜揚幕不愼廉隅猥褻財

利又薄其中饋竟為時輩所棄斥 **新書** 藝文志寶字貢華乾符

進士 **邵安石** 撫言邵安石連州人也高湘侍郎南遷歸闕途次

第 **安石** 擢第詩人章碣賦東都望幸詩刺之曰懶修珠翠上高臺眉

目連娟恨不開縱使東巡也無益君王自領美人來 **曹松** 送邵

安石及第歸連州觀省詩曰及第兼歸覲宜忘涉驛勞青雲重慶

少白日一飛高轉楚聞嘯猶臨湘見疊濤海陽沈飲罷何地佐旌

旄

諸科十八

博學宏詞科

舊書本紀正月以吏部尚書鄭從讜吏部侍郎孔晦吏部侍郎崔堯考宏詞選人

知貢舉

中書舍人高湘

舊書本紀三年九月中書舍人高湘權知禮部侍郎

初為中書舍人三年遷禮部侍郎選士得人

五年戊戌

進士三十人

試以至仁伐至不仁賦見摭言

孫偃

狀元新書偃字龍光父景商偃第進士摭言孫龍光

僱崔殷夢下狀元及第前一年嘗夢積木數百龍光潛履往復既而請李處士圓之處士曰賀郎君來年必是狀元何者已居眾材之上也北里志鄭舉舉者善令章孫偃為狀元頗惑之與同年

侯潛杜彥殊崔昭愿趙光逢盧擇李茂勳數人多在其次舍他人不得預盧嗣業與同年非錢苦心親筆硯得志助花鈿徒步求秋賦未識都知面頰輪復分錢苦心親筆硯得志助花鈿徒步求秋賦

持孟給暮饘力微多謝病非不奉牛嶠唐才子傳牛嶠字延峯同年按涪熙三山志作孫偃隴西人宰相僧孺之後

乾符五年孫偃榜第四人進士唐詩紀事嶠字松卿一字延峯乾符五年進士歷遺補尚書郎王建鎮蜀辟判官及僭位為給事

侯潛

字彰臣見北里志

杜彥殊

字靈臣見北里志按杜審權之子彥林於乾符中登第疑林之

崔昭愿

字勛美見北里志

盧擇

字文舉見北里志

李茂勳

按茂勳為茂藹之弟

登科記考

卷二十三

毛

盧嗣業

按嗣業簡辭之子

康駟

新書藝文志駟字駕言永樂大典引池州府志康駟乾符五年登進士第

陳蜀

永樂大典引閩中記陳蜀字文都閩縣人乾符五年及第初神人謂曰當在山下水邊及第是主司乃崔澹也

趙光逢

舊書趙隱傳子光逢乾符五年登進士第釋褐鳳翔推官舊五代史本傳光逢幼嗜墳典動守規檢議者目之為

玉界尺僖宗朝登進士第踰月辟度支巡官光逢字延吉見北里志蘇軾趙抃碑唐德宗世植為嶺南節度使植生隱隱生光

逢光

諸科八人

博學宏詞科

舊書本紀三月以吏部尚書鄭從讜吏部侍郎崔沆考宏詞選人

知貢舉

中書舍人崔澹舊書本紀四年八月以中書舍人崔澹權知貢舉摭言崔澹試以至仁伐至

不仁賦時黃巢方熾因為無名子嘲曰主司何事厭吾皇解把黃巢比武王容齋續筆引語林云崔殷夢知舉吏部尚書歸仁晦

託弟仁澤殷夢唯唯而已無何仁晦復詣託之至于三四殷夢斂色端笏日某見進表讓此官矣仁晦始悟己姓殷夢諱也按宰相世系表殷夢父名龜從又按歸仁澤已于乾符元年及第澤子恐誤

六年己亥

十八

登進士第

進士三十人

杜宏徽

舊書杜審權傳三子讓能彥林宏徽彥林宏徽乾符中相次登進士第按上年之

杜彥殊當即彥林則宏徽登第在此年

諸科九人

博學宏詞科

舊書本紀三月以吏部侍郎崔沆崔澹試宏詞選人駕部郎中盧蘊刑部郎中鄭頊為考官

康

駢禾樂大典引池州府志康駢中乾符六年博學宏詞科

知貢舉

中書舍人張讀

舊書本紀五年十二月以中書舍人張讀權知禮部貢舉舊書張薦傳張讀

登科記考

卷二十三

庚

累官至中書舍人禮部侍郎典貢舉時稱得士

廣明元年

庚子

正月己卯朔改元

通鑑

十一月丁卯

舊書作己巳

黃巢陷東都

通鑑

十二月甲申上與諸王妃后數百騎自子城由含光門金光門出

幸山南是日晡晚賊入京城

舊書本紀

進士三十人

鄭藹

狀元

劉崇魯

舊書劉崇望傳崇魯廣明元年登進士第新書崇魯字郊文

按崇魯為劉符第四子

何迎

永樂大典引宜春志何迎廣明元年登進士第

李深之

北里志劉郊文崇魯

及第年惑于鄭舉舉同年宴而舉舉有疾不來遂令同年李深之為酒料

錢珣

唐才子傳錢珣吳興人起之孫也乾寧六

年鄭謫榜及第按

楊鉅

永樂大典引蘇州府志廣明元年錢珣乾寧為乾符之訛

按鉅楊收次子見舊書收傳

諸科四人

知貢舉

禮部侍郎崔厚

舊書本紀乾符六年十月以禮部侍郎張讀權知左丞事永樂大典引蘇州府

志廣明元年侍郎崔厚知舉蓋厚代張讀也

二年 辛丑

正月庚戌朔車駕在興元丁卯次成都

舊書新書本紀

七月丁巳改廣明二年為中和元年

舊書本紀

進士十二人

唐語林廣明元年盧渥中丞知舉帖經後黃巢犯闕天子幸蜀韋昭度侍郎於蜀代放十二人

于

登科記考

卷二十三

完

摭言于稅舊名韜王長與相國兄子貴主視之如己子莫不委稅之家政往往與於關節由是眾議喧然廣明初崔厚侍郎榜貴主力取鼎甲榜除之夕為設庭燎仍為宴具以候同年展敬選內人美少者十餘輩執燭跨乘列于長與西門既而將入辨色有朱衣吏馳報曰胡子郎君未及第糊符被諸炬應聲擲之於地巢寇難後于川中及第依棲田令孜矣或曰稅及第非令孜力後依其門 黃郁 摭言黃郁三衢人早游田令孜門擢進士第歷正郎金耳 紫李端曲江人亦受知於令孜擢進士第又為令孜賓佐 李端 見上

續賜第二人

王彥昌

摭言王彥昌太原人家世簪冕推于鼎甲廣明歲駕幸西蜀恩賜及第後為嗣薛王

知柔判官昭宗幸石門時宰臣學士不及隨駕知柔以京尹判漕權中書事屬近輔表章繼至切于批答知柔以彥昌名聞遂命權

知學士居半載出拜京尹又左常

杜昇

摭言杜昇父宣猷終宛侍大理寺卿為寺胥所累南遷

導給事刺劔州昇為軍倅駕幸西蜀例得召見特敕賜緋導尋入丙庭章中令自輸長拜主文昇時已拜小諫抗表乞就試從之登

第數日有敕復前官並服色議者榮之 唐語林杜昇
自拾遺賜緋後應舉及第又拜拾遺時號著緋進士

知貢舉 戶部侍郎韋昭度 舊書本傳從僖宗幸蜀拜戶部侍郎
中和元年權知禮部貢舉 司空圖

故太子太師盧渥神道碑初公報政當陟且懸文柄之命權倖所
沮事未克行及此傳聞中外推敬故宰執得伸其所志冬十月拜

禮部侍郎羣輩之躁聚勢門欲以浮論籠駕主司者迎自咎其牙
角泊入貢署纔引明經則美稱已諱于外議過大駕南巡乃中輟

人至今惜之 北夢瑣言盧氏衣冠第一歷代未嘗知舉乾符中
盧攜在中書款宗人無掌文柄乃擢羣從陝號觀察使盧渥知禮

闈是歲十二月黃巢犯闕僖皇播遷舉子星散迨收復京都裴贄
連知三舉渥有羨色趙崇大夫戲之曰閣下所謂出腹不生養主

也司

中和二年 壬寅

進士二十八人 按唐才子傳引
作二十四人

楊注 永樂大典引蘇州府志侍
郎歸仁紹知舉楊注登第

登科記者

卷二十三

三

舊書楊收傳注中和二年進

裴廷裕 新書藝文志裴廷裕字
膺餘 撫言小歸尚書

士登第按注為楊巖第二子 榜裴起部與邠之李搏先輩舊友搏以詩賀廷裕曰銅梁千里曙
雲開仙籍新從紫府來天上已張新羽翼世間無復舊塵埃嘉禎

果中君平卜賀喜須樹卓氏盃應笑戎蕃刀筆吏至今泥滓曝魚
鯁既而復以二十八字謔之曰曾隨風水化凡鱗安上門前一字

新聞道蜀江風景好不知何似杏園春裴有六韻答曰何勞問我
成都事亦報君知便納降蜀柳籠隄煙臺臺海棠富戶燕雙雙富

春不並窮師子濯錦全勝早曲江高卷絳紗楊氏宅半垂紅袖薛
濤窗浣花泛鶴詩千首靜眾尋梅酒百缸若說絃歌與風景主人

兼是碧 盧尚卿 唐詩紀事尚卿僖宗
程賀 唐詩紀事賀有君

油幢 詩云曾游方外見麻姑說道君山自古無云是崑崙山頂石海風
飄落洞庭湖崔亞典眉州賀為廳僕崔見其風味不常問曰爾讀

書乎曰薄涉藝文崔指一物令詠之雅有意旨因令歸選獎稱于
諸侯間凡二十五舉及第時中和二年也入京則館博陵之第亞
卒賀服 秦翰玉 唐才子傳秦翰玉諂事田令孜巧宦未期年官
縷三年 至丞郎判鹽鐵保大軍節度判官僖宗幸蜀從

駕中和二年禮部侍郎歸仁紹放榜特敕賜進士及第令於二十四人內安插編入春榜唐詩紀事韜玉字仲明京兆人父爲左軍軍將韜出入田令孜之門又與劉韡李崑士姜珀蔡挺之徒交游中貴各將兩軍書尺僥求魏科時謂對軍解頭僖宗幸蜀韜玉以工部侍郎爲令孜神策判官小歸公主文韜玉準救及第仍編入榜中韜玉以書謝新人呼同年曰三條燭下雖阻門闌數仞牆邊幸同恩地唐語林秦韜玉應進士舉出于單素屢爲有司所斥京兆尹楊損奏復等列時在選中明日將出榜其夕忽叩試院門大聲曰大尹有帖試官沈光發之曰聞解榜內有人曾與路巖作文書者仰落下光以韜玉爲問損判曰正是此

諸科二人

知貢舉 禮部侍郎歸仁澤

黃休復益州名書錄僖宗幸蜀回鑾之日令常重允於中和院寫御容及

隨駕文武臣寮真內有尙書禮部侍郎知貢舉歸仁澤則是年爲仁澤知舉諸書言仁紹者誤

三年 癸卯

登科記考

卷二十三

四月甲辰

新書作丙午

李克用收復京城

舊書本紀

進士三十人 崔昭緯

狀元 摭言張曙崔昭緯中和初西川同舉昭緯其年首冠後七年自內庭大拜按

宰相表崔昭緯以大順二年正月同平章事自此年至大順二年爲七年玉芝堂談薈以爲乾符三年誤 舊書本傳昭緯清河人祖庇父瑋昭緯進士及第 新書昭緯字蘊曜 劉崇謨 舊書劉崇望傳劉崇謨 中和三年進士及第

諸科二人

知貢舉 禮部侍郎夏侯潭

舊書夏侯孜傳子潭累官至禮部侍郎中和三年進士多至卿相

四年 甲辰

停舉

摭言唐朝自廣明庚子之亂甲辰天下大荒車駕再幸岐梁道瑾相望郡國率不以貢士爲意江西節帥鍾傳令公起於

義聚奄有疆土充庭述職爲諸侯表式而乃孜孜以薦賢爲急務雖州里白丁片文隻字來貢于有司者莫不盡禮接之至于考試

之辰設會供帳甲于治平行鄉飲之禮常率賓佐臨視拳拳然有喜色復大會以饒之筐篚之外率皆資以桂玉解元三十萬解副二十萬海送皆不減十萬垂三十載此志未嘗稍怠時舉子有以公卿關節不遠千里而求首薦者歲嘗不下數輩

五年乙巳

三月丁卯車駕至京師己巳御宣政殿大赦改元光啟

舊書本紀

五月

冊府元龜作正月

詔曰朕每念艱難之本思拯濟之圖理少亂多古

猶今也蓋搜揚之未至非爵賞之不行况自鄉里沾名物情買怨朝市有爭先之黨山林多獨往之人彼豈自窮驅而莫返其有文苞經緯道冠儒元貞遯自肥浮名不染豈無加等之爵以待非常之流今委使臣遠近徵訪必行備禮以聳羣芳且幾貴研深用惟登科記考

卷二十三

三

體要運當無事固垂拱而可持時屬多虞非拔奇而不振或有才優將略業洞兵鈐辨勝負於風雲計長短於主客妙得神傳之決恥成兒戲之名不俟臨機方期制變或銷聲于屠釣或屈志于風塵勿媿自媒當期致用至乃旁規國病動適事宜深探貨殖之源備得富強之術排於浮議鬱彼良圖又有志擅縱橫久潛緇褐材推超異見辱僭流苟全一藝之工不必萬夫之敵亦有推研厯象校步星辰言必效于機先術豈疑于億中是資奇器孰曰異端亦在勸來仁加殊賞噫功名可慕少壯幾何在君親則忠孝相資念國家則安危同切勿甘流俗猶徇宴安並委使臣榜示訪求長吏

津置發遣同心體國無使淹延懸賞俟能必期升擢朕雖鍾艱否亦謂憂勤高祖太宗之在天固當垂祐社稷生靈之有主夫豈乏賢達我數求咨爾將命勿孤翹矚苟自因循其間儒學優游軍謀宏遠密陳時務願應制科者已從別敕處分跡弛遺才沈淪末位不礙文武並須升聞布告天下咸使知悉

唐大詔令集

十二月乙亥沙陀逼京師丙子田令孜奉僖宗出幸鳳翔

舊書新書本紀

進士三十五人

許祐孫

狀元見玉芝堂談薈

倪曙

承樂大典引閩中記倪曙字孟巖侯官人

中和五年及第
按倪曙於乾符四年試火中寒暑退賦殘月如新月詩入等第見摭言
淳熙三山志倪曙仕劉隱為工部侍郎平章
崔彥撫
東國通鑑後晉出帝開運元年高句麗惠宗義恭王元年冬十二月翰林院令平章事崔彥撫卒彥

登科記考

卷二十三

三

擢新羅人稟性寬厚自少能文年十八入唐登科四十二還國拜執事侍郎瑞書院學士及新羅歸附太祖命為太子師委以文翰之任宮院額號皆所撰定一時貴游皆師事之及卒年七十七諡文英以年推之及第在是年

諸科二人

知貢舉

黃滔上翰林薛舍人啟云某伏以十一日纔除主文旋灑情懇罪責則可言于躁切憫傷則宜恕于單危非不三省

九思沈吟賤管而以途窮日暮恐懼風波亦猶抱沈疴者悉將凌告於神醫懷至痛者無不上呼于穹碧伏以學士舍人軒銅照膽蜀秤懸心仰惟燭臨當極幽奧且夫禮司取士寒進昇名若無詰匠以蹀成未有良時而自致不然者則安得權懸至鑿代有遺人伏惟學士舍人標表士林梯航陸海凡言進取須自門牆今以文柄有歸至公宏播則精力固同于造化嘉言乃作于蒼龜而某折角有年交鋒無託羽毛零落鬢摧殘若不自學士舍人推恩極山岳之隆攘臂到溝隍之底則還慚抱甕難出戴盆兼近者面獲起居親承念錄哀某昔年五隨計吏別雙足以全空今復三歷貢闈救陸沈而未暇許垂援手極上重霄謹以誓向鬼神刻于肌骨

中興教化一身免沒於風塵下國兒孫百世敢忘於斯隸下情無任攀投懇悃之至按黃滔以咸通十三年鄉薦言五隨計吏三年疑爲薛舍人知舉其名俟考

光啟二年

丙午

正月車駕在鳳翔

舊書本紀

田令孜迫乘輿請幸興元三月丙申車駕至興元

舊書本紀

進士九人 陸展 狀元 舊書本傳展字祥文本名允迪吳郡人徙家于陝曾祖豐祖師德父鄴展光啟二年登進士第其年從僖宗幸興元北夢瑣言陸展舉進士屬僖宗再幸梁洋隨駕至行在與中書舍人鄭損同至逆旅展爲宰相韋昭度所知欲身事之速了屢告昭度昭度曰柰已深夏復使何人爲主司展以鄭損對昭度從之因令展致意榜帖皆展自定其年六月狀頭及第後在翰林署時苦熱同列戲之曰今日好造榜天矣然展名冠一時兄弟三人時謂三陸希聲及威也唐詩紀事展

登科記考

卷二十三

三

詩有今秋已約天台月之句或云展昭宗未舉進士及第六月榜出盛暑同舍戲之曰造榜天也觀展此詩豈幸倉猝苟科第者

顧在鎔

永樂大典引蘇州府志光啟二年陸展狀元顧在鎔登第

陳嶠

黃御史集司直陳公墓誌銘公諱嶠

字延封韶甌好學弱冠能文與高陽許龜圖江夏黃彥修居蒲之北巖精舍五年而二子西去復居北平山兩地穴管窰之榻十年

索隨氏之珠然後應詔諸侯求試宗伯而以咸通乾符之際龍門有萬仞之險鶯谷無孤飛之羽才名則温岐韓株羅隱皆退黜不

已故公自丁丑之丙申高價馳而逸步躡既而大盜移國德公文行之深者安州鄭郎中誠孫拾遺泰歎而勉之久乃持輩下之屈

名適蜀中之貢府致鄉士倒屣場席開路清風旣爾竊爲權官沾諸將求識而薦之公時已出經試比言之者口策紙而已是舉光

啟二年收開三年榮登故相榮陽鄭公禮部上第又有喜陳先輩

嶠及第詩云不是駕前偏落羽錦城爭得杏園花又祭陳嶠文注

云林端公貞元七年首闈越之科第以珠還合浦賦擅名後十年

蒲邑許員外榮登自此文學之士繼踵而悉不偶時曠八十七年

始鍾于延封其文以申秦續篇擅名後六七年徐正字及第兼某塵忝林端公同延封榜皆第十二人 撫言陳嶠謁安陸鄭郎中

誠三年方一見誠從容謂嶠曰誠閱廷言否嶠曰偶未知聞誠曰不妨與之往還其人文似西漢

諸科二人 劉日新 陳致雍唐故金華大師正和先生劉日新碑銘日新字繼平閩侯官人七歲舉童子釋褐

授京兆府文學以保大十一年年七十六推之是年七歲

知貢舉 中書舍人鄭延昌 永樂大典載蘇州府志是年中書舍人鄭損權知貢舉按宰相世系表鄭

損為隋尉未為中書舍人考陳嶠墓志及唐詩紀事溫憲條下載鄭延昌知舉蓋蘇州府志鄭損為鄭延昌之訛也新書鄭延昌傳言為翰林學士進兵部侍郎不言以中書舍人知舉蓋

傳失之 唐語林鄭延昌相公為京兆尹兼知貢舉

三年丁未

三月壬辰車駕至鳳翔 通鑑

進士二十五人 趙光裔 舊書趙隱傳子光裔光啟三年擢第舊五代史趙光逢傳光逢與弟光裔皆以

登科記考

卷二十三

三

文學德 黃匪躬 十國春秋黃匪躬連州人登唐光啟三年進士 趙昌翰 趙光庭 廣卓

異記引趙氏科名錄云趙氏十三榜十四人登科內光啟三年故柳大夫榜再從弟兩人同年及第即昌翰光庭也

諸科一人

知貢舉 尚書右丞柳玘 見唐才子傳

四年戊申

二月壬午車駕自鳳翔至京師 舊書本紀

戊子大赦改元文德 舊書本紀

三月癸卯上崩於靈符殿昭宗卽位 通鑑

進士二十八人 鄭貽矩 狀元 崔塗 唐才子傳崔塗字禮山光啟四年鄭貽矩榜進士及第

崔塗入蜀赴舉秋夜與先生話別詩曰欲噓哦喟別中宵寢不能聽殘池上雨吟盡枕邊燈失計方期隱脩心未到僧雲門一萬里應笑又擔簦按禮山荆公百家詩選作禮仙

諸科一人

知貢舉

尚書右丞柳玘

按唐會要僖宗諡議右丞權知禮部侍郎柳玘撰僖宗葬于文德元年十二月

其特柳玘猶權知禮部侍郎是此年知舉

登科記考

卷二十三

美

南菁書院叢書

登科記考卷二十四

大興徐松

唐昭宗聖穆景文孝皇帝

龍紀元年

己酉

正月癸巳朔大赦改元

舊書本紀

進士二十五人

李瀚

狀元

温憲

唐才子傳温憲庭筠之子也龍紀元年李瀚榜進士及第唐

詩紀事温憲員外庭筠子也信昭之間就試于有司值鄭相延昌掌邦貢也以其父文多刺時復傲毀朝士抑而不錄既不第遂昌一絕於崇慶寺壁後榮陽公登大用因國主行香見之憫然動容暮歸宅已除趙崇知舉即召之謂曰某頃思文衡以温憲庭筠之子深怒嫉之今日見一絕令人惻然幸勿遺也于是成名詩曰十口溝隍待一身半年千里絕音塵鬢毛如雪心如死猶作長安下第人 按憲於咸通四年作程修己墓誌銘已題曰鄉貢進士是亦从困文場之證 摭言温憲光啓中及第尋爲山南從事辭人

登科記考

卷二十四

一

李巨川草薦表盛述憲先人之屈略曰蛾眉先妬

吳融 新書本

明妃爲去國之人猿臂自傷李廣乃不侯之將

祖翥融龍紀初及進士第章昭度討蜀表掌書記 唐才子傳融

字子華山陰人龍紀元年李瀚榜及進士第 唐詩紀事韓偓與

吳子華侍郎同年玉堂伴直懷昔敘懇因成長句兼呈同年云往

年鶯谷接清塵今日齷山作侍臣二紀許諧勞筆硯一朝宣入掌

綵綸聲名烜赫文章士金紫雍容富貴身絳帳恩深無路報語餘

相聚卻酸辛又注云子與子華俱久困名場 北夢瑣言吳融侍

郎乃趙崇 韓偓 唐才子傳韓偓字致堯京兆人龍紀元年禮部

大夫門生 侍郎趙崇下擢第 唐詩紀事偓父瞻李義山

同年偓小字冬郎義山云嘗卽席爲詩相送一座盡驚句有老成

之風因有詩云十歲裁詩走馬成冷灰殘燭動離情桐花萬里丹

山路雛鳳清于老鳳聲偓字致堯今日致光謀矣自號玉山樵人

又云偓天復初入翰林其年冬駕幸鳳翔偓有扈從之功返正月初

上面許偓爲相奏云陛下運契中興當復用重德鎮風俗臣座主

右僕射趙崇可充是選乞迴臣之命授崇天下幸甚上嘉歎翌日

制用崇暨兵部侍郎王贊爲相時梁太祖在京素聞崇之輕佻贊

復有鸞馳入請見于上前且言二公長短上曰趙崇是偓薦時偓

在側梁王叱之僱奏曰臣不敢與大臣爭上曰韓僱出尋謫官入
閩韓僱及第過堂日作詩曰早隨真侶集蓬瀛閩門開尙見
星龍尾樓臺迎曉日鼇頭宮殿入青冥暗驚凡骨升仙籍
忽訝麻衣謁相庭百辟斂容開路看片時輝赫勝圖形
唐才子傳唐備 崔遠 舊書崔珙傳珙弟璵璵子澹 李口 韓僱
龍紀元年進士 澹子遠龍紀元年進士登第 李口 韓僱
同年虞部李郎中詩又春陰獨酌奇同年虞部李郎中詩又同年
前虞部李郎中自長沙赴行在以紫石硯贈之詩按李郎中未知
其名僱和孫舍人荆南重圍中寄諸
朝士詩有李郎中冉疑卽其人也

諸科七人

知貢舉 禮部侍郎趙崇

北夢瑣言唐趙大夫崇清介門無襍賓
慕王濛劉眞長之風也標質堂堂不爲

文章號曰無字碑每遇轉官舊例各舉一人自代亞台未嘗舉人
云朝中無代已也世亦以此少之又曰梁相張策嘗爲僧返俗應
舉亞台鄙之曰劉蔡輩雖作僧未爲人知翻然貢藝有何不可張
策衣冠子弟無故出家不能參禪訪道抗跡塵外乃於御簾前進

登科記考

卷二十四

二

詩希望恩澤如此行止豈掩人口某十度知舉十度斥之清河公
乃東依梁主而求際會蓋爲天水拒棄竟爲梁相也 據言張策
同文子也自小從學浮圖法號藏機策名內道場爲夫德廣明庚
子之亂趙少師崇主文策爲時事更變求就貢籍崇庭譴之策不
得已復舉博學宏詞崇職受天官復黜之仍顯揚其過策後爲梁
太祖從事天祐中在翰林太祖頗奇之爲謀府策極力謀策崇竟
罹冤酷 吳融有和寄座主尙書詩和座主尙書登布善寺樓詩
漣水席上獻座主侍郎詩和座主尙書春日郊居詩蓋皆謂崇也

大順元年

庚戌

正月戊子朔大赦改元大順

舊書本紀

二月丁巳宰臣兼國子祭酒孔緯以孔子廟經兵火有司釋奠無

所請内外文臣自觀察使下及令佐於本官料錢上緡抽十文助

脩國學從之

舊書本紀

進士二十一人

楊贊禹

狀元 黃御史集有寄楊贊圖學士詩注云學士與元昆俱以龍腦登選元昆

即贊禹 薛廷珪授楊贊禹左拾遺制云贊禹連中殊科首冠羣彥

王鴛

唐才子傳王鴛字大用蒲中人自號守素先生

大順元年楊贊禹榜登第授校書郎 唐詩紀事僖宗幸蜀駕下第還蒲中鄭谷以詩送云孤單取仕休言命早晚逢人苦愛詩後

有次韻王駕校書結綬見寄之什云直應歸諫苑方肯別山村勤苦常同業孤單共感恩駕仕至禮部員外郎與司空圖鄭谷為詩

友 戴思顏

唐才子傳戴思顏大順元年楊贊禹榜進士及第 唐詩紀事作司贖禹

王虬

新書藝文志字

希龍泉州南安人 張瑩

大順初舉進士第

涪熙三山志瑩字昭文連江人楊贊禹榜進士終禮部尙書知延州

林

涪熙三山志袞字謙言 閩縣人終祕書校書郎

諸科一人

知貢舉

御史中丞裴贄

按裴贄凡三榜二榜見後是年當為第一榜撫言裴公第一榜拾遺盧參預之

登科記考

卷二十四

三

謂通榜也

二年 亥 辛

進士二十七人

崔昭矩

據言崔昭矩大順中裴贄下狀元及第翌日兄昭緯登庸按宰相表崔昭緯以

大順二年正月庚申同平章事是昭矩為此年狀元 北夢瑣言唐進士崔昭矩為狀元有進士團所由動靜舉罰一日所由疏失

狀元笞之遂巡所由謝杖于階前對諸進士曰崔十五郎 陳鼎不合于同年前面贖決所由請罰若干博陵無言以對

涪熙三山志鼎福清人崔昭矩榜進士按十國春秋黃晟辟前進士陳鼎羊紹素為賓客當即其人

黃璞

新書藝文志璞

字紹山大順中進士第 按徐寅贈黃校書先輩璞閒居詩曰取得驪龍第四珠退依僧舍卜貧居是璞以第四人及第 涪熙三

山志黃璞字德温侯官人後遷莆田官至崇文館校書郎自號霖居子有集二十卷 按璞於是年及第故景福二年撰陳巖墓誌

結銜稱前鄉 貢進士也

杜荀鶴

唐才子傳杜荀鶴字彥之嘗謁梁王朱全忠與之坐忽無雲而雨王以為天泣不祥

命作詩乃賦曰同是乾坤事不同兩絲飛灑日輪中若教陰口都
相似爭表梁王造化功王悅之荀鶴寒進連敗文場甚苦至是送
春官大順二年裴贄侍郎放第八人登科正月十日放榜正荀鶴
生朝也王希羽獻詩曰金榜曉懸生世日玉書潛記上昇時九華
山色高千尺未必高于第八枝荀鶴居九華號九華山人北夢
瑣言唐右補闕張曙吏部侍郎裴之子禕之姪文章秀麗精神敏
俊甚有時稱所生母常戴玉天尊黃巢亂離莫知存沒或有於枯
骸中頭上見有玉天尊以曙未訪遺骸不合進取以此阻之後于
裴贄侍郎下擢進士第官至右補闕曾戲同年杜荀鶴曰杜十四
仁賢大榮幸得與張五十郎同年荀鶴答曰張五十郎大榮幸得
與荀鶴同年天下只聞杜荀鶴名字豈知張五十郎耶彼此大哈
按杜十四據言作杜十五唐新纂荀鶴舉進士及第東歸過夷
門獻梁太祖詩云四海九州空第一不同諸鎮府封王唐詩
紀事荀鶴或曰牧之微子也牧之會昌末自齊安移守秋浦時年
四十四所謂使君四十四兩佩左銅者也時妾有姪出嫁長林鄉
正杜筠而生荀鶴擢第年四十六矣李昭象喜杜荀鶴及第詩云
深巖貧復病榜到見君名貧病渾如失山川頓覺清一春新酒興
四海舊詩聲日使能吟者西來步步輕又殷文圭寄賀杜荀鶴及

登科記考

卷二十四

四

第一戰平疇五字勞書歸鄉去錦爲袍大鵬出海翎猶溼駿馬
辭天氣正豪九子舊山增秀絕二南新格變風騷由來稽古符公
道平地丹梯甲乙高顧雲唐風集序大順初皇帝命小宗伯河
東裴公掌邦貢次二年遜者來隱者出異人俊士始大集都下於
羣進士中得九華山杜荀鶴拔居上第十國春秋杜荀鶴庭前
椿樹生二芝次年及第屬名之爲科名草按杜荀鶴及第試卷
至宋時猶存王禹玉作龐頤公神道碑其家送潤筆金帛外
參以古書名畫三十種內一種卽荀鶴試卷事見石林燕語王
唐才子傳王渙大順二年禮部侍郎裴贄下進士及第唐詩
渙紀事渙字羣吉撫言大順中王渙自左史拜考功員外同年
李德鄰自右史拜小戎趙光允自補衣拜小儀王拯自小版拜少
勳渙首唱長句感恩上裴公曰青衿七十榜三年逮禮含香次第
遷珠彩乍連星錯落桂花曾對月嬋娟玉經磨琢多成器劍拔沈
埋便倚天應念銜恩最深者春來爲壽拜尊前裴公答曰謬持文
柄得時賢粉署清華次第遷昔歲策名皆健筆今朝稱職並同年
各懷器業甯推讓俱上青雲豈後先何事老來猶賦詠欲將酬和
永流

李德鄰

王拯

趙光允

舊書趙隱傳子光允大順二年進士登第舊五代

史光允光逢之弟也俱以

詞藝知名亦登進士第

張曙 撫言張曙崔昭緯中和初西川同舉相與詣日者問命曙自恃

才名籍甚人皆目為將來狀元崔亦分居其下無何日者殊不顧

曙第目崔曰將來萬全高第曙有溫色日者曰郎君亦及第然須

待崔家郎君拜相君當于此時過堂既而曙果以慘恤不終場昭

緯其年首冠曙以篇什刺之曰千里江山陪驥尾五更風水失龍

鱗昨夜浣花溪上雨綠楊芳草屬何人崔甚不平會夜飲崔以巨

觥飲張張推辭再三崔曰但喫卻待我作宰相與郎君取狀頭張

拂衣而去因之大不叶後七年崔自內廷大拜張後於三榜裴贄

下及第果于崔下過堂 唐詩紀事張曙杜荀鶴同年生也荀鶴

酬曙詩云天上書名天下傳引來齊到玉皇前大仙錄後頭無雪

至藥成來電絕煙笑躡紫雲金作闕夢拋塵世鐵為船九華山叟

驚凡骨同到 吳仁璧 永樂大典引蘇州府志侍郎裴贄知貢舉

蓬萊豈偶然 吳仁璧 仁璧登第又曰吳仁璧字廷寶長洲人新

書藝文志 蔣肱 撫言大順二年孔魯公在相位特置吳仁璧於

作字廷寶 蔣肱 撫言大順二年孔魯公在相位特置吳仁璧於

咸通乾符以來率以廣文生為末第魯公特矯其弊如此示 羅

樂大典引宜春志蔣肱登大順三年進士第三蓋二之訛

登科記考

卷二十四

五

衮 永樂大典引臨卽續志羅衮臨卽人應進士舉文學優瞻操尚

甚高唐大順中策名不歸故鄉時屬喪亂朝廷多故契闊兵難

備歷饑寒蜀先主致書于翰林令孤學士吳侍郎選書記一員欲

以桂陽應聘外郎謂知己曰誓擁馬通衢服檠布衣以俟外朝無

復西歸為魯國東家某也竟通 吳蛻 十國春秋吳程傳程山陰

朝籍終於梁禮部員外郎也 吳蛻 人父蛻大順中登進士解

褐鎮東軍節 王翊 新書藝文志翊字 雄飛大順進士第

諸科六人

知貢舉 御史中丞裴贄 黃滔上裴侍郎啟云某伏念薦孟明則

是瀝懇為宜上廣清隆敢希容聽伏惟侍郎中丞頃持文柄大闡

至公垂為聖代之準繩懸作貢闈之日月某為後無私之兩榜遂

乖必字於十年伏蒙侍郎中丞曲賜矜恤且驚負累空費生成既而

質傾極重言而以弱植難培么弦易斷且驚負累空費生成既而

不罪龍鍾愈隆恩遇昨者面容踴履親俾窺天仍如琢玉之品題

更啓如金之然諾便于此日上壽重霄今則已除主文只祈陰德

延頸于溝隍之底。瞻恩於邱岳之隆。雖龜龍不瑞于匹夫。而犬馬合由于本主。沾中墮。曉灑。膽披肝不在他門。誓于死節。下情無任。攀託依投。懇悃之至。按啟言無私之兩榜。是裴公第二榜。舊書本紀。乾甯四年。有前御史中丞裴贄。此啟亦言侍郎中丞。是以御史中丞知舉矣。杜荀鶴有辭座主侍郎詩。唐詩紀事裴贄第二榜。策夜李洞。簾前獻詩曰。公道此詩知。不得昭陵慟。哭一時。休尋卒。蜀中裴公無子。人謂屈洞所致。

景福元年

王

正月丙寅大赦改元景福

舊書本紀

進士三十人

十國春秋徐寅試止戈為武賦徐正字集有省試東風解凍詩當即此年試題

歸黯

廣卓異記

引登科記歸仁澤乾符元年狀元及第子黯大順三年狀元及第

黯言歸黯親迎拜席日狀元及第榜下板巡脫白期月無疾而卒

徐寅

唐才子禮徐寅大順三年蔣泳下進士及第按永樂大典引莆陽志作乾符元年誤

登科記者

卷二十四

六

莆田人登唐乾甯進士第試止戈為武賦一燭裁盡已有破山加點擬成無人之句禮部侍郎李擇覽而奇之按此年蔣泳知舉李擇未詳所出徐寅放榜日詩曰喧喧車馬欲朝天人探東堂榜已懸萬里便隨金鷲鴛三台仍借玉連錢花浮酒影形霞爛日照衫光瑞色鮮十二街前樓閣上卷簾誰不看神仙又曲江宴日呈諸同年詩曰鷓鴣驚與鳳凰同忽向中興遇至公金榜連名昇碧落紫花封敕出瓊宮天知惜日遲遲暮春為催花旋旋紅好是慈恩題了望白雲飛盡塔連空五代史補徐寅登第歸閩中途經大梁因獻太祖賦時梁祖與太原武皇為讎敵武皇眇一目又出自沙陀部落寅欲曲媚梁祖故詞及之云一眼胡奴望英威而膽落未幾有人得其本示太原者武皇見而大怒及莊宗之滅梁也四方諸侯以為唐室復興奉琛為慶者相繼王審知在閩中亦遣使至遠召其使問曰徐寅在否使不敢隱以無恙對莊宗因慘然曰汝歸語王審知父母之讎不可同天徐寅指斥先帝今聞在彼中何以容之使回具以告審知曰如此則主上欲殺徐寅爾今殺則未敢奉詔但不可用矣即日戒閣者不得引接徐寅坐是終身止于秘

盧仁炯

徐寅有寄盧端

徐寅有贈垂光同年詩

書正字

公同年仁炯詩

曰丹桂攀來十七春如

今始見茜袍新須知紅杏園中客終作金鑿殿裏臣逸少家風
惟筆札元成事業是陶鈞他時黃閣調元處莫忘同年射策人

諸科六人

知貢舉 蔣泳

見唐才子傳 未知何官

徐寅東風解凍詩曰暖氣飄殞末凍痕銷水中扇水初覺泮吹海

旋成空入律三春照朝宗萬里通岸分天影闔色照日光融波起

輕搖綠鱗遊乍躍紅殷勤排弱羽飛翥趁如風

徐正字集

二年 癸丑

進士二十八人

崔膠元

易標

永樂大典引宜春志景福二年易標登進士第

張鼎

唐才子傳張鼎字台業景福二年崔膠榜進士

歸諱

永樂大典引蘇州府志景福二年侍郎楊涉知舉歸諱登第 舊五

登科記考

卷二十四

七

代史歸諱字文彥吳郡人也登進士第

盧元暉

撫言盧大郎補關元暉升平鄭

公之甥也暉少孤長于外氏愚常誨之舉進士咸通十一年初舉

廣明庚子歲遇大寇犯關窺身南衣服時外兄鄭續鎮南海暉向與

續同庠序續任州縣官暉自號白衣卿相然二表俱為愚鍾愛爾

來未十稔續為節行將暉乃窮儒復脫身虎口擊一囊而至續待

之甚厚時大駕幸蜀天下沸騰續勉之出處且曰人生幾何苟富

貴可圖何須一第耳暉不答復請賓佐誘激者數四復虛右席以

待暉暉因曰大朝設文學之科以待英俊如暉者能否焉敢期于

饜養然聞昔舅氏所勸常以一第見勉今舊館寂寥奈何違夙昔
之約苟白衣沒世亦其命也若見利改圖有死不可續聞之加敬
自是龍鍾場屋復十許歲大順中方為宏農公所擢卒於右袞
按言大 張道古 唐詩紀事昭宗時拾遺張道古貢五危二亂表
順中誤 黜于蜀後問駕走西岐又遷東洛皆契五危之
事悉歸二亂之源因吟一章上蜀王詩曰封章才達冕旒前黜詔
俄離玉座端二亂豈由明主用五危終被佞臣彈西巡鳳府非為
固東播鑾輿卒未安諫疏至今如可在誰能更與讀來看道古臨
淄人景福中進士釋褐為著作郎遷右拾遺 新書藝文志道古

字子美景

福進士第

杜晏 杜甫子宗文生東山翁東山翁生禮禮生許

杜莘老

曹愚

淳熙三山志愚字古直

明經科

賈潭

徐鉉賈宣公墓誌銘公諱潭字孟澤洛陽人六代

考翊潭景祐二年以

諸科十二人

知貢舉

禮部侍郎楊涉

見上 黃滔有上楊侍郎啟云伏以義

曠古誰稱厥理非遙斯言可喻伏以侍耶榮司文柄宏闡至公

選滯遺精求文行泉下則大臣有感揭起銷沈場中則寒族無差

酌平先後所以如某者曾干衡鏡經定否臧若不蒙指向後人說

為遺恨則宰輔之為薦舉帝王之作知音而主且不言人誰肯信

繇是須出侍郎金口須自侍郎瑤函今則論啟無私恩加瑣質錫

生成于此日迴分付于將來早從握內以擠排便是眼前之科第

登科記考

卷二十四

八

乾甯元年

甲寅

正月乙丑大赦改元乾甯

舊書本紀

進士二十八人

蘇檢

狀元 按太平廣記引聞奇錄

韋莊

唐

子傳韋莊字端已京兆杜陵人也乾甯元年蘇檢榜進士釋褐校

書郎 唐詩紀事韋莊見素之後 北夢瑣言蜀相韋莊應舉時

遇黃寇犯闕著秦婦吟一篇內一聯云內庫燒為錦繡灰天街踏

盡公卿骨爾後公卿亦多垂訝莊乃諱之時人號秦婦吟秀才他

日撰家戒內不許垂秦婦吟障子以此止謗亦無及也 韋莊放

榜日作云一聲天鼓闢金扉三十仙才上翠微 萬水霧中龍乍變

縱山煙外鶴初飛 鄒陽暖豔催花發 太皞春光 陳乘 永樂大典

簇馬歸回首便辭塵土世彩雲新換六銖衣 引蒲陽志

乾甯元年徐寅陳乘登進士第按乘爲陳崇之族唐廩永樂
子見徐錯陳氏書堂記十國春秋陳乘仙游人大興
引宜春志乾甯元年孔昌庶昌庶迥之子見宋史孔承恭傳闕里
年唐廩登進士第昌庶爲乾甯元年進士未知
所據附
此俟考

明經科 張佶九國志張佶京兆長安人乾甯初以明經中第

諸科三人

知貢舉 禮部侍郎李擇十國春秋以徐寅爲是年進士知舉者李擇今從才子傳移徐寅於大順三年

而存擇名於此以俟考

二年乙卯

二月乙未敕高宗夢傳說周文遇子牙列位則三公弼諧則四輔

登科記考

卷二十四

九

朕纂承鴻緒克紹寶圖思致理平未臻至化今大朝方興文物須擇賢良冀於僉選之閒以觀廊廟之器今年新及第進士張貽憲

等二十五人竝指揮取今月九日於武德殿祇候委中書門下準

此處分仍付所司按黃滔放榜日詩注云其年當日奏試蓋卽于乙未日放榜也

丙申試新及第進士張貽憲等於武德殿東廊內一人盧賡稱疾

不至宣令昇入又云華陰省親其父偃進狀乞落下分二十五鋪

分不許往來內出四題曲直不相入賦取曲直二字爲韻良弓獻

問賦以太宗問工人木心不正脈理皆邪若何道理取五聲字輪

次各雙用爲韻按容齊四筆引作皆取五聲依輪次以雙周隔句爲韻限三百二十字成詢于芻蕘詩

回紋正以芻字倒以蕘字爲韻品物咸熙七言八韻成令至九日
午後一刻進納

丁酉宣翰林學士承旨戶部侍郎知制誥陸辰秘書監馮渥於雲
韶殿考所試詩賦各賜衣一襲襜被等

己亥敕朕自君臨寰海八載於茲夢寐英賢物色巖野思名實相
符之士藝文具美之人用立于朝庶裨于理且令每歲鄉里貢士
考覈求才必在學貫典墳詞窮造化然後升于賢良之籍登諸俊
造之科如聞近年已來茲道寢壞鶻多披千隼翼羊或服于虎皮
未聞一卷之師已在遷喬之列永言其弊得不以懲昨者崔凝所

登科記考

卷二十四

十

考定進士張貽憲等二十五人觀其所進文書雖合程度必慮或
容請託莫致精研朕是以召至前軒觀其實藝爰于經史自擇篇
題今則比南郭之筍音果分一一慕西漢之辭彩無媿彬彬旣鑒
妍媸須有升黜其趙觀文程晏崔賞崔仁寶等四人才藻優贍義
理昭宣深窮體物之能曲盡緣情之妙所試詩賦辭藝精通皆合
本意其盧贍章說封涓韋希震張蟻黃滔盧鼎王貞白沈崧陳曉
李龜禎等十一人所試詩賦義理精通用振儒風且躡異級其趙
觀文等四人并盧贍等十一人竝與及第其張貽憲孫溥李光序
李樞李途等五人所試詩賦不副題目兼句稍次且令落下許後

再舉其崔礪蘇楷杜承昭鄭稼等四人詩賦最下不及格式蕪類頗甚曾無學業敢竊科名况我至公難從濫進宜令所司落下不令再舉其崔凝爵秩已崇委寄殊重司吾取士之柄且乖慎選之圖辜朕明恩自貽伊咎委中書門下行敕處分奏來其進士張貽憲等二十四人名準此處分賜陸辰馮渥銀器分物其落下舉人竝賜絹三匹

中書門下覆奏伏以文學設科風化是繫得其人則儒雅道長非其才則趨競者多實在研精仍資澄汰昨者宣昭貢士明試殿庭題自盡取于典墳賦詠用觀其工拙果周睿鑒盡叶至公升黜而懲勸竝行取捨而憲章斯在其趙觀文等二十四人望進宣處分崔凝商量別狀奏聞

登科記考

卷二十四

十一

丁未敕國家文學之科以革隋弊歲登俊造委之春官蓋欲華實相符爲第一用近寢訛謬虛聲相高朕所以思得貞正之儒以掌其事而聞刑部尙書知貢舉崔凝百行有常中年無黨學窺典奧文瞻菁英洎遍踐清華多歷年數累更顯重積爲休聲遂輟其慮綱任之文柄宜求精當稍異平常朕昨者以聽政之餘偶思觀閱臨軒比試冀盡其才及覽成文頗多蕪類豈宜假我公器成彼私榮既觀一一之吹盡乏彬彬之美且乖朕志宜示朝章尙遵舍垢

之恩俾就專城之任勉加自省勿謂無恩可貶合州刺史

以上并見黃御

史集引昭宗實錄 摭言昭宗皇帝頗為寒進開路崔凝覆試但是子弟無問文章高下率多退落其間屈人頗多孤寒中唯程晏

黃酒擅場之外其餘以程試考之濫得亦不少矣然如王貞白張

蟻律詩趙觀文古風之作皆臻前輩之闔闔者也 容齋四筆唐

昭宗乾甯二年進士二十五人覆試但放十五人自狀頭張貽憲

以下重落其六人許再入舉場四人所試最下不許再入蘇楷其

一也故挾此恨至于駁昭宗聖文之謚是時國祚如贅疣俾鎮強

藩請墜問鼎之不暇顧倦倦若此貽憲等六人訖唐末不復綴榜

蓋是時不糊名一黜之後主司不敢再收拾也有黃滔者是年及

第閩人也九世孫沃為吉州永豐宰判其遺文初試覆試凡三賦

皆在考曲直不相入賦以題中曲直二字為韻釋云邪正殊聲為

有好惡終篇只押兩韻良弓獻問賦取五聲字次第用各隨聲為

賦格於是第一韻尾句云資國祚之崇崇上平聲也第二韻乘寶

祚之綿綿下平聲也第三韻曾非唯唯上聲也第四韻露其言而

粲粲去聲也而闕入聲一韻賦韻如是前所未有國將亡必多制

亦云可笑矣信州永豐人王貞白時再試中選郡守為改所居坊

卷二十四

登科記考

名曰進賢且滅戶

稅亦後來所無

七月辛酉上趣南山宿莎城鎮甲子上徙幸石門鎮

通鑑

八月辛亥車駕還宮

舊書本紀

進士二十五人

試人文化天下賦以觀彼人文以化天下為韻內出白鹿宣示百官詩見黃御史集是年章琢府元

落見摭言按韋琢疑

重放一十五人

王貞白御試後進詩云三時賜食天廚近再宿偷吟禁漏

即四年及第之韋象

清二十五年齊拔宅人間已寫上昇名注云

趙觀文 唐詩紀事

是年初放二十五人後覆汰止放十五人也

趙觀文 趙觀文乾

甯二年崔凝下第八人登第是年命陸展重試而觀文為榜首

桂林風土記進賢坊因趙觀文狀頭及第前陳太保改坊名 黃

御史集和同年趙先輩觀文詩云玉兔輪中方是樹金龜頂上別

無山雖然迴首見煙火事主酬恩難便開 祿載賀趙觀文重試

及第詩云一枝仙桂雨迴春始覺文章可致身已把色絲要上第

又將彩筆冠羣倫龍泉再淬方知利火浣重燒轉更新今日街頭

看御榜大能榮耀苦心人 孔平仲 程晏 讀書志程晏字晏 然乾甯二年進士

駢瑣新論趙觀文桂州人狀元及第 崔仁寶 黃御史集寄同年崔學士仁寶詩云半因同醉杏

桂愛青山雖知珠樹懸天上終賴銀河接 盧瞻 按宰相世系表 世間畢使海涯能拔宅三秦二十四畿寰 有盧瞻無盧瞻

未知孰是黃御史集有寄同年盧員外詩云聽盡鸚鵡聲出雍州秦 吳輝月十經秋龍門在地從人上郎省連天須鶴游休戀一臺惟

妙絕已經三字入精求當年甲乙皆 韋說 封渭 黃御史集二 華顯應念槐宮今雪頭疑卽其人 月二日宴中

貽同年封先輩渭詩云帝堯城裏日銜盃每倚嵇康到王頊桂苑 五更聽榜後逢山二月看花開垂名入甲成龍去列姓如丁作鶴

來同戴大恩何處報不言交道契陳雷又有寄同年封舍人渭詩 云唐城接軫赴秦川憂合歡離驟十年龍領摘珠同泳海鳳孟輝

翰別昇天入行真跡雖收拾四戶高肩奈 韋希震 張贛 唐才 爾懸能使邱門終始雪莫教華髮獨潸然

張贛字象文清河人也乾甯二年趙觀文榜進士及第釋褐爲校 書郎黃御史集有貽張贛同年詩云夢思非一日攜手卻淩涼詩

登科記考 卷二十四 三

見江南電游經塞北霜馳車先五漏把菊後重陽惆悵天邊桂誰 教歲歲香 唐詩紀事贛登第尉櫟陽避亂入蜀王蜀時爲金堂

令 黃滔 黃御史集引莆陽志黃滔字文江乾甯二年乙卯趙觀 文榜進士光化中除四門博士尋遷監察御史裏行充

威武軍節度推官又集後年考四門以成通王辰登薦年三十三 又越二十三年乃登第 黃御史集有放榜日詩云吾唐取士最

堪誇仙榜標名出曙霞白馬嘶風三十轡朱門秉燭一千家卻說 聯臂昇天路宣政飛章奏日華歲歲人人來不得曲江烟水杏園

花有成名後呈同年詩云業詩攻賦薦鄉書二紀如鴻懸九衢待 得至公搜草澤如從平陸到蓬壺雖漸錦鯉成穿鶴忝獲驪龍不

寐珠蒙楚數疑休下泣師劉大喝已爲虛人閒灰管供紅杏天上 烟花應白榆一字連鑣巡甲族千般唱罰賞皇都名推顏柳題金

塔飲自燕秦索玉姝退媿單寒終預此敢將恩獄怠斯須有御試 詩云已表隋珠各自攜更從瓊殿立丹梯九華燈作三條燭萬乘

君懸四首題靈鳳取期飄雪羽洞簫應或颯金闈明朝莫惜場場 醉青桂疇香有紫泥六曹三省列警裾丹詔宣來試士初不是玉

皇疑羽容要教金榜帶天書詞臣假寐題黃絹宮女敲銅奏子虛 御目四篇酬九百敢從燈下略躊躇有出京別同年詩云一枝仙

桂已攀援歸去烟濤浦口村雖恨
別離還有意槐花黃日出青門
盧鼎 宰相世係表鼎字調臣
起居舍人與起居郎蘇

楷羅袞請改昭宗益曰襄黃御史集有寄少常廬同年詩云官拜
少常休青綈換鹿裘狂歌離樂府醉夢到瀛洲古器嚴耕得神方

客謎留清溪莫沈鈞王
王貞白 唐才子傳王貞白字有道信州
者或改游疑即其人 永豐人也乾甯二年登第時榜

下物議紛紛詔翰林學士陸辰於內殿覆試中選授校書郎唐
詩紀事天祐年中內試貞白札翰狼籍帝覽拂下玉案有黃門奏

此舉人有詩名御批曰粗通放案此即是年覆試之事天祐字誤
僧貫休送貞白重試及第東歸詩云辛苦酬心丁東歸謝所知

可憐經試者如折兩三枝兩毒逢花少
沈崧 吳越備史沈崧字
山多愛馬遲此行三可羨正值倒戈時
吉甫閩人也祖輅

大理評事賜緋父超福州長溪縣令崧初生時有大蛇墜狀年前
首視之久而方去既七日將浴忽大風雨震壞浴盆乾甯二年崔

凝主禮闈二十五人登進士第渝濫尤眾昭宗命覆試凡落十人
是日崧再以章奏捷 按閩書及玉芝堂談薈以崧為乾甯三年

狀元 陳曉 李龜頑 黃御史集有寄同年李侍郎龜頑詩云石
誤 門南面淚浪浪自此東西失帝鄉崑崙璞要

登科記考

卷二十四

古

疑方卓絕大鵬須息始開張已歸天上翹雙闕忽喜
人閒捧入行莫道秋霜不滋物菊花還借後時黃

落下十人 張貽憲 書張禔傳 孫溥 李光序 李樞 舊五代史

李專美傳專美父樞唐昭宗時嘗
應進士舉為覆試所落不許再舉 李途 崔礪 蘇楷 舊書哀

楷尚書猶之子凡劣無藝乾甯二年應進士登第後物論以為濫
昭宗命翰林學士陸辰祕書監馮涯覆試黜落永不許人舉場楷

目不知書于僅能執筆 舊五代史蘇循子楷乾甯二年登進士
第中使有奏御者云今年進士二十餘人僂倖者半物論以為不

可昭宗重試于雲韶殿詔云蘇楷盧廣等四人詩句最早蘇累頗
甚付所司落下不得再付舉場 唐會要天祐二年蘇楷議改昭

宗諡號楷負愧銜怨與起居郎
羅袞起居舍人盧鼎連署議 杜承昭 鄭稼 按此惟九人以

也

諸科三人

拔萃科

黃誥

清熙三山志誥字仁澤乾甯二年登拔萃科璞之子終左宣義郎節度巡察判官始遷長溪白林有

二子長慕
華次慕風

知貢舉

刑部尚書崔凝

摭言乾甯二年崔凝榜放貶合州刺史先是李滾附於中貴既憤退黜百計推

之上亦深器滾文學因之蘊怒密旨令內人於門搜索懷挾至於巾履靡有不至

黃滔人文化天下賦曰明彼今古聞諸聖賢易垂言而著在八卦

人有文而形於普天用以成章既驗斯風之肅穆矚之於物乃知

厥德之昭宣吾君乘此格言恢乎至理以為文在天而苟可鑒文

在人而誠足視在天則時變從之在人則化成有以故體此以御

宇取茲而教人且文也肇自河龜見洛書陳道德故仁義新出無

登科記考

卷二十四

五

為而入有象齊父子而一君臣既而上古遐中古邇苟流播之如

此乃弛張而若彼始則六十四位演自周王旋則三百五篇刪于

孔氏故得有國之君準繩斯文詩書禮樂以表裏干戚俎豆以區

分莫不經天緯地髣髴氤氳布彼寰瀛風行而草偃被於億兆王

潔而蘭薰然後鏗作咸韶散為風雅調暢動植周通夷夏車書得

以合矣貴賤與而同也遂使九州四海皆瞻黼黻于朝端墨客詞

人交露鋒芒於筆下大哉人文之義也煥矣赫矣可名可觀唯聖

朝之所擅豈悖德之能干推其時而時或異論其道而道斯完故

將垂百王而作範豈唯充萬國以咸懼者也夫如是則肩比三王

威銷五霸宏彰馭馬之成政克俾雕龍之擅價彬彬乎哉郁郁乎

哉有以見我唐之至化

黃御史集

以辭來要善平直其心之深

黃滔曲直不相入賦曰曲也者厥理惟何直也者其詞可屬一則見回邪之所自一則非平正而不欲故聖人立此格言爲乎謔踴俾有家而有國不與混同令自高而自卑靡相參觸至如木也或表從繩之直或疊來巢之曲雖則含煙帶雨共呈蒼翠于巖閒而聳本盤根各稟規模于山足勿言同地而錯襟固乃殊途而瞻矚所以方中能規俟良匠之所知勁不爲輪信奇才而可錄莫不分彼邪正鎮于時俗且木之理兮猶不差忒人之道兮切在忠直直

登科記考

卷二十四

六

也不可以曲從曲也不可以直飾行於己而已有異施於人而人是測繇是屈原在楚舖其糴而不爲比干相殷剖其心而可得顧惟忠讜之受性豈與邪諛而同域其不相入也理苟如是俗奚以忒小人曲媚或乘造次以得時君子直誠可仗英明而輔國今我后恢睿哲以御乾澄聖心而立極惡似鉤而在物樂如弦而比德惟曲是斥彰萬乘之準繩惟直是求示百王之楷式微臣之獲詠歌敢不佩之于取則

黃御史集

以辭來要善平直其心之深

黃滔良弓獻問賦曰文皇帝以精求要義下訪良弓以木心之邪正旣別將理道之比方乃同木若有邪奚副準繩之一一理如無

苟必資國祚之崇崇斯蓋體元立制啟聖乘乾與禹湯而接軫將
堯舜以差肩觀於物也必有誠焉言念爲弓尙窮元於脉理豈於
有國不注意於英賢否則何以宏丕圖於赫赫垂寶祚於歸歸者
哉則知黃帝造舟車之旨其難爲比周武倒干戈之文殊不稱美
觀草木而尙此燭幽統寰區而足彰致理遂使度木掄材之子每
自依依獻可替否之臣曾非唯唯今吾皇播聲教以鏘洋濬恩波
而浩汗乾坤與之而合德夷夏有之而一貫斯弓不制洞其理以
明明斯問克興露其言而粲粲儒有生在江嶺來趨輦轂波濤久

慕於化鯢兮

下厥黃
御史集

登科記考

卷二十四

七

黃滔內出白鹿宣示百官詩曰上瑞何曾乏毛羣表色難推于五
靈少宣示百寮觀形奪場駒潔光交月兔寒已馴瑤草別孤立雪
花團戴豸慙端士抽毫躍史官貴臣歌詠日皆作白麟看

黃鉤
史集

黃貞白宮池產瑞蓮詩曰雨露及萬物嘉祥有瑞蓮香飄籬樹近

榮占鳳池先聖日臨雙麗恩波照並妍願同指佞草生向帝堯前

文苑英華

按原

注云帖經日試

三年

丙辰

七年李茂貞進逼京師壬辰上出自渭北丙申至華州

通鑑

進士十二人

崔諤

狀元

永樂大典引蒲陽志昭宗御內殿試
崔諤以下十二人是崔諤狀元也玉芝堂談

舊云是年狀元 楊鏘 收之子登進士第見舊書楊收傳 永樂

登 崔諤又云沈崧 唐才子傳翁承贊字文堯乾甯三年禮部侍郎獨孤

第八 翁承贊 損下第四人進士又中宏詞敕頭 唐詩紀事承贊

閩人唐末為諫議大夫唐語曰槐花黃舉子忙承贊有詩曰雨中

妝點望中黃勾引蟬聲送夕陽憶得當年隨計吏馬蹄終日為君

忙 翁承贊擢進士詩曰霓旌引上大羅天別領新銜意自憐

蝶流鶯莫先去滿城春色屬羣仙又擢探花使三首詩曰洪崖差

遣探花來檢點芳叢飲數杯深紫濃香三百朵明朝為我一時開

九重烟暖折槐芽自是升平好物華今日始知春氣味長安虛過

四年花探花時節日偏長恬淡春風稱意忙每到黃昏醉歸去

衣惹得牡丹香 黃滔寄翁文堯拾遺詩云龍頭鳳尾前年夢今

日須憐應若神注云滔卯年冬在宛陵夢文堯作狀頭及第又申

年四月十二夜在清源夢到殿前東道自西厲聲唱翁某拜右省

拾遺 按詩言應若神則承贊為狀頭矣才子傳作第四人未詳

書錄解題作乾符二年進士誤 宋王邁驪軒集謝陳侍郎立

縣學續登科記並書啓云翁承贊為第四人時日以探花之使

按宋鄧名世古今姓氏書辨證翁承贊字文饒 涪熙三山志翁

登科記考 卷二十四 七

承贊福清 人居蒜嶺

諸科四人

知貢舉 禮部侍郎獨孤損 見

四年巳

進士二十人 試未明求衣賦 楊贊圖 狀元 廣卓異記引登科

及第弟贊圖乾甯四年狀元及第 唐詩紀事薛昭緯以侍郎掌

貢舉楊贊圖為榜首 殷文圭有趙侍郎看紅白牡丹因寄楊狀

頭贊 韋豕 永樂大典引池州府志載唐登科記乾甯四年禮部

圖詩 披言羊紹素夏課有畫狗馬難為功賦其實取畫狗馬難

于畫鬼神之意也投表兄吳子華子華覽之謂紹素曰吾子此賦

未嘉賦題無鬼神而賦中言鬼神子盍為畫狗馬難于畫鬼神賦

即善矣紹素未及改易子華一夕成於腹筒有進士韋豕池州九

華人始以賦卷謁子華子華聞之甚喜豕居數日貢一篇于子華其彼題云有丹青二人一則矜能於狗馬一則誇妙于鬼神子華大奇之遂焚所著而紹素竟不能

卓雲 涪熙三山志卓雲

孫

以已下之其年子華為豕取府解

劉

邵 讀書志孫邵字希韓四明人乾甯四年進士 唐詩紀事 邵與方干友善好荀楊孟子之書學退之為文為校書郎

劉

纂 摭言劉纂為等第後二十一年方及第按 歲神童及第以保大王子卒年六十二推之

七歲在 此年

博學宏詞科 **翁承贊** 涪熙三山志乾甯四年 翁承贊中博學宏詞科

知貢舉 **禮部侍郎薛昭緯** 舊書本紀乾甯三年十月戊申朔以 禮部侍郎 舊書薛存誠傳保遜子昭緯乾甯中為禮部侍郎貢

舉得人文章秀麗 唐詩紀事薛保遜大中朝尤肆輕佻侵侮諸

登科記考

卷二十四

九

叔自起居舍人貶洗馬而卒昭緯其子也頗有父風嘗任祠部外郎時李系任小儀王蕘任小賓正旦立仗班退昭緯吟曰左金烏而右玉兔天子旌旂蕘遽請下句昭緯應聲曰上李系而下王蕘曰陵轢諸父代嗣其凶臺丞累貶礪州司馬中書舍人顏蕘當制略子昭緯為乾甯禮部侍郎性輕率坐事貶礪州刺史 摭言華州榜薛侍郎示諸門生詩曰時君過聽委平衡粉署華燈到曉明開卷固難窺浩汗執心空欲慕公平機雲筆舌臨文健沈宋篇章發韻清自笑觀光渾昨日披心爭不愧羣生 北夢瑣言唐薛澄州昭緯即保遜之子也恃才傲物亦有父風每入朝省弄笏而行旁若無人好唱浣溪紗詞知舉後有一門生辭歸鄉里臨岐獻規曰侍郎重德某乃受恩爾後請不弄笏與唱浣溪紗即某幸也時人謂之至言有小吏常學其行步揖遜公知之乃召謂曰試于庭前學得似則恕爾罪於是下簾擁姬妾而觀之小吏安詳傲然舉動酷似笑而舍之

五年 戊午

八月壬戌車駕自華還京師甲子大赦改元光化

舊書本紀

進士二十人

試春草碧色詩見文苑英華 鄭谷有光化戊午年舉公見示省試春草碧色詩偶賦是題一首

羊紹素

唐才子傳殷文圭字表儒池州青陽人乾甯五年禮部侍郎裴贄下進士 唐詩紀事作

湯文圭池州人居九華小字桂郎苦學所用墨池底為之穴舉進士中途遇一叟曰眉緣拳文入口神仙狀也如學道當沖虛為儒

當大有名于天下唐末詞場請託公行文圭與游恭獨步場屋乾甯中帝幸三峯文圭攜梁王表薦及第仍列榜中尋為裴樞宣諭

判官至大梁朱全忠表薦之既而由汴宋馳歸全忠大怒遣吏捕之不及矣自是屢言措大率皆負心每以文圭為證白馬之禍蓋

自此也文圭事楊行密終左千牛衛將軍子崇義自江南歸朝改姓湯名悅 據言文圭家池州之青陽辭親閉道至行在無何隨

榜為吏部侍郎裴樞宣諭判官至大梁以身事叩梁王王乃上表薦之文圭復投啟事於公卿問略曰於菟獵食非求尺璧之珍鷄

鷄避風不望洪鐘之樂既擢第由宋汴馳過俄 劉鹹 殷文圭賀為多言者所發梁王大怒急遣追捕已不及矣 同年第三

登科記考

卷二十四

三

人劉先輩賦辟命詩曰甲門才子鼎科人拂地藍衫榜下新脫俗

文章笑鸚鵡凌雲頭角壓麒麟金壺藉草溪亭晚玉勒穿花野寺春多魄受恩同闕里 王韞 唐才子傳王韞字虛中宜春人自號

不嫌師辟與顏貧 臨沂子乾甯五年羊紹素榜進士釋貫休送王韞及第後歸江西詩曰太宗羅後彥桂玉比光輝難

得終須得言歸始是歸風帆天際吼家貧客梁宋閒困甚以詩投書莫 褚載 唐才子傳褚載字厚之家貧客梁宋閒困甚以詩投

便稀 襄陽節度使邢君牙云西風昨夜墜紅蘭一宿郵亭事萬般無地可耕歸不得有恩未報死應難流年怕老看將老百

計求安未得安一卷新詩滿懷淚頻來門館訴饑寒君牙憐之贈絹十疋薦於鄭滑節度使不行乾甯五年禮部侍郎裴贄知貢舉

君牙又薦之遂擢第 唐詩紀事陸威為郎官載以文投獻數字犯其家諱威因嬰然載尋以廢致謝曰曹興之圖 孔逸 冊府元

畫雖精終慚誤筆殷浩之矜持太過翻達空函 陳炯 何幼孫 永樂大典

乾甯五年登進士第 舊五代史孔 陳炯 何幼孫 引宜春志

邈文宣王四十一代孫登進士第 陳炯 何幼孫 引宜春志 甯五年進士第 賈泳 據言賈泳父脩有義聲泳落拓不拘細

裴相贊時爲前主客員外客游至郡泳接之傲睨裴嘗簪笏造泳
泳戎裝一揖曰主公尙書邀放鶴子勿怪如此倥傯而退裴贊頗
銜之後裴三主文柄泳兩舉爲裴所黜既而謂門人曰賈泳潦倒
可哀吾當報之以德遂放及第

盧肅 撫言盧肅鈞之

孫貞簡有祖風光化初華州行在及第自大寇犯關二十年搢紳
靡不編之肅始登第俄有李鴻者造之願備力鴻以錐刀暇日往
往反資于肅此外未嘗以所需爲意肅有舊業在南陽常令鴻徵
租皆如期而至往來千里而未嘗侵費一金既及第鴻奔走如初
及一春事畢

路德延

北夢瑣言河中判官路德延相國巖之姪
嶽之子擢進士第太平廣記德延光化

初擢第大有詩價

諸科一人

知貢舉

禮部尙書裴贄

舊書本紀乾甯四年十月以大中大夫
前御史中丞裴贄爲禮部尙書知貢舉

按此年爲裴贄第三榜撫言云第二第三榜通榜者爲諫議柳
遜起居舍人于競紫微錢翊 殷文圭有省試夜投獻座主詩

登科記考

卷二十四

三

殷文圭春草碧色詩曰細草含愁碧芊綿南浦濱萋萋如恨別再

再其傷春疏雨煙華潤斜陽細彩勻花黏繁鬪錦人藉輓勝茵淺

映宮池水輕遮輦路塵杜回如可結誓作報恩身 文苑英華

王叡春草碧色詩曰習習東風扇萋萋草色新淺深千里碧高下

一時春嫩葉舒煙際微香動水濱金塘明夕照輦路惹芳塵造坐

功何廣陽和力自均今當發生日瀝懇祝良辰 文苑英華

光化二年 己未

進士二十七人 盧文煥

撫言盧文煥光化二年狀元及第頗以
宴釀爲急務常俯關宴同年皆患貧無

以致之一旦給以遊齊國公亭子既至皆解帶從容文煥命團司
牽驢時柳璨告文煥以驢從非已有文煥曰藥不瞑眩厥疾弗瘳

璨甚銜之居四年璨登庸文煥憂戚日
柳璨 撫言光化二年趙

加璨每遇之日藥不瞑眩厥疾弗瘳
光逢後三年不遷時璨自內庭大拜光逢始以左丞徵入未幾璨

坐罪誅死光逢膺大用居重地十餘歲上表乞骸守司空致仕居

二年復徵拜上相 舊書本傳柳璨河東人曾祖子華祖公器父

遵璨少孤貧好學僻居林泉晝則採樵夜則然木葉以照書性謇

直無緣飾宗人壁批貴仕于朝副璨樸鈍不以諸宗齒之 宋柳

開上主司李學士書曰開之大王父唐光化中趙公我先君子也實

來應舉趙將以榜未處之據有移書于趙公毀我先君子趙公始

得一書乃遷名而進一等以至於前後得謗書二先君名止於第

二苟是時書未止於二十六人之毀也卽必冠乎首矣按此則璨

以第二 人及第

諸科一人

知貢舉 禮部侍郎趙光逢 舊書趙隱傳乾甯三年光逢從駕幸華州拜御史中丞改禮部侍郎舊五

登科記考

卷二十四

三

代史趙光逢傳改禮部侍郎知貢舉又
云門人柳璨登庸除禮部侍郎太常卿

三年 庚申

十一月庚寅 新書作己丑 左右軍中尉劉季述王仲先廢昭宗幽於東

內問安宮 舊書本紀

十二月左補闕韋莊奏詞人才子時有遺賢不霑一命於聖明沒

作千年之恨骨據臣所知則有李賀皇甫松李羣玉陸龜蒙趙光

遠温庭皓劉得仁陸遼傳錫平曾賈島劉稚珪羅鄴方干俱無顯

過皆有奇才麗句清詞徧在詞人之口銜冤抱恨竟爲冥路之塵

但恐憤氣未銷上冲穹昊伏乞宣賜中書門下追贈進士及第各

贈補闕拾遺見存明代唯羅隱一人亦乞特賜科名錄升三署便
以特敕顯示優恩俾使已升窵人皆霑聖澤後來學者更勵文風

敕中書門下詳酌處分據言容齋三筆據言所引尚有孟郊

及第韋莊云未及第誤鑒誠錄云唐末宰臣張文蔚中書

舍人封舜卿等奏前有名儒屈者十有五人請賜孤魂及第

進士三十六人按避暑錄光化中放進士榜得裴格等二十八人

賜之此作三十以為得人會燕曲江乃令大官特作二十八餅餞

六人未知孰是裴格元盧延讓唐才子傳盧延讓字子善范

年裴格榜進士朗陵雷滿薦薛之滿職歸僞蜀授水部員外郎累

遷給事中卒官刑部侍郎延讓師許下薛尚書為詩詞意人僻不

競纖巧且多健語下士大笑之初吳融為侍御史出官峽中時延

讓布衣薄游荆渚貧無卷軸未遑贖會融弟得延讓詩百餘篇

融覽其警聯如宿東林云兩三條電欲為雨七八個星猶在天旅

舍言懷云名紙毛生五門下家僮骨立六街中贈元上人云高僧

解語牙無水老鶴能飛骨有風蜀道云雲閒闌鐸驟去雪裏殘

駭虎拽來又云樹上誦謔批頰鳥窗閒逼駭扣頭蟲等大驚曰此

去人遠絕自無蹈襲非尋常耳此子後必垂名余昔在翰林自對

上曾舉其臂鷹健卒橫檀帽騎馬佳人卷畫衫一聯雖淺近自成

一體名家今則信然矣遂厚禮遇贈給卷多融雪中盧延讓光化

三年登第吳融表弟滕籍者偶得延讓百篇融覽大奇之由是大

登科記考

卷二十四

延讓延讓鳴咽流涕於是攘臂成之矣北夢瑣言唐盧延讓業

詩二十五舉方登一第卷中有句云狐衝官道過狗觸店門開租

庸張濬親見此事每稱賞之又有餓貓臨鼠穴饒犬舐魚砧之句

為成中令炳見賞又有栗爆燒檀破貓跳觸鼎翻句為王先王建

所賞嘗謂人曰平生投調公卿不意得力於貓兒狗子也人聞而

笑之盧嘗有詩云因知文賦易為下者之乎後入翰林閣筆而已

同列戲之曰因知文賦易為下者之乎竟以不稱職數日而罷也

按拙言云延讓業癡溘詩文賦二句投吳子華裴暉舊五代

卷中說詩一篇斷句也唐詩紀事作盧延遜史本傳

暉光化三年擢進士第以天福五年卒年八十五推之
是年四十五歲 新五代史本傳暉字司東河東人也 王定保

書錄解題王定保光化三年進士 按定保作摭言云于次匡廬
其夕遙視九天使者俄夢朱衣道人長丈餘特以青灰落衣襟罪

罪然常自謂魚透龍門凡二經復透矣私心常慮舉事中輟既三
舉欲罷不能於是四舉有司遂倖忝矣 十國春秋王定保南昌

人 按定保為琅邪王氏宰相世系表 崔籍若 摭言序云同年
載太原王氏有定保字翊聖別是一人 盧十三延讓楊

五十一贊圖崔二十七籍若按楊 鄭珏 舊五代史本傳珏光化
贊圖非此年及第或是別科同年 中登進士第初珏應進

士十九年方登第名姓為第十九自登第凡十九年為宰相又昆
弟之次第十九時亦異之通鑑考異云珏光化三年及第新五代

史云珏舉進士數不中第張全義以珏屬有司乃得及第 按昇
仙廟興功記碑末云前進士鄭珏書又注云光化三年添前字蓋

碑作于乾甯四年正月 吳靄 全唐詩吳靄字廷俊連州人光化
是年及第後添前字也 闕里文獻考昌明為光化三

隨紅焰斷化作白雲飛 孔昌明 闕里文獻考昌明為光化三
識者知其為青雲器 年進士未知所據附此俟考

登科記考

卷二十四

雷

明經科 楊知萬 冊府元龜後唐長興元年七月前興唐府冠氏
縣尉楊知萬經中書陳狀稱光化三年明經及

第

諸科二人

知貢舉 禮部侍郎李渥 舊書李蔚傳子渥拜中書舍人禮部侍
郎光化三年選貢士 按王定保摭言

序有恩門右
省李常侍渥

四年 辛酉

正月甲申朔 新書作 昭宗反正 舊書
本紀

四月甲戌 新書作 御長樂門大赦天下改元天復制曰漢徵極諫
丙子

晁董陳理亂之端晉策能言詵元貢闕遺之政乃登道廣請舉公

平誠在得人以匡不逮應天下諸色人中有賢良方正能直言極諫博通墳典達於教化軍謀宏遠政術詳明者文武常參官及諸道節度觀察等使具姓名聞薦至十一月到京朕當親論策試擇其可否施行

舊書本紀
唐大詔令集

敕中書門下選擇新及第進士中有久在名場才德科級年齒已高者不拘常例各授一官禮部侍郎杜德祥奏揀到新及第進士陳光問年六十九曹松年五十四王希羽年七十三劉象年七十七柯崇年六十四鄭希顏年五十九制曰念爾登科之際當予反正之年宜降異恩各膺寵命光問松希羽可祕書省正字象崇希顏

登科記考

卷二十四

五

可太子校書時謂此舉爲五老榜謗言容齋三筆謗言又云甚詔選中有孤貧屈人宜令以名時上新平內難聞放新進士喜聞特敕授官故德祥以松等塞詔

十一月王子中尉韓全海與鳳翔護駕都將李繼誨奉車駕出幸

鳳翔

舊書本紀

進士二十六人試天得一以清賦武德殿退朝望九衢春色詩見永樂大典引瑞陽志載登科記歸僧

狀元王芝堂談容齋三筆引登科記曹松永樂大典

舊僧作脩蘇州人讀書志曹松特敕授校書郎而卒據言松學府

圖經曹松字夢徵舒州人光化四年登第容齋三筆引登科記

曹松第八人讀書志曹松特敕授校書郎而卒據言松學府

司倉爲詩此外無他能時號松啓事爲送羊腳狀唐詩紀事松

及第敕下宴中獻座主杜侍郎詩云得召即瞻淚卻頻若無公道也無因門前送敕朱衣吏席上銜盃碧落人半夜笙歌教泥王

月平明柳杏放燒春南山雖有歸溪路爭那酬恩未殺身

希羽 撫言希羽歙州人詞藝優博 容 歐陽持 永樂大典引瑞

云歐陽持字化基高安人 劉象 撫言象京兆人 唐詩紀事沈

天復元年歸僧榜進士 好神仙之事少孤西游以三舉為約常夢著錦衣貼月而飛識者

言雖有虛名不入月矣 洪州解至長安初舉納省卷夢仙謠云玉

殿大開從客入金桃爛熟沒人偷鳳驚寶扇頻翻翅龍誤金鞭忽

轉頭第二舉憶仙謠云白榆風颭九天秋王母朝迴宴玉樓日月

漸長雙鳳睡桑田欲變六鼇愁雲翻簫管相隨去星觸旌幢各自

流詩酒近來狂不得騎龍卻憶上清游第三舉納省卷贈劉象為

首云曾應大中天子舉四朝風月鬢蕭疏不隨世祖重攜劍卻為

文皇再讀書十載戰塵銷舊業滿城風雨壞貧居一枝何事於君

惜仙柱年年幸有餘劉象孤寒三十舉 柯崇 鄭希顏 撫言崇

無成主司覽彬詩其年特放象及第 初舉進士第授校書郎 讀書志

閩人 容齋三筆引登 沈顏 十國春秋沈顏湖州德清人天復

科記象崇希顏居末級 裴口 顏口 李口 曹松有鍾陵寒食日與同年

沈顏字可鑄 裴口 顏口 李口 裴顏李先輩鄭校書郊外開

游詩校書 疑即希顏 **登科記考** **卷二十四** 美

諸科三人 **博學宏詞科** 李琪 舊五代史本傳琪舉進士第天復初

知貢舉 禮部侍郎杜德祥 唐語林杜牧之二子曰晦辭終淮南

侍郎知貢舉 亦有名聲 **天復二年** 辛酉 **停舉** **三年** 癸亥 **正月甲子車駕出鳳翔幸朱全忠軍已入京師** 舊書本紀

停舉

四年

甲子

正月丁巳新書作戊午車駕發京師癸亥次陝州

舊書本紀

四月朱全忠奏洛陽宮室已成請車駕早發

通鑑

閏月丁酉車駕發陝州甲辰車駕由徽安門入

舊書本紀

乙巳御光正門大赦天下改天復四年為天祐元年制曰思拯艱

難實資材榦尚慮非常之士猶懷自進之嫌苟或失人焉能致理

倘有懷才抱德隱遁山林武藝絕倫湮沈卑賤者仰所在處長吏

察訪奏薦如得才實當待以不次之位

舊書本紀冊府元龜

登科記考

卷二十四

七

八月壬寅夜朱全忠令左龍武軍朱友恭右龍武統軍氏叔琮樞

密使蔣元暉弒昭宗於椒殿丙午昭宣帝即位

舊書本紀通鑑

進士二十六人

李旭

永樂大典引宜春志李旭登天復四年進士第唐詩紀事旭及第後呈朝中知己

云凌晨曉鼓奏嘉音雷擁龍吟出陸沈金榜高懸當玉闕錦衣即著到家林真珠每被塵泥陷病鶴多遭螻蟻侵今日始知天有意

還教雪得一

許晝

撫言許晝者睢陽人也薄攻五字詩天復四年大駕東幸駐蹕甘棠晝于此際及第梁太祖長

子號大卿即君者常與晝屬和晝以卿為與主隨駕至洛下攜同年數人醉于梁祖私第因折牡丹十許朵主吏前白云凡此花開

落皆籍其數申令公秀才奈何恣意攀折晝謾罵久之主吏銜之潛遣一介馳報梁祖梁祖聞之頗睚眦獨命械晝而獻于時大卿

竊知開道先遣使至晝遂亡命河北莫知其止

盧程

舊五代史盧程天復未登進士第北夢瑣言盧程擢進士第為莊

皇帝河

劉岳

新五代史本傳岳字昭輔洛陽人唐民部尚書政會之八代孫崇龜崇望其諸父也敏於文詞舉進

士 按岳為劉 王 澥 宋尹洙集陝郡開元寺建初院有進士登符之孫珪之子 科題名二記在焉其一題云天復四年左

承楊涉下進士二十六人實唐昭宗遷洛改元天祐歲駐蹕于陝楊涉丞相所放進士榜第十四人王公諱澥之嗣子工部追書也

其一題云咸平元年翰林學士楊礪下進士五十一人第 陳用 九人劉公劉公太父太常卿岳前天復榜中第十一

拙 十國春秋陳用拙本名拙連州人用拙其字也少習禮 陳詠 樂工詩歌長卷以字顯唐天祐元年擢進士授著作郎

北夢瑣言唐前朝進士陳詠眉州青神人有詩名善奕棋 姚顥 昭宗劫遷駐蹕陝郊是歲策名歸蜀韋書記莊以詩賀之

新五代史本傳顥字百真京兆長安人司空圖以女妻之舉進士 舊五代史本傳顥唐末隨討入洛出遊嵩山有白衣丈夫拜于

路側請為童僕顥辭不納乃曰鬼神享于德君子孚于信余則鬼 也將以託賢者之德通化工之信幸無辭焉昔余掌事陰府奉命

攝人之魂氣名氏同而其人非且富有壽算復而歸之則筋骸已 敗由是獲譴使不得為陽生公中夏之相輔也今為渴中天之祠

若以某姓名求之神必許諾顥為虔禱而還白衣迎于山下曰余 免其苦矣拜謝而退次年擢進士第 按舊唐書本紀天祐元年

登科記考

卷二十四

天

六月前進士姚顥為校書郎前進士趙 趙頎 劉明濟 竇專 願劉明濟竇專並祕書省校書郎正字

按諸人皆當 是此年進士

諸科一人

知貢舉 尚書左丞楊涉 摭言天祐元年楊涉行 在陝州放榜後大拜

唐昭宣光烈孝皇帝

天祐二年 乙丑

六月癸巳敕衛尉少卿敬治是裴贄之甥常累于鼻或以明經撓

文柄或以私事竊化權贄已左遷爾又何適可貶徐州蕭縣尉 舊書

紀本

八月乙未敕僞稱官階人泉州晉江縣應鄉貢明經陳文巨招狀

罪欵付河南府決殺

舊書本紀

王寅敕前大中大夫兵部侍郎賜紫金魚袋司空圖俊造登科朱

紫升籍既養高以傲代類移山而釣名志樂激流心輕食祿匪夷

匪惠難舉公正之朝載省載思當徇幽棲之志宜放還中條山

舊書

本紀

進士二十三人

歸係

狀元 王芝堂談蒼云蘇州人侑之弟

楊凝式

永樂大典引蘇州府

志侍郎張文蔚知舉歸係第一人及第楊凝式第三人及第

五代史楊凝式傳唐昭宗朝進士第按言昭宗誤游宦紀聞載

楊凝式年譜生于咸通十劉贊舊五代史本傳贊魏州人年三

四年癸巳是年二十三劉贊十餘登進士第與學士賈夢徵

卷二十四

完

登科記考

同年登第鄰居友善夢徵卒贊與同年楊凝式總麻為位而哭按

贊卒于清泰二年年六十餘是生于咸通末乾符初至天祐二年

正三十餘歲北夢瑣言唐劉瞻相公有清德大名與弟阿初皆

得道已入仙傳先婚李氏生一子即劉贊也相國薨後贊且孤幼

甚情鈍教其讀書終不記憶其舅即李殷衡侍郎也以劉氏之門

不可無後常加楚箠終不長進李夫人慈念不忍苦之歎其宿分

也一旦不告他適無以訪尋聖善憶念淚如縷縻莫審其存亡數

年方歸子母團聚且日誦一卷兼有文藻擢進士第梁時登朝充崇政院學士預時俊之流

同州人少苦心 崔庸唐詩紀事庸登天祐二年進士第又云庸吳郡進士

為文登進士第

諸科二人

知貢舉 禮部侍郎張文蔚撫言天祐二年張文蔚東洛放榜後大拜舊書本紀天祐二年三月以

吏部侍郎張文蔚為中書侍郎同中書門下平章事新書作禮部侍郎今從之

三年丙寅

正月辛巳國子監奏得監生郭應圖等六十人狀稱伏覩今年六月五日敕文應國學每年與諸道等明經一例解送兩人者應圖等早辭耕稼夙慕詩書自拋鄉邑之中便忝國庠之內棲遲守學輒軻於時未諧昇進之期卻抱減退之患苟或諸道解送監府同條實謂首尾難分本支無異伏請聞奏俾遂渥恩者又河南府奏當府取解明經舉人周定言等二十七人各據取解差司錄參軍崔蘊考試並已及格伏緣明經舉人先準敕諸州府解送不得過二人者今當府除去留外見在二十七人考試並已及格若只送登科記考

卷二十四

三

二人必恐互有爭論難以指揮者敕曰取士之科明經極重每年人數已有舊規去夏雖舉條流蓋慮所司踰濫今者國子監既有聞奏河南府亦具陳論不念遠人何以誘進只在乎升降之際切務公平又何必解送之時便爲沙汰將免遺才之歎須聞汲善之門特改舊條俾循往例國子監河南府所試明經並依準常年例解送禮部所放人數亦許酌量施行但不得苟徇囑求遂致僥倖兼下諸道準此

舊書本紀

二月癸卯禮部奏伏以朝廷累年多事道途艱辛在遠舉人併阻隨計逐年所司放榜人數不常量其少多臨事增減今者干戈稍

弭水陸漸通舉人等皆負笈擔簞裂裳裹足來求試藝競切觀光
雖人數不廣于近年而貢籍頗甚其屈譽至於俊造亦有其人臣
今欲於去年數外更放三數人忙開勸誘之門以贊文明之運已
選今月二十一日放榜伏候進止者敕曰朝廷取士之科每歲擇
才之重必資藝實以副勤求或來自遠途或久稽鄉薦今年就試
多有屈人所司奏論是宜俞允苟叶無私之道俾開振滯之門切
在精詳於觀公當其禮部所放進士於舊年人數外宜令更添兩

舊書本紀 冊府
元龜 唐會要

王戎

按王戎上下
字當有一說

朱全忠奏河中判官劉崇子匡圖今年進士登

登科記考

卷二十四

至

第遽列高科恐涉羣議請禮部落下

舊書
本紀

進士二十五人

裴說

唐才子傳裴說天祐三年禮部侍郎薛廷珪下狀元及第

唐詩紀事唐舉子先投

所業于公卿之門謂之行卷說只行五言十九首至來年秋賦復
行舊卷人有議之者說曰只此十九首苦吟尚未有人見知何假
別行卷哉識者以為知言說天復六年登甲科其年以苦吟難得
為工且拘格律嘗有詩曰苦吟僧入定得句將成功又贈僧貫休
云總無方是法難得始為詩又云是事精皆易唯詩會卻難遭亂
故宦不達多游江湖間有石首縣詩云因攜一家住贏得半年吟
深閨乍冷鑑開篋玉筋微微濕紅頰一陣霜風殺柳條濃烟半夜
成黃葉垂垂白練明如雪獨下開階轉淒切祇知抱杵搗秋砧不
覺高口已無月時聞寒雁聲相喚紗窗只有燈相伴幾度口口口
口裁離腸恐逐金刀斷細想儀形執牙尺回刀剪破澄江色愁捻
銀針信手縫惆悵無人試寬窄時時舉袖勻紅淚紅箋謾有千千
字書中不盡心中事一半慙慙寄邊使此說聞砧詩也說終禮部
員外郎說與詣俱有詩名詣唐天祐

裴詣

見 陳光義

翁襲

三年登第終于桂嶺假官宰字而已

明 永樂大典引莆陽志天祐三年陳光義翁襲明登進士第

李思 新五代史本傳思字子晦渤海無棣人也劉繼述幽

昭宗於東內愚以書說韓建建不能用乃去之洛陽舉進士 舊五代史本傳愚初以艱貧求為假官滄州盧彥威署安陵簿丁憂

服闋隨計之長安屬關輔亂離頻年罷舉客于蒲華之間天復初歸洛陽衛公德裕孫道古在平泉舊聖愚往依焉子弟親採栢負

薪以給朝夕未嘗干人故少師薛廷珪掌貢籍之歲登進士第又登宏詞科

諸科四人

知貢舉 吏部侍郎薛廷珪 舊書文苑傳薛廷珪光化中復為中書舍人遷刑部吏部二侍郎權知禮

部貢賦天祐三年舉 丁卯 四年 卯 丁卯 四年 卯

三月甲辰唐昭宣帝降御札禪位於梁 通鑑

登科記考 卷二十四 三

進士二十人

崔詹 狀元見玉芝堂談薈 陳淑 永樂大典引莆陽志天祐四年陳淑登進士第

楊元同 玉堂閒話唐天祐年河中進士楊元同老于名場是歲頗亦彷彿未涯兆朕宜祈吉夢以下前途是夕夢龍飛天乃

六足及見榜乃名第六披及第不知天祐幾年附此俟考

諸科三人 吏部侍郎薛廷珪 舊書文苑傳薛廷珪光化中復為中書舍人遷刑部吏部二侍郎權知禮

諸科四人

知貢舉 吏部侍郎薛廷珪 舊書文苑傳薛廷珪光化中復為中書舍人遷刑部吏部二侍郎權知禮

知貢舉 吏部侍郎薛廷珪 舊書文苑傳薛廷珪光化中復為中書舍人遷刑部吏部二侍郎權知禮

知貢舉 吏部侍郎薛廷珪 舊書文苑傳薛廷珪光化中復為中書舍人遷刑部吏部二侍郎權知禮

知貢舉 吏部侍郎薛廷珪 舊書文苑傳薛廷珪光化中復為中書舍人遷刑部吏部二侍郎權知禮

